Commentatio prima de medicis equestri dignitate ornatis : praemissa est Dissertatio de vera felicitate e studio et exercitio artis medicae capienda, philosopho aeque ac Christiano digna.

Contributors

Möhsen, Johann Karl Wilhelm, 1722-1795.

Publication/Creation

Berolini: Typis Ioannis Georgii Bosse, [1767]

Persistent URL

https://wellcomecollection.org/works/wnke4f7s

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



1. Moehlen de possionis iliaco consis el Curaline distalais prof. Situate dal 1740 2. - De menusoriphis medició in Bribliothere Repu Berolu. 125 3 - - 27 Jor gold ind Tilbroarbris in Inn ially ha frihm Les 757 4. Commentatio de medició equestri digratate donates. Peul 1769 Supp. 59887/3

Digitized by the Internet Archive in 2019 with funding from Wellcome Library

COMMENTATIOPRIMA

[J.C.W. Moehsen]

COMMENTATIO PRIMA

MEDICIS EQVESTRI DIGNITATE ORNATIS.

PRAEMISSA EST DISSERTATIO

DE

VERA FELICITATE E STVDIO ET EXERCITIO ARTIS MEDICAE CAPIENDA, PHILOSOPHO AEQVE AC CHRISTIANO DIGNA.



BEROLINI, TYPIS IOANNIS GEORGII BOSSE.

349255

COMMENTATIO PRIMA

MEDICIS. EQVISTRI DIGNITATE ORNATIS.

PRATHESA EST DISSIRTATIO

WERA PELICITATE E STVDIO ET EXERCITIO ARTIS MEDICAE CAPIENDA.





DISSERTATIO

DE

VERA FELICITATE E STVDIO ET EXERCITIO ARTIS MEDICAE

CAPIENDA PHILOSOPHO AEQVE AC CHRISTIANO DIGNA.

VIRO ILLVSTRI ET EXCELLENTISSIMO

D. C. A. COTHENIO,

POTENTISS. BORVSSORVM REGIS

CONSILIARIO INTIMO ET ARCHIATRORVM COMITI,

RELIQUA,

OMNI QVA PAR EST OBSERVANTIA DICATA

HALES Graecorum Philosophus, illum hominem felicem putabat, cui corpus sanum, fortunae & intellectus bene exercitatus, obtigissent. Testatur hoc Diogenes Laertius Cap. I. lib. I.

quem de vitis philosophorum edidit, verbis: Interrogatus, quisnam felix sit? Qui corpore, inquit, sanus, fortuna locuples, animo non ignavus neque imperitus est.
Quantus, quantus ille numerus philosophorum sit, qui
de vita beata vel de felicitate hominum, cogitationes suas
tradiderunt, eamque determinare ausi sunt, conceptus
tamen eorum, quos sibi de ea formarunt, maximam parA 2

tem inanes, nulliusque ponderis erunt, nisi antea commemoratis tribus principiis nitantur, id quod & ipfa experientia, optima rerum magistra, confirmat. Dantur & qui cum Seneca Philosopho Cap. III. libri ejus de vita beata, aliis verbis, eandem veritatem afferunt, a THALETE clariorem in modum jam definitam. Quod fi ex interpretatione philosophorum recentiorum, status laetitiae haud interruptae atque continuae, felicitatem largiatur, hoc certe genus felicitatis illorum non est, quorum deliciae & sensuum oblectamenta, a corpore infirmo ac dolore vexato, iterum franguntur. Nec iis hilarem esse mentem perpetuam duco, quos victus quaerendi cura, anxie follicitat. Deficiente vero intellectu, felicem suum statum nemo cognoscere, nemo pernoscere valet, nec sorte sua, licet felici, contentus erit. Bona enim illa, quae possidemus, absque ratiocinandi facultate, non adeo oblectant, nec veram voluptatem largiuntur. Me sentiente, gaudii durabilis status animae, dat formale felicitatis; cujus caufae efficientes, bona valetudo, facultates & intelligentia, mihi esse videntur. Autor idiomatis gallici, quo ante memoratus liber Sene-CAE donatus fuit, in praemissa dissertatione ejusdem argumenti, felicitatem ita definivit, quod vel in virtute & cognitione veritatis, vel in fama, vel in fenfuum oblectamentis lateat. Illas felicitates imaginarias effe credit, veram autem felicitatem folummodo in fenfuum voluptate, cumprimis illa, quae ab amore petitur, quaerit. An non vero & fentuum delicias, fpafmi hypochondriaci ærisque inopia turbabunt? Nonne dolor quidam animi vel poenitentia, quae sensualem voluptatem saepe comitatur, in unoquoque, qui mentis compos est, voluptatem ante gustatam amaram reddet? Dubito certe, num andi-

antidotum istud, quod conscientiae morsibus autor ille adeo adaptatum praedicat, veram mentis tranquillitatem alicui unquam redditurum sit. Vile hoc medicamen soporiferum est, & palliativum, quod tentamen fugit, nec ex toto fanat. Instrumenta voluptatis, qua sensus moventur, nimio usu exolescunt, ac tempus, quo ad illa reficienda opus est, taedium affert hominibus acutis, & fecum exquirentibus, quid peregerint, quod voluptates antea perceptas longe superat, idque eo magis, si morbis dolorificis & debilitatibus corporis, individuis fere voluptatum hujus generis comitibus, afficiuntur. quis quaeso negabit, quod ingrati affectus, morbi diuturni & voluntarii, imo subsequens mortis ipsius terror, voluptatem istam exiguam, exempli gratia gustus, valde superent, quae ab intemperato usu grati alimenti, illi autori adeo perniciosi, sentitur? Quomodo quis ulli cupiditatum generi fensus oblectanti, quotidie indulgere valet, quin corporis valetudinisque jacturam patiatur? Finge felicitatem in sensuum oblectamentis consistere, nihilo tamen minus ut illis fruamur, fanitate opus erit, nec minus intellectu, in dividendis & ita ordinandis voluptatibus, ne corpori noceant; postremo denique nec opibus carere possumus, quae usum saepius repetitum praestare valeant.

Perspicimus igitur, quod Thaletis sapientis essatum, veram selicitatem esse, sine corporis valetudine, & opibus, & ingenii robore, non posse, verum sit & exploratum. Ad hanc vero selicitatem impetrandam, praeter artem medicam, nullum sere doctrinae genus, faciliorem nobis viam monstrat. Praecipua medici cura, totumque hujus artis negotium, in eo versatur, ut corpus sanum sit, ut morbis via praecludatur, yel si jam adsint,

A 3

ut cito, ac tuto tollantur. Male sane secum ageret medicus, qui fui ipfius curae non primo prospiceret, ac ut, quantum fieri potest, ipse valeat. Nec opibus penitus carere potest. Eo usque enim jam provectus, ut artem exercere possit, is quando rem suam rite instruit, semper tantum quaestus habebit, unde necessitati suae subveniat. Quid enim homo non pro vita dat? & MARTIALE autore, non est vivere, sed valere vita. Ratio & experientia, omni tempore medicae artis integrae fulcra audiverunt. Necessarium igitur in medico requisitum illud est, ut ei intellectus insit, eoque a natura sit praeditus: hoc enim deficiente, fuadeo, ut alia quacunque ratione, vitae fuae necessitatibus prospicere velit. Ipse vero intellectus, continuo exercitio artis medicae viget, & acuitur. Mathesis enim, & philosophia naturalis male ignorantur, ab omnibus, qui in doctrina medica proficere cupiunt; & hae funt istae disciplinae, quarum cognitio tanquam summe necessaria, tironibus commendanda est, ut quam diligentissime operam huic navent, eum nimirum in finem, ut in arte ratiocinandi, illiusque ufu, aptiores evadant. Quantocunque enim hae fecundum regulas logicas explicantur, ipfae regulae non folum utiliori modo, intellectum instruunt, propria dum experientia ideas largitur, a vocum fignificatione hand alienas: verum quoque de harum idearum rectitudine, eo magis convincimur, & quem ulum, obveniente calu, praestare valeant, rite perspicimus. Perillustris Wolffius ideo in Cogitationibus rationalibus de viribus intellectus humani §. 287. philosophiam experimentalem mirifice praedicat, quando scilicet illa eo ordine proponitur, quomodo unum ex altero meditando eruitur, continuo sensuum ac intellectus connubio. Quia auditores vel lectores, inde fenfim

sensim sensimque, ad meditandum manu ducantur, & habitum feliciter acquirant, quo propositiones determinatae a posteriori eruuntur, & nonnullarum ope, caeterae a priori demonstrantur, consequenter ratio cum experientia connectitur. Habitus iste, Wolffius pergit, non modo medicos mirifice juvat, quos eodem modo ex obfervationibus fapere decet, sed viris quoque politicis suppetias fert, imo omnibus ac singulis, quotquot veritates morales & politicas ex experientia hauriunt, & in negotiis suis prudenter gerendis, ex alieno casu sapere, decreverunt. Praeter utilitatem, e doctrina mathematica & physica experimentali, capiendam; anatomiam, artem chemicam, atque historiam naturalem, medico aeque prodesse censeo. Sunt enim disciplinae, quae & rationis & sensuum verum ulum connectunt. Omni die machinam tractat medicus, fecundum regulas mathematicas adornatam, cujus quippe structura singularis, anatomica ex arte patet, qualitates vero corporeae, e regulis doctrinae phylicae atque chemicae, explicantur. In morbis contingentibus, certis e phaenomenis, judicare riteque observare debet medicus, quomodo partium functiones a statu suo naturali deslectant, unde posthaec de mutationibus adhuc expectandis, conjicere valebit. Imitatur hac in parte astronomum, qui e visis secundum certas regulas, non visa dijudicat, Remediis utitur, in fanandis morbis, e regnis naturae petitis, quorum partes constituentes ac virtutes, sensuum usu innotescunt, & arte chemica dignoscuntur. Experientia vero quotidiana evincitur, num veritates ex istis disciplinis petitae, valeant, nec ne. Hinc omni die, quid faciendum sit, ex rationibus, quas praedictae disciplinae probant, colligit, atque determinat. Eo nexu, intellectus in medico,

quotidiano exercitio occupatur, & schola mundi, confuetudine perpetua cum hominibus diversi generis, medicum de variis rebus instruit, quae usum praestare valent; dum & meliori modo animorum indolem, prae caeteris hoc pacto scrutatur, atque tempora & personas,

cos miglice juvat, q

dignoscere discit.

Jam ubi de felicitate cognovimus, quaenam illa fit, & quo jure medicus hanc fibi vindicare possit, non sufficit de possessione qualitatum a THALETE praedicatarum gloriari, & se ipsum felicem existimare, dum molestiae atque incommoda, quae praxis medica habet, aliquo modo cognitis praemiffis, tolerabiliora redduntur. Tantum non, me judice, haec aeque grata funt, ac ille status, in quo degimus, aptique reddimur, ad praestanda opera amoris proximi, verae amicitiae, liberalitatis, misericordiae, gratitudinis, officiaque alia, cum animo generofo, proximo bene cupiente, & re vera tali, quo nimirum concivibus nostris, iniquiori a fortuna depressis, succurrimus. O quam grata laus erit illi, qui generis humani atque societatis adeo utile membrum dici meretur! Certe generofus iste, cordique blandus affectus praedicandus, quo de felicitate in proximum collata, ipfi convincimur, factumque nostrum sentimus; tale, inquam, factum, quo vitam ejus tuemur, quo fidum auxilium huic praestamus, quo confiliis falutaribus, a tramite periculofo, alterum avertimus: neque solum corpori, ut bene valeat, sed & menti saepe medemur, ut meliora cogitet, atque tranquilla reddatur. Medicus humano generi ferio favens, occasione non destituitur, quam maxime opportuna, qua eximias has virtutes exercere queat; dum munere suo jubente, non solum quotidiana miserorum consuetudine utitur, sed & prae multis, de infelici eorum statu certior reddi--Mond

redditur, unde & hos, quo meliori modo juvare possit, cognoscit. Quantum quaeso non prodest miseris laborantibus, dum opera sua, admonitione atque consilio prudenti, nec minus impendendo officia quaecunque desiderata, miserum illorum statum, quantum sieri potest, tolerabiliorem reddit eosdemque solatur. Agnatorum atque domesticorum mentes, saepius adeo perterritae funt; ut quae aegroto conducant illumque reficere queant, vere ignorent, nec mente attingant: aegrotus ipse variis malis confectus, sibi non constat, moestus est, plenusque timoris; & aegro adsidentium, qui solamen afferre deberent, saepe animus plane dejectus est, ipsique solatio indigent. Hic locus ille est, qui amorem proximi, & cordis finceritatem provocat. Instruuntur domestici, quid audendum sit, ut aegroti Patientiae virtus commendatur in anstatus leniatur. tecessum, eo imprimis casu colenda; quo aegrotantis morositas, & mens obstinata illud efflagitaret, ut imbecillitati ejus parcatur: vel quoque ipfi ad toleranda quaevis incommoda, quae in aegrotorum cura & adjumento contingunt, praeparantur. Aeger vero, tam argumentis a ratione petitis, quam etiam cum nos ipfos, misericordia sui commotos videt, officiis & curis nostris facilius erigetur. Malum enim quod patitur, pro dimidia parte lenitur; quia fiduciam in medico habet: illiusque amicitiam, cum amore conjunctam, agnoscit. A moerore depressis amicis & propinquis, tot argumenta solaminis causa, suppeditantur, quot pro re nata percipere valent, ut & absente medico, illum sublevare, ac aegroti animum a dolore turbatum, sedare, & cum ratione adhortari valeant. Quod si porro singulis his dotibus, solida doctrina cum applicatione conveniente jungitur, miranmirandum non erit, quando honorati & nobiles, animo liberali & grato praediti, fine respectu conditionis fuae, medicum vera amicitia & cultu fuo dignum existimant, dum auxilii ab eodem praestiti, commodum & dignitatem perspiciunt. Gaudium, quo mactatur medicus, fidumque pectus suum alit, dum officia humanitatis & artis suae, erga aegrotum, miserum & aerumnosum, aequo animo & pari cura, quam erga divitem & honoratum vel principem, feliciter impendit; omne taedium, & incommoda, quibus medica praxis scatet, facile superabit. Verba enim hominis, miseri quidem & infelicis, sed pii & bonae mentis provida artis cura fanati, cui prae gaudio & pietate, in referenda gratia lacrymae manant, magis semper animum benefici & generosi medici, grata laetitia commovent, quam dona divitis tumidi, qui ingrato pectore, omnem operam, folummodo nummis compensare nititur; talemque mercedem, saepe avara & tenaci manu, praebet. Medicus fapiens, non facile praerogativis procerum & divitum, invidebit. Quoties in generationis negotio perscrutando occupatus est, ac eandem hominum primam originem, idem primum habitaculum, primosque eorum vagitus perpendit; quoties horrendum morborum evolvit catalogum, qui genus humanum fine discrimine infestant; quoties exstinctorum corpora lustrat, eandemque fragilem machinae fabricam intuetur, fimiles inter fe effe homines forma & natura perspicit; & praerogativam eorum, in casu & fortuna positam esse, intelligit. Verum quidem est, quod proceres & divites, unico verbo saepius infelici cuidam, fuccurrere valeant; ast o quam raro, hi fortunae suae dotibus, eum in finem utuntur! Ut plurimum custodiendo fortunas suas, excubias agunt,

agunt, quo fit, ut ab affectu interno laetitiae cordis, super praestito aliis auxilio, & impertita felicitate, nullo vel raro tangantur, quo tamen ex affectu, verum gratis-

simumque fortunae pretium, unice cognoscitur.

Omnis in hoc mundo hominis felicitas, cum vita decedente, expirat. Mors inevitabile illud fatum, non folum iis, qui fola mundana felicitate ducuntur, maximum terrorem incutit, animique tranquillitate illos privat; sed quoque constantissimam saepe mentem, & obfirmatissimum pectus frangit, anxietatibusque implet & torquet. Hinc jam philosophorum antiquiorum numerus, mortem lenem & placidam, tranquilla mente acceptam, felicitatibus annumerabat. Negari nequit, mentem bene falutaribus principiis instructam, in duro hoc luctamine mortis, multum prodesse, ut animus tranquillus maneat, verum tamen ad id facilius ferendum, exercitata quoque mente opus erit, & in hac medicus caeteris omnibus praestat. Quis enim animo forti & ad amicitiam applicato, praeditus; amico ex hac vita discessuro, ad ultimum vitae, praesentiam suam, confilium, opemque desideratam, negabit? Quaenam vero ratio subesse poterit, cur medicus, qui cum aegrotis tanquam amicis suis infelicibus agit, hanc opem recusare nec adesse velit, illo nimirum tempore, quo vel fato fungens illiusve cognati, praesentiam & consilium ipfius efflagitant. Quod fi nihil neglectum, fed remedia justa, & consilia quaevis operose adhibita dataque fuerint, quantum ego possum perspicere non intelligo, cur non medicus naturae debitum reddenti, fingularem fidem in hisce periculis, praebere vellet? Experientia & ipse sum edoctus, quantum medici praesentia, & confilium, illo in casu valeat, ad levandum animum moribundi, & erigendas mentes eorum qui hunc circumstant; si tunc temporis, oratione decente & consolatoria, ac blando alloquio, ad obtinendum illum finem, utitur. Medicus enim de statu religionis infirmi, aeque ac de temperamento aegroti sui, ex iis quae durante morbo contigerunt, & in ipso aegroto apparuerunt, meliori modo instructus esse valet, quam quisquam alius: hinc & optime novit argumenta folaminis afferenda, quae jam discessuri animum, confirmare queant. Lectus certe feralis, & religionis & fapientiae schola, recte dicitur. Hujus in adspectu contingit nobis, ut de variis rebus, utpote de nexu corporis cum mente, item de praestantia veri & non infucati christianismi, nec non de usu practico folidae philosophiae, & de virtute prudentioris & magis confirmati animi, ad vincendum dolores, atque corporis motus quoscunque violentos, conjicere valeamus; quamquam haec hujus loci non funt. In hac schola docemur, in medio vitae nostrae cursu, eo dirigere mentem; ut ad certamen hoc ultimum parati, tranquillo cum animo, veraque in Deum fiducia, ex hoc mundo discedere possimus. Nam veritate nititur, quod morientium aspectus, quantopere licet, pectus tenerum animumque mitiorem frangat, efficere possit, ut mundi hujus felicitatibus parum obstricti, summa cum tranquillitate animi, vitae nostrae finem, vel adventantem vel obrepentem, fine metu, in flore quoque aetatis, expectare queamus. Medico, in frequenti artis exercitio constituto, ansa datur cogitationibus istis, de vitae hujus felicitate transitoria, prudenter conceptis, vacandi; quibus animum fuum adeo confirmare valet, ut omnia, quae ipsi contingere possunt, intrepida fronte expectet. Ipfi morbi mortis praecones, haud terrent, tolerabiliusque redditur huic malum, qui se ita composuit; praeterea naturae suae genium perspectum novit, optimaque remedia seligere ac sibi tribuere valet. Experientia, quam suum ipsius corpus largitur, artem quoque suam auget utilioremque reddit; quia & in ipso medico ardorem excitat tanto majorem, juvandi alios, corporis infirmitate laborantes.

Prae caeteris medico datur facultas, de Deo tanquam ente summo, sublimiori quovis modo cogitandi. Physicus atque Philosophus, res ab illo creatas immenfamque sapientiam, qua singula ordinata videmus, contemplatur. Medicus vero, qui simul Physici ac Philosophi munere fungitur, magis singulari nobiliorique cognitione hominis praeditus est, & de illarum creaturarum indole ratiocinatur, quae ad imaginem Dei, ut facra cum Scriptura loquar, conditae funt, in quibus quippe producendis, Summi Numinis sapientiam infinitam miratur, qua opus tale artificiosissimum, ostendere valuit. Nec minus singularibus & mirificis providentiae divinae ductibus, aegrotorum conditionibus variis & incredibilibus saepe casibus, medici quotidie ad pias cogitationes deducuntur. Haec sunt ea, quae inter alia de vera felicitate, e studio & exercitio artis medicae acquirenda, mihi perfuadeo. Fatendum mihi est, quod per integrum illud temporis intervallum, quod viginti quinque fere annos implet, quibus praxin medicam exercere mihi licuit, molestissimis & ingratis in casibus, hae cogitationes mihi levamento fuerint, & fractum saepe animum placarint; nec dicere valeo, quod studium medicum me elegisse unquam poenituerit.

Verum equidem est; Commentatio de medicis equestri dignitate ornatis, mox secutura, cujus primam partem pro tempore in lucem emitto, talis non est, quae juvenem, ad artis medicae studium se conferentem, e principiis philosophicis, de eligendo hoc studio convincere, & ad illud tractandum movere possit, fed honorum potius dignitate perpensa, eosdem allicit. Quam raro autem accidit in juvene, ingenio & arte valente, ut rationibus philosophicis convictus, ulli scientiarum generi cum ardore operam navare velit! Quae nitent, oculosque feriunt, utplurimum praefe-Hunc scopum intendit praedicta Commentatio, quae simul historiam litterariam medicam, eamque de Ordinibus equestribus, variis modis auget, illustrat atque emendat. Opus est mere litterarium, Honores, ac dignitates medicis in ornamentum datas complectitur, tales nimirum, quae praecipue animos honoris cupidos, & mentis alacritate praeditos, delectare valent, licet sapientiae Medici Philosophi, nihil tribuant. Quantae utilitatis sit ardor ille, qui mentes tenet gloriae cupidine incensas, in addiscendis bonis artibus, nulla probatione hoc loco indiget. Non diffitendum erit, quod a fortuna rerumque nexu quodam; ut & a dispositione Principum & Dominorum terrae cujusvis, in ordinandis praemiis pendeat, si qui horum honorum, quos Commentatio praesens comple-Aitur, ad aliquem pervenire debent: cum non, ut apud Nobiles, nativitatis origini, sive, ad modum studii Juris ac Politicae, ipsis scientiis aliqua ratione adhaerent, sed meritis prorsus singularibus, moribus a plebe distinctis, zeloque haud communi, acquiruntur. Interea adductis infra exemplis probavimus, re-Verons

centiori quoque aevo, Reges & Principes extitisse, qui medicorum operam praemiis ornare voluerunt. rifice sane delectarer, si commentatio sequens, generosa quaedam ingenia, laudisque obtinendae cupidas mentes excitare possit, ut summo cum zelo, indefessa geminaque opera, medicinae studio se darent. Nec minus honorem facultatis medicae, ejusque splendorem valde augeret, si juvenes nobili stirpe nati, honoratiorum filii, sed quod primo loco monendum, ingenue liberaliterque educati, ad artem medicam frèquentius se transferrent, ut non insolenter in aliis terris, praecipue in Magna Britannia evenire folet. Optandum enim effet, ut artis studiosi non Apollinis & Aesculapii sacra, nisi remotis omnibus praeconceptis opinionibus, atque affectibus, inprimis vero corde ab omni invidia & livore libero adirent; quod facilius, follicita & ingenua educatione, quam multis studiis & artibus, obtinetur. Homines enim litteris multis praeditos, & variarum rerum scientia praeclaros, invidia saepius premi, ex scriptis & factis eorum, in historia litteraria recensitis, intelligimus.

Praecipuum hoc fane requisitum medici est, ne ex invidia laboret, nec eruditione fua aliquali fretus, arroganter de se sentiat, aliosque prae se neminem putet. Qui enim mirifice de se, & de aliis contemtim loquuntur, ad ludibrium recidunt, imo ipsi arti salutari con-

temtum pariunt.

Satis enim superque constat, nec medicam artem iis destitui viris pravis, qui illam despicatui habent, & eximia & acuta ingenia, imprimis ex nobili genere orta, ab artis studio variis argumentis abducunt. Inter alia invidiae fuae argumenta, hoc quoque utuntur, ut

contendant, quod ne peritissimus quidem ad illius generis dignitates & munera honorifica adspirare queat, quales obtinentur ab illis, qui Juris studio vacant, vel in regionibus Catholicorum, ut & nonnullis Protestantium regnis, nimirum in Anglia, Suecia, Daniaeque regno, Theologis dantur. Porro & ipie contemtus, quo perperam sic dicta ingenia heroica; vel potius illa, quae omnem fibi vindicant sapientiam, medicos prosequuntur, multum artis aestimationi detrahit. eorum loquendi & sentiendi de hac arte, dum felicem vitam vivunt & bene valent, efficit, ut & alii, qui judicio, & rei cognoscendae robore carent, & verum a falso discernere nequeunt, ab his accepta opinionum commenta repetant, artisque contemtus tali modo plurium animos ingreditur. Nec defunt vafri derifores, qui, ut spiritum suum satyricum ostendant, artem quam ignorant, cujusque utilitatem ob defectum judicii, perspicere haud valent, per risum & jocum contemnunt. Cui vero non liquet, jam suo tempore Henricum Cornelium AGRIPPAM, Franciscum SANCHEZ Lusitanum, aliosque quam plures, oftendisse, quam leve sit opus, scientiis quibuscunque maculam inurere, risuique easdem exponere, qui tantum non argumentorum glaucomatibus variis, folidum istud, quod quaevis doctrina habet, petere atque subvertere studuerunt. Quanta non temeritate Petrvs ille Aretinvs utebatur, qui stylo suo satyrico & petulanti, nemini homini, nedum personis parcebat, in summo dignitatis & honoris fastigio degentibus? Certe ultimum illud genus contemtus, quod patitur medicina, donec mundus finietur, ferendum erit. Maxime vero contemtus accufandus est. quo medicina pariter, ac ipsi medici excipiuntur, ex eo,

eo, quod vulgus vera esse, quae hinc inde sparguntur, firmiter credat, eoque magis, quando haec a viris oriuntur, quos vel fortunae conditio, in altissimo dignitatis gradu, collocavit, vel quos eruditionis fama conspicuos reddit. Haec enim causa est, cur saepius & ingenia vel felicissima, eaque, quae animi sensorum nobilitas cum morum probitate decet, artem hanc fugiant, in qua multum prodesse potuissent; & alii, qui eandem jam profitentur, leviori animo disciplinam tractent, nec illam impendant operam, quam navailent, fi ars majori in pretio haberetur. Nec minus ejusmodi commenta, in aegrotorum animum & conditionem, faepe infeliciter influunt. Fiducia enim in medicum cessante, aliter sieri nequit, quam ut in tradendis & applicandis artis praeceptis, vana moliatur etiam idem hicce, cum praeceptis suis aegroti non rite obsequuntur, quia de praestantia artis ambigunt.

Scientiae & artes, magnum incrementum inde ceperunt, quando praemiis & honoribus mactati fuere, qui illis promovendis vel exercendis, operam fuam locarunt. Cum itaque magnus quidam philosophus, medicis exprobaret, quod ab Hippocrate usque ad nostra tempora, parum incrementi medicinae accesserit, regesserunt alii, hoc rem admiratione adeo dignam, nemini videri poste: siquidem illo tempore medici, deorum numero adscripti, multisque honoribus celebrati fuissent, cum postea indignis modis deludificati essent. Quod autem primo loco monendum, nondum est res certa & concessa, arti nulla ab Hippocratis tempore accessisse incrementa, cum tot inventa physica, anatomica, physiologica & chemica innotuerunt, quae theoriam artis undequaque emendarunt, sed & practicae obserobservationes optimorum medicorum, nec non remedia ex novo orbe ad nos allata & alia, augmentum magni ponderis dederunt. Patet inde, quod ejusmodi infimulationes nemini, nisi in summa historiae medicae ignoratione versanti, in mentem incidere possunt. Commentatio nostra quoque docebit, quod medici non ubivis locorum, aequo modo despectui habiti fuerint, testabiturque, quod ordini huic fubjecta docta & in arte peritiffima, non defuerint, a quibus respublica, fi congruus locus illis datus effet, faluberrima quaevis officia exipectare potuerit. Quod si quis regerere velit exempla 6. XXIII. XXIV. & XXV. a nobis adducta, fuiffe quidem de medicis arduis muneribus praefectis, & insigni honore simul mactatis, cum tamen in fungendo tali munerum genere, scientia medica nulla opus haberent. Huic respondeo, occasionem nihilominus dedisse studium medicum, ad acuenda ingenia fua, ad confirmandas judicii vires, & augendam notitiam, de rebus in mundo accidentibus, quam quippe notitiam converlatio cum maximae dignitatis proceribus variaeque conditionis hominibus largitur, quam caetera doctrinarum genera quaecunque, praestare non valent. Iis vero medicorum e numero, qui sibi persuadent, merita sua non pro dignitate remunerata esse, sententiam philosophi cujusdam, folaminis praebendi gratia commendo, quando hic profert: quod Principes hominibus aeque ac monetis uti soleant, quibus pretium pro lubitu adfignant, quod illis ex mandato, non vero interno valore statuendum. Nihilominus qui virtutem monetae internam noverit, hunc, ait, eandem ex nobilitate veri pretii aestimaturum.

Sed propero ad finem hujus dissertationis, & cum tenore Procemii, hoc scriptum jam ante intervallum la-

tius

tius quindecim annorum, calamo meo excidit, nunc vero revisum & novo supplemento auctum fuit, quo desiderante illud Perillustri Praeside & Consiliario intimo, D. D. Büchnero, Appendici Tomi III. Novorum Actorum Academiae Naturae Curioforum, addatur; numerus aliquis exemplarium in Mœcenatum, Fautorum & Amicorum gratiam separatim & meis sumtibus prelo excusus suit. Singulis istis exemplaribus Dissertationem praesentem, de vera Felicitate e studio medico capienda, Philosopho ac Christiano digna, praemisi, atque §. XXIII. XXIV.

XXV. & XXVI. in fine operis addidi.

Quo autem vir illustris excellentissime publicum documentum, magnae de TE opinionis, observantiae & reverentiae meae darem, libertate illa fimul ufus fum, ut тіві, has paginas confecrarem, idque in tesseram cultus, venerationis & ad gratitudinis obsequium, тіві obstricti mei animi; quod ut facerem, jam dudum animo meo decrevi. Novi generosum illum ratiocinandi modum, quem, VIR ILLUSTRIS ET EXCELLENTISSIME, in studio & exercitio artis medicae oftendis, cum & medici christiani, philosophi practici, amici veri, & non infucati officia, summa cum cura exples. Ex his persuasissimum habeo, hanc qualemcunque differtationem, TIBI merito & optimo cum jure, a me tribuendam fuisse. Vale ex voto, & mihi porro fave, Tuaque fide dignum ferva. Nullo fane tempore, illustris tui nominis verum me esse cultorem, unquam diffitebor.

Berolini, d. XXX. Mart. MDCCLXVII.

MOEHSEN.

CONSPECTUS COMMENTATIONIS I.

PROOEMIUM.

- Instituti ratio, ac Perillustrem Academiae Naturae Curiosorum Praesidem editionem commentationis jam ante aliquot annos demandasse, explicatur.
- §. I. Commentatio orditur a Medicis equitibus apud Romanos, praecipue de Antonio Musa.
- J. II. Conditio equitum Romanorum exponitur.
- S. III. De aliis dignitatibus, medicis apud Romanos interdum collaris.
- §. IV. Dignitatis equestris apud Christianos, differentiae enarrantur, & ordinum equestrium S. Iohannis, Teutonici, S. Lazari & aliorum, praecipuum officium, aegrotorum curam olim fuisse, attingitur.
- §. V. De institutione Ordinis S. Iohannis Hospitalium in Hierusalem s. Ordinis Melitensis, & de Medico equite. & de alio quodam Presbytero hujus ordinis, nec non de Fratribus servientibus.
- §. VI. Medici equites S. Sepulchri Hierosolymitani recensentur, & de Ordinis origine disseritur.
- 5. VII. De Ordine S. Catharinae in monte Sinai, & Equite medico hujus ordinis.
- S. VIII. Ordo equitum crucis cum Stella rubra describitur.
- §. IX. De Medicis Commendatoribus Ordinis Sancti Spiritus in Saxia, Romae, cum ampla commentatione hujus instituti.
- S. X. Ordo S. Christi in Portugallia describitur, & Medici equites hujus ordinis recensentur.
- 5. XI. Hiftoria Ordinis S. Michaelis in Gallia.
- 6. XII. De Medicis equitibus hujus ordinis.
- S. XIII. Chirurgi recensentur, qui ob merita praeclara hoc ordine ornati sunt.

---100

- S. XIV- Quaedam de Ordine S. Ludovici, & de occasione recensionis hujus ordinis.
- S. XV. De Ordine Beatae Mariae Virginis a Monte Carmel & S. Lazari.
- s. XVI. Novus ordo Sti Rochi, tempore pestis a Duce Aurelianensi s. Regente institutus, exponitur.
- S. XVII. De Ordine Perifcelidis, occasione honoris singularis, qui collegio medico Londinensi non ita pridem ex equitibus duobus hujus ordinis, Ducibus de Montague & de Richmond affulsit.
- S. XVIII. De Medico Praefule hujus ordinis, aliisque ordinis ministris.
- S. XIX. Equitum Baronettorum in Anglia institutio, & vera conditio depingitur.
- S. XX. Medicorum. Equitum Baronettorum catalogus, & recensio.
- §. XXI. Quaedam de Equitibus de Balneo.
- S. XXII. Exponitur novi ordinis Stellae polaris institutio in Suecia, qui subditis & eruditis bene de patria meritis tribuitur, nec non de Medicis celeberrimis hoc ordine ornatis.
- S. XXIII. De Ordine electorali quidem, qui vero regio sub sceptro plurimum splendoris nactus est, scilicet de Ordine qui a Generositate nomen habet, & de Medico legato, hujus ordinis equite.
- S. XXIV. Occasione Sphi praecedentis de Medicis, qui legatorum munere interdum functi sunt, disseritur.
- S. XXV. Nec minus de Medicis, qui in aliis officiis politicis & publicis, diverso modo inclaruerunt.
- s. XXVI. De progressu artium & scientiarum ex Italia in terras septentrionales. De quibusdam Aesculapii, Hygieae, & Hippocratis Statuis.

D. IO. CAROLI VILELMI MOEHSEN,

COLLEGII MEDICI IN TERRIS POTENTISS. BORVSS. REGIS SVPREMI,

VT ET COLLEGII SANITATIS, AC CAESAREAE ACADEMIAE

NATVRAE CVRIOSORVM MEMBRI,

ACADEMIAE NOVAE EQUESTRIS, ET SCHOLAE MILITARIS
GENEROSAE IVVENTVTIS, QVAE CADETTEN - CORPS VOCATVR,
AC GYMNASII REGII IOACHIMICI MEDICI
ORDINARII,

DE

MEDICIS EQVESTRI DIGNITATE ORNATIS.

COMMENTATIO PRIMA.

Consequence of the contract of

of I. Conference in Street State of States Street, Supplemental Street, Street

D. 10. CAROLI VILELMI MOEHSEN,

COLLEGIT MEDICI IN TERRIS POTENTISS. BORVES. REGIS SYPREMI. VT ET COLLEGII SANITATIS, AC CAESARRAE ACADEMIAE NATURAL CURIOSORYM MEMBRI,

ACADEMIAR NOVAE EQVESTRIS, ET SCHOLAR MILITARIS

GENEROSAR INVENTIVES OTAR CADSTILL - CORES VOCITIVES BENEFIT TOTAL TOTA The standard Drawn Citrariato XX Medicina, Epitor Strotter

EQVESTRI DIGNITATE CHANATIS.

COMMENTATIO PRIMA.



PROOEMIVM.

rum egeftate hand affichis, meritisque fingularibus

In Imperiis, publicisque rebus illis, in quibus artes ac bonae litterae aliquo habentur numero, & ubi magna ingenia, quae quidem aemulatione ac honore imprimis excitantur, non deficiunt, ab antiquissimis inde temporibus mos invaluit, ut ii, qui praecipua prae reliquis meritorum fama fulgent, vel de republica bene meriti sunt, certis quibusdam benesiciorum signis ornentur, & ab aliis distinguantur. Graecorum aeque ac Romanorum gens, e qua, aevo antiquiori, praestantissimorum ingeniorum coetus prodiit, satis intelligebat, quam parum artibus atque scientiis prodenta.

vehendis confultum foret, si artis periti pariter ac rudes, docti ac indo&i, eodem vitae genere, eisdem meritis digni censeren-Multo minus id agebat utraque gens, ut artes despectui haberentur, vel homines inconditae mentis, ac litterarum plane expertes, civibus dignioribus anteponerentur. Haud fugiebat Reges, Principes, ac Magistratus eorum, quanta scientiis e praemiorum muneribus, tributisque honorum ac praerogativarum infignibus, incrementa enafci queant. Quippe quibus lactorem in modum propagantur, quam si contemtis aut parvi habitis viris eruditis, instinctus generosae cuiuscunque mentis in arte quadam excellendi, suffocatur, & ardor, aliis vel reipublicae inferviendi, prorfus exstinguitur. Quare patres patriae, pro animi candore, quo illam amplectebantur, gratoque in cives fuos bene meritos animo, faepius indigentibus, e communi aerario succurrebant, & praemia largiebantur. Alios, ut alimentorum reique familiaris cura ac follicitudine vacarent, neve otio carerent, quod augendis artibus impenderent, sumtibus reipublicae alebant. Adhuc aliis, a rerum egestate haud afflictis, meritisque singularibus ita praeclaris, ut illorum memoria posteris servanda esset, statuas erigi, inscriptionibus eosdem ornari, nummosque in illorum honorem cudi, iusserunt; neque raro in gemmis eorum imagines posteritati commendatae cernuntur. in Imperils, publicisque rel

Iam antiquissimis temporibus insigne illud commodum, quod e re medica in vitam civilem redundat, animos civium et procerum movit atque oblectavit, uti luculentissima documenta monstrant. Statuis enim positis, inscriptionibus, atque nummis, in Medicorum honorem editis, nulla caruit aetas, in quibus exponendis aliud commodius tempus, operae meae servabo. Verum enim ut satear, artem, quam exerceo, impense colo, semperque aestimabo, non ignorans, quae & quanta ad Medicum persiciendum pertineant. Avidius ergo ea, in horis

horis subsectivis, legi & animadverti, quae in artis honorem, ex antiquiorum & recentiorum monumentis, memoriae prodita sunt. Non desunt quidem prave morati, qui male de hac nobilissima scientia sentiunt, & contumeliose contra Medicinam, Medicosque omnes verba faciunt, dum obscurae tantum conditionis, humillimaeque sortis homines medicinam facere & fecisse garriant. Silebunt vero, cum legent, nobilissimos saepissime viros, majorum laude insignes, propriaque virtute & dostrina commendatissimos, neque insimo, sed summo genere editos, medicinam faciendo, scientiam utilissimam extulisse. Nec ingrata suit ars Apollinea, dum sibi deditos, ipsamque prositentes, non raro ad magnos honores evexit, & virtutis praemiis decoravit. Quod quidem gravissimis testimoniis probari potest.

In praesentia solo honore fruor, orbi erudito Commentationem praesentem, de Medicis equestri dignitate ornatis, communicandi, quae docebit, quod non folum barbaries illa communis, scientias premens, certo quodam honoris genere, eruditis impertito, profligata fuerit (id quod praecipue eo loco, ubi de Equitibus auratis fermo erit, uberius subiiciam) verum quoque nutu ac providentia Imperantium sapientissimorum, recentiori aevo contigisse ostendam, ut ardor ad amplificandas artes, honoris propositi cupiditate incensus suerit, dum viri meritis conspicui, certis honorum beneficiis mactati fuerunt. Commentationem hanc, una cum aliis ad Historiam medicam pertinentibus scriptis, iam abhinc spatio quindecim annorum delineavi, & in chartam conieci, plus tunc temporis otii nactus, quod Antiquitatum & Historiae litterariae studio impendi posset; verum tamen operi colophonem non imposui, donec nunc admonitus, coeptum laborem redausricatus sum. Ast labor iste, quem praxi medicae praesenti tempore impendere cogor, me impedit, quo minus integram Com-2 3

emod.

Commentationem iusto temporis articulo, quo prelum opus subit, perfectam dare valeam, quapropter quod reliquum est operis adornandi, in aliud tempus differo. Ipfum argumentum, a dignitate equestri, apud Romanos, tanquam instituti origine, initium capit. Licet enim nonnulli ortum dignitatis equestris nimis longe petant, dum illam ab Ordine equeftri apud Aegyptios derivant; ac Iosephum, Ordinis equestris Pharaonitici Magistrum fuisse singunt; alii quoque e loco apud TACITUM probare annitantur, dignitatem hanc antiquis Germanis originem debere: adeo levi tamen nituntur fundamento, ut temporis iacturam me fecisse duxerim, si de illa re prolixe differere vellem. Quemcunque fabulofa longeque petita narratio de Ordinum equestrium institutis delectat, in HONORATI de S. MARIA Differtationibus historico-criticis, de Dignitate equestri, praecipe in quinque prioribus huius argumenti Dissertationibus, quod cupit, inveniet. Mei vero instituti non est, in prolixum hic excurrere campum earum rerum, quae praeter rei tractandae nervum & veritatem, ad ipsam Commentationem operis haud spectant, cuius argumenta, quoad eius fieri potuit e fontibus genuinis optimae indolis petita, paucis adduxi. Eadem ex ratione, Lectoribus fretus, quos artis meuicae historia non plane latet, Biographicis allegatis parce usus sum, brevibusque solummodo attigi ea, quae a Biographis vulgo notis neglecta funt.



pore impendere cogor, me impedit, quo minus integram

0. I.



§. I.

Cum Iulius Caesar, suo iam tempore, medicae artis peritos, maximam partem Graecorum e gente natos, iure civitatis Romanae a) donasset, eo nimirum consilio, ut maiorem numerum virorum hac in arte eruditorum Reipublicae Romanae acquireret; Augustus Imperator, generosa mentis suae indole, gratoque in Medicum suum Antonium Musam animo b) ductus, postquam a gravi & periculoso

- a) Suetonius in Vita Iul. Caefar. Lib. I. Cap. 42. "Omnesque medicinam Ro-"mae professos, & liberalium artium Doctores, quo libentius & ipsi urbem incole-"rent, & caeteri appeterent, civitate donavit.
- b) Dio Cassius Lib. Lill. "Antonius vero Musa, quum nihil Augustus eorum, quae maxime ad sanationem opus erant, posset facere, lavacris frigidisque potionimous eum sanitati restituit: quam ob rem etiam pecunia ei ab Augusto & Senatu multa, ususque annuli aurei (libertus enim erat) datus est, immunitasque non ipsi modo, sed omnibus eandem artem exercentibus, in posterum quoque tempus conmessiones. Idem Dio Lib. XLVIII. "Apud antiquos Romanos, non modo liberto, sessa.

culoso morbo se, illius ope, liberatum sentiebat, Equitum Romanorum numero eundem adscripsit, tantum non iisdem praerogativis, quibus Equites Romani gaudebant, ornavit. Inter alia enim beneficia, quibus illum cumulavit, iure ac libertate potitus fuit, aureum gestandi annulum c), iure, inquam illo tempore folis Equitibus Romanis proprio. Dignitas haec tempore Augusti splendida admodum, multoque honore insignis suit; id, quod PLINIUS in Libro infra adducto d) prolixe testatur, additque, ab Imperatore Tiberio sancitum suisse: ne cui ius id effet, nisi cui ingenuo ipsi, patri avoque paterno, quadraginta Sestertia census suisset; quae summa nostro aere, calculo Gronoviano computanda, 12500. Imperialium, vel ex computatione Harduiniana, 40000. Livres numerum absolvit; ex EISENSCHMIDII calculo, qui in computandis Sestertiis aliam rationem iniit, ter decies mille, trecentos triginta septem unciales, seu Thaleros numeramus. Ubi sequentibus temporibus nonnulli, e gente Romanorum illustri, artem medicam

", fed nec ingenuo quidem ulli, aureo annulo uti licebat, nifi Senator effet aut eque-

exer-

Quod MUSA non libertus, sed ingenuus fuerit, probavit CRELLIUS in Diff. de Antonio Musa & V. p. 12.

Commentatores nonnulli, Scriptorum antiquiorum interpretes, rem ita ad mentem DIONIS, explicant, quod AUGUSTUS non tantum Medicos eo tempore viventes, fed & omnes huic arti operam daturos, equestri dignitate donaverit. Vid. COELIUS Rhodiginus, Lest. antiqu. Lib. II. Cap. 12. "Concessum & idem iuris non praesen, tibus modo, sed & futuris, qui se Medicos profiterentur." Hoc certum est, quod AUGUSTUS immunitates insignes dederit, quae sub Imperatoribus sequentibus stabilitae non solum, verum & magnis incrementis ornatae suerunt, adeo ut certus in civitatibus Medicorum numerus definiendus esset, ob nimiam eorum multitudinem, qui, captandi commodi ac immunitatis ergo, huic arti se se mancipaverant. Vid. B. BRISSONII Antiqu. select. Lib. 2. Cap. 3. Magna cum cura & industria, privilegia & immunitates insignes Medicis ab Imperatoribus tributa, recensuit & explicavit Henr. LAMPE I. U. D. in Diss. hist. iurid. de Honore, privilegiis & iuribus singularibus Medicorum. Groeningae 1736. 4to maj. quae alphabetum cum dimidio excedit.

- c) Vid. Greg. Longus de Annulis signatoriis antiquorum, Cap. V. p. 32. & Suetonius variis in locis.
- d) PLINIUS Hift. Nat. Lib. XXXIII. Cap. 1. & 2.

exercuerunt, Imperatorum gratiam ea re sibi conciliarunt: quos inter, PLINIO teste e), Cassii, Calpitani, Arruntii, Albutii, & Rubrii fuerunt, quibus Acilios, nonnullosque alios, addendos existimamus, ex diversarum familiarum Romanae gentis, nummis, inscriptionibus, aliisque monumentis explicandos, facile inde coniicitur, quod eadem dignitas tempore fequenti ad plures pervenerit, quorum nomina numquam posteris innotuerunt. Poterant eadem tanto facilius contingere, quanto magis conftat, quod TIBERII & Imperatorum fequentium aetate, multi Medicorum magnis opibus valerent, adeoque requisitis omnibus, ad equestrem dignitatem, ex lege TIBERII exercendam, haud effent destituti. Ipse PLINIUS loco allegato refert: Cassiis, Calpitanis, Arruntiis, Albutiis, Rubriis CCL H-S. (i.e. ducena quinquagena) annua mercede fuisse apud principes; quae merces fecundum computationem Harduinianam, summam 25000. Livres includit. Q. vero Stertinius (pergit PLINIUS,) imputavit principibus, quod H-S. quingenis annuis, seu 50000. Livres, contentus esset. Sexcena enim, feu 60000. Livres, sibi quaestu urbis fuisse, numeratis domibus, ostendebat. Par & fratri eius merces a CLAUDIO Caesare infusa, censusque quanquam exhausti, operibus Neapoli exornata, heredi Sestertium trecenties centena millia (i. e. tres milliones librarum monetae gallicae,) reliquere, quantum ad eam aetatem, Arruntius folus. PLINIUS eodem loco refert, quod Crinas Massiliensis, qui medicae arti & studio mathematico operam navaverat, centies centena millia Sestertium, seu millionem librarum gallicarum, reliquisset, muris patriae, moenibusque aliis non minori fumma exstructis.

§. II. murimin em

In gratiam eorum, qui in antiquitatibus Romanis non satis versati sunt, & sibi sorte persuadent, ordinem equestrem Ro-

e) PLINIUS Lib. XXIX, Cap. I.

manorum folummodo militarem, equitesque peditibus oppositos fuisse; vel quibus absona res esse videtur, quod illo tempore dignitas equestris Medicis tributa fuerit, necesse erit, ut in originem atque indolem dignitatis huius apud Romanos maiori cum studio inquiramus. Cives Romani, gentilitio hoc atque nativitatis nomine mere conspicui, in Patricios & Plebeios distinguebantur, postea vero respectu ordinis & dignitatis in republica, quidam Ordini Senatorio, alii equestri, alii plebeio adscribebantur. Ordo Senatorius omni tempore praecipuus fuit, ad quem nemo, nisi Patricius esset, admittebatur, deinde vero etiam ex equestri atque plebeio ordine prognati, ad illum ea lege adspirare poterant, ut a Censore e plebeiis electi, ingenui essent. Ordo equestris Senatorio ordini dignitate proximus fuit, tum plebeii, teste Livio, VALE-RIO MAXIMO, atque MARTIALE f) sequebantur. Senatores ex equestri potissimum ordine electi fuerunt, quorum liberi equites nati manebant, donec ipsi in Senatum legerentur. Caius Gracchus, Tiberii Gracchi frater, nec multo post Livius Drusus, Tribunus plebis, anno ante Christum natum circiter 121, ordinem equestrem cum Senatorio coniungere decreverunt; & ut tanto maior effet illa dignitas, qua quis simul in Senatu sententiam ferre posset, primum lege, deinde plebiscito statutum fanciverunt. Iisdem equitibus, utut a Cenforibus in Senatum haud lecti effent, nihilo tamen minus, quod Magistratus honore fruebantur, Senatui interesse, & suffragia ferre licebat, ipsisque Senatoribus hi, tanquam dignitate maiores, praeferebantur. Tradunt quoque, M. Livium promulgaffe legem, ne Iudicia foli Senatorum ordini tantummodo competerent, fed ut aequa lance, inter utrumque ordinem dividerentur: quae nimirum lex diu fancta & incorrupta viguit

f) Livius Lib. XXV. Cap. 36. VALER, MAX, Lib, III, Cap. 7. MAR-TIALIS Lib. VIII, Epigr, XV.

guit g). Imperatorum tempore soli equites Romani diversis provinciis, tanquam Praesides, praesecti erant; Cappadocia enim, Aegyptus b), aliaeque plures provinciae ab equitibus Romanis regebantur, quas inter Aegyptus hoc iure praecipuo gaudebat, ut nemo Ordinis Senatorii, sed sola equestri dignitate pollens, Praesidis nomine ad illam accederet. Praesidum decreta tanta autoritate a Divo Augusto munita fuerunt, ut aeque valerent, ac si Romae a Magistratu, Regibus, Confulibus, ac Praetoribus lata fuifient; cumque Imperatores ius populo dicerent, constitutum fuit, ut Equites in cognoscendis causis, Senatoribus consilio adessent, eorumque arbitrio iura litibus finiendis applicarentur, ex quibus omnibus fummam dignitatem ordinis equestris apud Romanos, simul & honorem Antonio Musæ habitum, aestimare licet. singula dignitatum genera, nimis largiter & indistincte effusa, vilescunt, sic idem quoque fatum Romanis Equitibus contigit. CAIUS enim CALIGULA non folum numerum Equitum nimium constituit i), verum quoque GALBA libertum suum, Icelum k), atque VITELLIUS Asiaticum, libertum suum, equestri dignitate, ac iure aureum gestandi annulum, donavit; unde PLINIUS l.c. in haec verba exclamat: Ita separatur ordo ab ingenuis, i.e. a Senatu & populo Romano; communicatus est cum servitiis. constitutum, ut quicunque libertus annulo donaretur, abiesto veterinomine, equestre nomen assumeret. Tandem haec dignitas adeo eviluit, ut temporibus SEPTIMII SEVERI 1) militibus gregariis aub 2 reos

g) Alexander ab Alexandro Genial, dier, cum notis Tiraquelli Lib. II. Cap. 29.

b) Corn. TACITUS Lib. XII. & VII. SUETONIUS in Vespasiano.

i) Plinius Lib. XXXIII. Cap. 2. Sect. 8.

k) TACITUS in Hiftor. Lib. I. & II. & SUETONIUS in Galba & Vitellie.

¹⁾ HERODIANUS Lib. III. & de Heliogabalo Lib. V.

reos annulos gestare liceret, & HELIOGABALUS tam Senatui, quam equestri ordini homines e scena praesecit.

§. III.

Licet medicae artis periti, tam inter Romanos, quam alios populos, sequenti tempore variis dignitatibus & honoribus mactati suerint, quibus quodammodo supra dignitatem equestrem eminuere; siquidem penes Romanos, Senatorum, Praesectorum urbium aeque ac provinciarum, Proconsulum & Quaestorum munere saepius sungebantur; adeo tamen multa de his eruditi m) iamiam memoriae prodiderunt, ut singula hoc loco enarrare velle, prolixi operis institutum foret, meo muneri longe adversum, quod, de Medicis equestri dignitate ornatis, in me suscepti.

S. IV.

Anteaquam vero de Medicis, equestri dignitate apud Christianos ornatis, disseramus, de Equitibus, eorumque insignibus nonnulla praemittenda erunt. Equites vel nativitatis origine, vel principis mandato designati, intelliguntur. Equites nati, tenore legum antiquiorum Germanorum verae ac genuinae nobilitatis originem tueri debent, ita, ut a paterno, aeque ac materno stipite, quatuor generationes nobiles allegare queant n), si Equitis titulo insigniri velint. Reliqua pars Equitum,

m) Vid. Henr. Lampe, Diss. cit. p. 97. usque p. 130. Dan. Vinck, Amoenitates philologico-medicae. Trai. ad Rhen. 1730. 8vo per totum fere librum. C. Wollii, Diss. historico-critica de Honoribus Medicorum apud Veteres. Lips. 1732. Io. Iac. Bazeri, Oratio de Honorificis Medicorum appellationibus, quae tertia est in Fasciculo Orat. varii argumenti. Norimb. 1727. 4to. Io. Beverovicii Encomium Medicinae. Roterod. 1644. 8vo.

n) Vid. Schwederi Introductio in Ius Publicum. Stuttgard. 1711. p.318.

tum, vel torquatorum, vel auratorum, vel cruciferorum nomine venit, qui quippe posteriores plerumque religiosi dicuntur. Equites torquati, equitibus fecularibus annumerantur, externo quodam dignitatis signo, vel catena conspicui, ad exemplum Equitum aurei Velleris, Ordinis del' Annunciada, Ordinis Elephantini, aliorumque. Aurati equites ad classem equitum secularium aeque referuntur; hi actu folenni, & occasione nascente singulari, ictibus quibusdam ense datis, ad istam dignitatem evehuntur, Ordinisque fui figno nullo gaudent. Temporibus antiquis, folis Equitibus aureis calcaribus uti, armaque fua auro induere licebat. Inde nominis, quod fortiti funt, ratio petenda; nec minus illa, cur non pauci Scriptorum germanicorum, Equites auratos, calcarium aureorum equites appellitent, quod nimirum in actu folenni, dum ictus ense acciperent, simul aureis calcaribus induebantur. Alio quoque tempore nobiles personae ab equitibus armis & equestri dignitate ornabantur, ut tanto maiori cum honore bello, pugnis, & ludis equestribus interesse possent. Istius generis equites ab aliis equitibus, praedicto more designati, milites, ut quidam putant, non equites dicebantur; sed largius de his infra commemorabimus. Idem nomen & illis equitibus tribui folet, qui pontificalibus sive episcopalibus infignibus, exemplo militum Sti Petri, nitent. Equites cruciferi, seu religiosi, a cruce, quam gerunt, nomen acceperunt, originemque suam praecipue sanctis expeditionibus cruciatis, seu itineribus in Terram sanctam, debent. Nonnulli initia horum Ordinum latius extendunt, eademque atemporibus Magni Imperatoris Constantini repetunt. Erant olim ordines ifti, fraternae societatis vinculo, genere quodam Ordinis ecclesiastici inclyti, ad tuendam religionem christianam, & promovenda virtutum christianarum studia sanciti. Diversis quoque Ordinibus antiquioribus cura aegrotorum, praecipui officii loco, demandata fuit, ad exemplum instituti Ordib 3 nis

nis Iohannitici o), cuius equites eam ob causam & Hospitales dicuntur, itemque Equitum Ordinis Teutonici Hospitalium, San-Stae Mariae Hierofolymitanae cognomine infignitorum. Eiusdem generis fuit olim Ordo Sti Lazari, & Ordo ille a Sto Cofmo & Damiano, Protectoribus artis medicae atque chirurgicae, Immo & nostro adhucdum aevo, curam aegroita dictus. torum praecipuum officium Ordinis Sti Spiritus in Saxia esse constat, cuius Ordinis sedes Romae, opimis reditibus dotata, viget. Sequenti aevo, eodemque recentiori, diversi Ordines signo crucis insigniti, a magnis Principibus instituti fuerunt, in quos vel personae illustres, amicorum nomine adoptabantur, vel aulae bellique ministri, tanquam praemio virtutis ac fidei praestitae, in signum regii favoris huic ordini adscribebantur, vel quoque alii, tanquam fignis ac praerogativis, respectu ceterorum suae conditionis, ad excitanda nova merita, simili ma-Stabantur honore.

S. V.

Cum Ordo Sti Iobannis Hospitaliorum in Hierusalem, nunc communiter Equitum Melitensium dictus, procul dubio e numero antiquissimorum Ordinum eorumque maxime sit, qui prae ceteris sulgent, merito quoque primo loco mentionem illius sacere convenit. Tenore Statutorum Ordinis, sive Fraternitatis, tria Fratrum genera huius Ordinis dantur. Distinguuntur in Equites, Presbyteros seu Capellanos, & Servientes, prouti Scriptores, qui historiam huius Ordinis tradiderunt, infra adducendi, prolixius indicabunt. Ex Ordine Medicorum Michael Savonarola p) Equitibus huius Ordinis honorisice adscriptus, eius-

o) Vid. VERTOT, Histoire des Chevaliers Hospitaliers de St. Jean de Jerusalem. Tom. I. p. 15. 16.

p) Vid. Historia almi Ferrariae Gymnasii a Ferrante edita, Tom. II. p. 17. BAYLE Dictionnaire, sub voc. Savonarola.

eiusdemque signo, ob generis sui nobilitatem & merita, ornatus fuit, Principum Estensium Archiater, in Academiis, Patavina & Ferrarienfi, Professoris munere functus. Monendum duxi, Equites ex Hispanica & Italica natione non adeo difficilem habere aditum, quam ex Germanica natione. Nam e Statutis Ordinis equestris Sti Iohannis patet, quod Italicae & Hispanicae nationis Equitibus, quatuor generationes nobiles a latere paterno, totidemque a materno, suffecerint, quibus digni censebantur, ut ad equestrem dignitatem adspirare possent. Natio Germanica e contrario, se ipsam onere isto gravavit, vel potius legem sibi imposuit, ut generationes XVI. eidem probandae essent, priusquam aliquis pari potiatur honore. Multos quidem Ordinis S. Iohannis Melitensis Equites, ex Medicorum celebrium familiis adducere possem, ut Florium ROVE-RELLAM, celeberrimi Medici, Laurentii Roverellae, Pontificis Maximi Nicolai V. Archiatri, & intimi cubicularii, fratrem; nec minus Antonium TEBALDUM, Equitem eiusdem Ordinis, Archiatri Pontificis Calixti III. Simonis Tebaldi, nepotem, duosque alios equites Hierofolymitanos, pronepotes celeberrimi Medici, Ambrosii Cavenaghii, Protophysici & Decurionis Mediolanensis, & plures alios. Quia vero non ipsi Medici fuerunt, eos praetermitto, licet ob generis nobilitatem Medicorum Ordini aliqualem splendorem addant.

Presbyteri seu Capellani Ordinis, equitum more, crucem gerunt, neque dubito, Petrum ARLENSEM de Scudalupis, medice doctum, horum equitum numero accensendum esse. Est mihi illius imago aeri affabre incisa, quam Thomas de Leu excudit. In eadem imagine, cruce Ordinis Melitensis ornatus apparet. Ex inscriptione vero imaginis, praeter nomen ante allatum, & litteras M. B. O. nil plane de Ordine ac Petri Arlensis dignitate constat: Nulla in Biographis eruditorum de vita eius mentio sacta; & quamvis rara illa libri, quem scripsit de Sympathia septem metallorum, & selectiorum lapidum ad pla-

netas, solaque genuina editio opera filii sui, Mantuae Carpetanorum in fol. prodierit, frustraneo tamen labore, in Nic. Antonii Bibliotheca Hispana illum quaesivi. In rubro antedi-Eti fui operis, Petrus ARLENSIS, Presbyteri Hierofolymitani nomine effertur q), qui titulus illam dignitatem concernit, qua tunc temporis enituit; ad facrum vero Ordinem paulo tardius illum accessisse, ex eo coniicitur, quod antea in matrimonio vixit. Cum officium equitum e primo huius Ordinis instituto. aegrotorum scilicet in hospitiis suscipiendorum curam concernens, Medicorum muneri haud adversetur, cuius officii mentio S. III. facta est, mirum aliquem habere minime potest, cur Medicis, huius Ordinis Fratrum Servientium numero adfcriptis, indultum fuerit, crucem, more reliquorum ita dictorum Fratrum Servientium, gestare. Crux ista, si Bonanno fides habenda est, formam solitam crucis Melitensis prae se fert, aureae nimirum, coloreque albo intermixtae ac interlitae; aft apicibus binis fuperioribus feu potius integra parte fuperiore fignum omnino caret, ita ut utrumque modo latus, una cum parte inferiore perfectum, fex apicibus finiatur. Bonannus quidem r) descriptionem crucis Fratrum Servientium supra adductam dedit; verum illam cum cruce Donatorum confundit. In Statutis Ordinis, quorum copiam nobis VERTOT Tom. IV. fecit, crucis huius truncatae non nisi respectu Donatorum mentio facta est, ipse cum Osterhausio l. cit. testatur, crucem linteam, minoris nimirum formae quam Equitum, Fratrum Servientium palliis infixam fuiffe; cui afferto praedictus OSTER-HAUSEN addit, quod Fratres Servientes aurea cruce non fulgeant. Presbyteri, feu Capellani, & Fratres Servientes, teste VERTOT Tom. IV. in Statutis probare debent, se e legitimo ac honesto

q) Vid. Mornoru Polyhistor, Tom. I. Lib. I. Cap. XI. §. II.

r) Vid. Bonanni Defignatio Ord. Equestr. Ecclesiasticorum & Secu-

honesto matrimonio natos esse, parentesque habuisse non opisices, nec vilioris opisicii munere unquam sunctos. Fratres vero Servientes ipsi, a suspicione cuiuscunque facti levioris ac ignominiosi, liberi esse debent. Neque dubitandum, quin huius generis Medicorum, cruce, tanquam signo Ordinis notatorum, magnus numerus adduci queat, cum Ordo ipse post adeo longum temporis intervallum, iamiam sloruit, ac omni tempore tribus Medicis s) cura Hospitalis vel Nosocomii, Italis Insirmeria, Ordinis demandata suit. Alius vero e Medicis, integrae navium turmae, quando triremes, mare petentes, solvebant, iungebatur t); quippe quae consuetudo hodierno quoque tempore viget. In Statutis Ordinis vero sancitum legitur, ut officia Ordinis semper Fratribus Ordini adscriptis conferenda sint.

S. VI.

Equites Sti Sepulchri Hierosolymitani aeque ac Equites Ord. Sti Iohannis antiquissimis Ordinum institutis accensentur, qui, cum numerus eorum crevisset, etiam in Italiam transiere, sede Perusiae electa. Postea vero maximam partem a Pontifice Innocentio VIII. Ordini Sti Iohannis MCCCCLXXXIV. admixti suere. Duodecim vero annis elapsis Alexander VI. tt) Magisterium Ordinis sibi vindicavit, & Guardiano sive Patrum Superiori, Ordinis Franciscani, seu Fratrum minorum strictioris observantiae, quibus custodia Sti Sepulchri demandata est, tanquam summi Pontificis Vicario ad Sti Sepulchri monumen-

tum,

⁽a) C. von Osterhausen Statuta & Ritus Equit. Ord. St. Ioh. in Hierufalem. Francos. 1644. p. 26. & 78.

t) von Osterhausen Tit. XII. de Officiis Fratrum, & Vertot l. c. Tom. IV. dans les Statuts. p. 172.

tt) Speners Opus heraldicum Tom, I. p. 334.

tum, potestatem ac libertatem dedit, nonnullos peregrinantium, pietate, religione ac meritis conspicuos, in Ordinem istum adoptandi, Equitumque dignitate investiendi. generis Equites, finitis fingulis diversorum folennium ambagibus, quas Franciscus Menenius u) prolixe refert, postremo loco aurea catena donantur, cum appensa cruce, in collo eorum suspensa. Crux ista rubri coloris est, cuius quatuor anguli aliam minoris formae crucem rubram continent, quae fingulae cruces, quinque vulnerum Christi in memoriam proditae, eiusdem indolis funt ac patibulatae, Germanis Krücken- Creutz dictae. Equites hoc signo conspicui, matrimonii vinculo se alligare possunt, & una cum reliquis votis consuetis, coniugalis castitatis fidem promittunt. Illorum in numero suit inclytus ille Iobannes Weslingius seu VESLINGIUS, Mindeno-Westphalus x). Hic, postquam diu Palaestinam ac Terram Aegyptiacam inhabitasset, munere deinceps Professoris in Academia Patavina functus fuit. Bernhardus van den BROECK y), Medicus Batavus, praxifua, quam Enckhusiae mutuavit, admodum celebris, pro more tunc temporis folito nomen fuum mutans, ac PALUDANUS dictus, postquam lata in Europae, Asiae ac Africae Terris, itinerum spatia emensus esset, sacri Sepulchri Ordinem equestrem nactus fuit. Recentiori adhuc aevo, Russiae Imperatoris Nosocomio campestri, quondam Medicus praesectus.

u) Vid. Deliciae equestrium s. militarium Ordinum, & eorundem Origines, Statuta, Symbola, & insignia, iconibus additis genuinis. Colon. Agrippinae 1613. p. 39. seqq. In fine huius libri tabulas adiecit, quibus Philippus II. Rex Hispaniae in Summum Ordinis Magistrum, eiusque successores ab equitibus Hierosolymitanis, praesertim Belgis ibidem nominatis, anno 1558. in Ecclesia Hochstratana, ditionis Brabantiae, sunt electi.

x) IMPERIALIS Museum bist. Lib. I. p. 208.

v) IOECHERI Lexicon erudit, univ. sub nomine Paludanus.

Etus, D. Michael SCHENDO van der BECK 2), origine Macedo, equestri hoc ordine insignitus innotuit.

§. VII.

Ad Equitum Sti Sepulchri Hierofolymitani fere normam, Equites Stae Catharinae in monte Sinai a) creari solent, in quo eiusdem Virginis corpus servatur, ideo reliquis e Terrasancta ortis Equitibus illos adiungere placet. Hic Ordo anno 1063. a Personis nobilibus, in custodiam sepulchri Sanctae Catharinae institutus fuit, & sanctis eo tendentibus viatoribus in tutelam dabatur, ut simul hospitii iure fruerentur. Insuper & equites voto coniugalis castitatis sese obstringunt. Numerus eorum quondam valde magnus fuit; Magistrum Ordinis sui ipsi elegerunt; multas praefecturas terrasque possederunt. Equites in amictu albo, mediam rubei coloris rotam, gladio transfixo, infignium loco, in sinistro pectoris latere gerunt. Ex quo vero tempore, una cum iactura Palaestinae & Graeciae, bonis quoque suis hic Ordo orbatus fuit, nunquam iste ad statum pristinum redire, neque ad electionem supremi sui Ordinis Magistri adspirare potuit. Hinc accidit, ut Abbates inter Monachos S. Basilii, quibus custodia corporis sanctae Virginis demandata est, quorumque ad legis normam Ordo praedictus institutus suit, indulgentibus Pontificibus, iure usi sint, viatores quosdam religiofos in equites Ordinis de Sepulchro S. Catharinae creandi. De hoc genere equitum procul dubio celebris ille Leonhardus THUR-

vid. Perillustr. Buchneri Historia Academ. Nat. Curiosor. p. 497. ubi rubrae Hierosolymitanae Crucis Eques audit, quod genus Equitum ad sacri Sepulchri Ordinem equestrem unice referendum puto. Vid. Bonanni Designatio Ordin. equestr. tam ecclesiast, quam secular. n. 105, vel Edit. germ. p. 115.

a) Franc. Menenii Deliciae equestr. f. milit. Ord. iam cit. pag. 49.
Bonanni l. c. n. XXI.

THURNEISSER zum Thurn fuit, inter Archiatros Electoris Brandenburgici Iobannis Georgii, primo & praecipuo loco nominandus, qui in orbe erudito, Scriptis suis, &, quod aiunt, artis alchymisticae scientia valde inclaruit. Autores quidem biographici b) nullam dignitatis suae equestris mentionem faciunt; possideo tamen, una cum aliis ipsius iconibus, imaginem ligno expressam, cui verba inscripta: Effigies genuina Nobilissimi, Clariffimi & Excellentiffimi Viri, Domini Leonbardi Thurnbeuferi, Equitis de monte Sinai, Philosophi celeberrimi, leguntur. Ima in parte imaginis, Iacobus Colerus. iun. Berol. March. Med. Stud. post illius mortem, ordine prolixo, versus in eius laudem conceptos addidit. Ceterum evictae veritatis affertum est, quod Imperator Rudolphus II. Thurneiserum, qui patrui sui, Archiducis Ferdinandi, gratiam iam antea meruerat, multumque penes illum valuerat, nobilitatis infignibus donaverit c): pari modo certo quoque constat, de itineribus diversis in longum latumque ab eodem susceptis, praecipue de illis, quae anno 1560. in Scotiam & in Infulas Arcadicas, anno 1561. in Hispaniam & Lusitaniam, porro in regiones Barbarorum, Aethiopiam, Terram Aegyptiacam, Arabiam, Syriam, Palaestinam, Candiam, Graeciam, Hungariam, & anno 1568. in Bohemiam fusceperit; unde in Germaniam 1571. redux, ut ante narratum, Electori Brandenburgico officia fua locavit d). His ubi in itineribus constitutus fuit, & praecipue cum in Palaestina moraretur, dubio prorfus vacat, eum Ordinem equestrem neglexisse, quem, quo tanto maiori autoritate conspicuus esset, suisque promissis alchymisticis tanto graviorem sidem adderet, fibi procul dubio conciliare studuit.

§. VIII.

b) e.g. Kestnerus in Lex. Biogr. Med Ioecheri Lexicon erud. univ. Mangeti Bibliotheca Script. medic.

c) M. Dieterici Berlinische Kloster - und Schul-Historie p. 133. d) Acta Med. Berol. Dec. II. Vol. I. in Praes. & IOECHER in Lib. cit.

§. VIII.

Ordo Equitum Crucis cum Stella rubra, quem nonnulli inftitutum Helenae, matris Imperatoris Constantini Magni esse ducunt, fine dubio eiusdem originis, cum Ordinibus S. Iohannis, Teutonico, Templariorum, singulisque iis Ordinibus censetur, quorum mentio S. III. facta, & de quibus dictum fuit, quod tam armis, quam curae aegrotorum in Palaestina vacaverint. Hi pari modo, ac ceterorum ordinum Equites, crescentibus Turcarum viribus, in Europa fixam sibi sedem pararunt. E vetustissimis rerum monumentis constat, hunc Ordinem Bohemiae primum innotuisse, in cuius regni pago quodam, Pontizke di-Eto, villam rusticam acquisivit, & Xenodochium pauperum cum Nosocomio, in favorem hominum decrepitae aetatis & infirmae valetudinis, instituit, cui deinceps plura huius generis instituta, anno 1238. a Pontifice Gregorio IX. & anno 1251. ab Innocentio IV. confirmata, accesserunt, quo facto vitam quoque militarem penitus deseruere, & praecepta Divi Augustini secuti, ad huius instituti normam, vitae suae rationem composuere, & amietum nigrum, instar Ministrorum ecclesiae. elegere. Antiquioribus temporibus, Equitum in pectore sinistro sola Crux rubra Melitensis cernebatur; sed Magister Ordinis, Albertus de Sterneberg, fratribus Stellam rubram fexangularem e suis insignibus gentilitiis addidit, ut illam rubra sub Cruce gestarent. Idem institutum a Pontifice Innocentio IV. in Bulla confirmatoria deinceps robur fuum nactum fuit; unde quoque ratio petenda est, cur Equites Crucigeri cum Stella rubra, dicti fuerint. Magister Ordinis Superior, f. Generalis, Pragae in templo & Xenodochio Sti Spiritus residet, cui Imperator LEOPOLDUS anno 1697. locum inter Antistites sacrorum Ordinum provincialium ecclesiasticos, seu Praelatos Bohemiae, affignavit. Fratres huius Ordinis, per Bohemiam, Silesiam, Moraviam, Poloniam, & Lithuaniam, sedes sibi paravere latissimas e). Magister Ordinis Wratislaviae, titulo Magistri Supremi ac Visitatoris Generalis per Silesiam atque Poloniam gaudet, & Magistrum Generalem Ordinis proxime sequitur, residetque in pio instituto Ducali Sti Matthiae Wratislaviae, cuius nimirum Xenodochii sacri Antistes Insulatus audit. Ipsum vero institutum viduae Ducis Henrici Pii, Annae, originem suam debet, quae opimis reditibus idem dotavit; parochialis eidem adhae-

ret aedes, cum splendida bibliotheca.

Cur adeo prolixam huius Ordinis descriptionem praemittere in animum induxerim, causa fuit nonnullorum error, qui Equites huius Ordinis cum Ordine Sti Constantini, vel Melitensi, vel Equitum Ordinis Teutonici confundunt. Praecipuam vero huic commentationi ansam praebuit Doctor Iob. Schefflerus. Iste fuit Imperatoris Ferdinandi III. ac Ducis Olsna-Würtebergensis Archiater, qui, postmodum religionis Romano-Catholicae dogmata professis, Ordinis Teutonici Eques fuisse fertur, uti e Tomo V. Theatri mundi apparet f). Hoc affertum faciliorem fidem invenire potuisset, si tempore instituti Ordinis Teutonici vixisset, quo forte non tam documentorum probandae nobilitatis, quam veri officii, & adimplendi muneris equestris ratio habebatur, cuius Ordinis Teutonici vota praestanda curam aegrotorum praecipue respiciebant, ad quam gerendam iustis Schefflerus requisitis haud fuit destitutus. Verum tamen celebrem Ludolfiani Operis continuati Autorem non latere debebat, quod Schefflerus, ex lege Statutorum, dignis ad adipiscendum Ordinem Teutonicum meritis caruerit. Licet autem Schefflerus in Biographis medicis non reperiatur, dum multa Scripta mystica, & ad Theologiam polemicam

e) GRYPHIUS im kurtzen Entwurff der geistl. und weltl. Ritter-Orden, in Praesat. Edit. de ann. 1709. Büschings Erdbeschreibung,
in dem Capitel von Bahmen und Schlessen.

f) Vid. Iob. Ludolers Schaubühne der Welt. V. Th. p. 365.

spectantia, tecto sub nomine edidit, Opera vero medica plane nulla ab eodem elaborata in lucem prodiere; de eo tamen certior sactus sum g), quod post mutatam religionem suam, in praedictum coenobium S. Matthiae, Wratislaviense, sese receperit, Ordini Crucigerorum cum Stella rubra nomen dederit, & sacris sacerdotalibus initiatus suerit, quo sacto, Episcopalis Consiliarii munere indutus, anno 1677. diem obiit supremum.

§. IX.

Infigne documentum pietatis & amoris erga proximum, & quodammodo ad fera usque tempora fervati instituti laude dignissimi, exhibet Ordo Sti Spiritus in Saxia, Romae vigens, de quo paulo prolixiorem dicendi campum ingrediemur. Hicfere unicus ille Ordo habetur, qui secundum primas instituti regulas, hodierno adhuc tempore celebratur. Nam, uti ex ante dictis patet, cura aegrotorum, omni tempore, praecipuis Ordinum equestrium antiquissimorum officiis annumerabatur, eorumque ad exemplum Ordo Sti Spiritus in Saxia anno 1204. à Pontifice Innocentio III. Romae fancitus fuit, ab initio & origine non adeo late patens. Prope templum Stae Mariae Xenodochium pauperum Romae situm erat, ab Ibna, Rege Saxonum plagae orientalis, in usum viatorum religiosorum suae gentis, una cum templo aedificatum, unde ea urbis pars, quam Saxones incolebant, Saxia, & ipsum templum, nomen Stae Mariae in Saxia seu Sassia sortitum fuit. Ad alendos vero pauperes huius Xenodochii, e bonis fuis cameralibus, Rex certos quosdam reditus annuos, a fuccessoribus suis aliisque multis piis legatis adauctos, destinaverat. Cum tempore Pontificis ante

g) Arnolds Kirchen-und Ketzer-Historie P. III. p. 93. Lucae Schlesische Chronik p. 447. Scultetus de Hymnop. Siles. pag. 8.
Wetzels geistl. Lieder-Dichter, & Unschuldige Nachrichten.
1713. p. 858. und 1727.

ante dicti, Guido, Wilhelmi Comitis vel Dynastae Montispessulani filius, Ordinem Hospitalem, sub Sti Spiritus nomine, ad normam Ordinum in Terra fancta contractorum vel fundatorum, una cum aedificiis curae aegrotorum inservientibus. in Montispessulana civitate instituerat; Papa Guidonem, confirmato iam instituto, una cum sex Hospitalibus Romam evocabat, tradebatque illi spartam Praesidis in Xenodochio Stae Mariae, postea Sti Spiritus nomine insignito; hodie vero Archinofocomium vel Archinofpitale Sti Spiritus dicitur. gram eandemque absolutissimam hujus Ordinis historiam cum HELYOTAS b) nobis tradiderit, Lectorem ad eundem remitto. De hospitali aedificio ipso, quod a Pontifice Sixto IV. illo cum splendore adornatum est, quo tempore praesente adhuc fulget, quaedam praemittere placet. Inter res alias memoratu dignas, latum vastumque triclinium hae aedes continent, cuius spatium Lectorum numerus millenarius explere potest. Alio quodam in loco spatioso, ducenta strata posita funt, singula aestivo tempore occupata. Sacerdotes & personae nobiles conclavia separata inhabitant, quorum in unoquoque quatuor lecti positi reperiuntur, cibumque e vasis argenteis capiunt. Adhuc unum in hoc aedificio atrium transversim situm, occurrit, vulneratorum receptaculum. Infunt illi quoque camerae peculiares, quibus includuntur mente capti, morbo contagioso afflicti, numerusque morbis laborantium fere continuo millenarius est, quos hoc Xenodochium fovet. In certo quodam domicilio posticae partis Xenodochii, quadraginta nutrices habitant, ad fervandos infantes expositos, lacteque nutriendos, ibidem receptae, quoniam haec infantum proiectitiorum cura praecipuum, pro averruncandis infanticidiis, Fratrum Ordinis munus habetur; infantes vero expositi, machinis

b) Helyot Geschichte der geistl. und weltl. Ritter - Orden Tom. II.
p. 235, seqq. & p. 256.

singulari arte essictis immissi, in Xenodochium utplurimum no-Eturno tempore, velut torquendo, trahuntur. Praeterea in ipia civitate, & adiacentibus pagis, bis mille adhuc numerantur nutrices, quarum curae ac nutricio parvuli committuntur. Adhuc alius aedibus inest locus, quingentorum puerorum turba scatens; pueri isti trimuli vel quadrimuli illuc deferuntur, manentque ibidem, donec in certo quodam opificii genere, vel alia quacunque arte eruditi, ad illum statum pervenerunt, ut manuum fuarum opera fe ipfi alere possint. Sunt & alio in loco puellae quingentae, quae ibidem educantur, donec illam attigerunt aetatem, ut nubere valeant; nubentes, vel vitam religiosam eligentes, e Xenodochio quinquaginta thaleros Romanos, five, ut Keysslero placet i), centum (Scudi) pro dote accipiunt. Cum plurimi Pontificum, inter quos Innocentii III. & Sixti IV. mentio iam facta, praecipue quoque Eugenius IV. Leo X. Paulus III. Pius IV. Pius V. & fere singuli papali dignitate florentes illorum successores, merita sibi vendicant, quod Xenodochium hoc, piis fundationibus & legatis iam antea ornatissimum, splendidis ex parte aedificiis, fontibus, picturis, eiusque generis variis ornamentis, donaverint; partim quoque pinguibus reditibus istud ditaverint : adeo mira res non est, cur annui huius pii Corporis reditus Summam 100000. thalerorum Romanorum, quos Scudi vocant, longe fuperent. Nascuntur illi reditus e fructibus nonnullorum principatuum, urbium, vicorum atque pagorum Xenodochio fubiectorum, ut & extrapeza sive argentaria, quam aedes istae continent. Immo copiosiores adhuc futuri essent illi reditus, nisi aliqua eorum pars in aliorum Xenodochiorum utilitatem converteretur. Palatium Commendatoris, Praeceptoris sub nomine vulgo noti, mira venustate nitet. Huic vastae aedes adiacent, quas Medicorum, Chirurgorum, Pharmacopolarum numerus centenarius, una cum

cum ministrorum Xenodochii numero haud exiguo, inhabitat, praeter multos alios medicae arti & chirurgiae addictos, qui illuc quotidie confluunt, quo fefe in Medicina, Chirurgia & Pharmacia fructuofius exercere valeant. Ut vero iuvenes, qui in doctrina medica, & reliquis huius doctrinae partibus fese exercere student, tanto magis in singulis proficiant, ipsaque cura aegrotorum, a peritissimis inter Medicos geratur, ordo Instituti iubet, ut quatuor doctissimorum Medicorum, adhibitis binis Chirurgis, multa experientia edoctis, feligantur. Siguidem illo in cafu, quo munera Medicorum vel Chirurgorum Hospitali addictorum vacant, publicum examen instituitur, ad quod unusquisque e Medicis ac Chirurgis, tale munus ambiens, admittitur, praecipuumque tunc temporis Antistitis Commendatoris officium est, id agere, ut doctissimo, & in examine praestantiori, haec sparta demandetur. Cum egregio huic instituto nulla adhuc Bibliotheca effet, celebris Archiater & Cubicularius intimus Pontificis, Io. Maria Lancisius, Medicinae pra-Eticae Professor primarius in Archilyceo Romano, anno 1676. & nonnullis hunc fequentibus annis, munere Medici assistentis hoc in Xenodochio functus, integram fuam splendidam Bibliothecam, dum adhuc in vivis effet, una cum fingulis Codicibus MSCtis, omnique instrumentorum anatomicorum, chirurgicorum, physicorum & mathematicorum apparatu, huic Corpori legavit, solennique Oratione, praesentibus multis Purpuratis & Sedis Romanae ecclesiae Proceribus, de resta Medicorum Studiorum ratione instituenda, d. 25. Aprilis 1714. recitata, eidem tradidit k). Secundo die feriarum Pentecostalium eiusdem anni-

k) Vid. la Bibliotheca Lancisiana, overo distinto Ragguaglio della pubblica Libreria, eretta l'anno 1714. nel Sacro Pontificio Archiospedale di S. Spirito di Roma, dall' Illustrissi. e Reverendissi. Monfig. Gio. Maria Lancisi, Cameriere segreto, e Medico di Na Sig. Papa Clemente XI. descritto dall' Abate Cristoforo Carsughi, Dot-

haec Bibliotheca, praesente Pontifice Clemente XI. viginti Purpuratis, magnoque Antistitum numero, maxima cum pompa aperta fuit. Primi anteibant Sacri Ordines; Equites, Confervatores, Principes sanctae sedis, & Patricii Romani Pontificem comitabantur, cui solenne est, hoc die cum magno comitatu Archinofocomium invifere. In ornamentum quoque huius Bibliothecae, Lancisius bina busta, ex candido marmore, Papae nimirum Innocentio XI. & Clementi XI. dicata, elaboranda, ac in vestibulo atrii collocanda curavit. Haec busta admodum altis nituntur fulcris marmoreis, quorum alterum herbeo colore, maculisque nigris fine ordine sparsis, (Verde anticho), alterum colore flavo stramineo (Gallo anticho) notatum, in memoriam muneris Archiatri & Cubicularii intimi, quo penes utrumque Pontificem Lancisius functus, gratiaeque, qua apud illos olim valuisset. Dono quoque dedit Statuam marmoream horologio imponendam, imaginem Fortitudinis sistentem. Addidit insuper quasdam reliquias Sancti Pantaleonis Medici, quem Lancisius, tanquam studiorum suorum Protectorem, fingulari cultu profequebatur, bufto argenteo reconditas. Ad confervandam Bibliothecam & comparandos novos libros, LANcisius reditus, e centum locis Montium Camerae Apostolicae non vacabilium, pro fundo, post mortem eius prodeuntes, legavit, illo nimirum nomine ac titulo, quo ad Lancisium pertinebant, & in ipso instituto, ac Diplomate Pontificis, (Breve dicto) efferuntur. Praeterea, ante obitum fuum, CXX. Scudi in honorarium Bibliothecarii, XXX. Scudi pro Custode, illius Adiutore, & decem pro quibusdam minutis expensis, per an-

> Dottore di Teologia e d'ambe le Leggi, Bibliotecario della medesima. Con una Orazione recitata: de Recto usu bibliothecae, e coll' aggiunta d'alcune Poesse dello stesso autore fra gl' Arcadi, detto Egialo Pastore. Dedicato all'Emmo e Rmmo Sig. Card. Franc. Maria Casini. In Roma 1718. 4to.

ni tempus folvendis, assignavit. Adhuc LX. Scudi ad alimentum Bibliothecario aedium Sti Spiritus quotannis folvi iuslit: quippe qui simul Canonici Sti Spiritus titulo gaudet. hoc instituto maius commodum in dostrinam medicam redundaret, Lancisius sequenti tempore Academiam philosophicomedicam fancivit, quae in atrio Bibliothecae congregatur. Ne spatium in Xenodochio nimis contraheretur, Commendatoris munere tunc temporis in illo fulgens, Georgius Spinola Archiepiscopus Caesareanus, Referendarius utriusque signaturae Papalis, &c. quatuor conclavia, in superiore contignatione aedium Praeceptoris Nosocomii Sti Spiritus sita, a domicilio fuo, pro atrio & vestibulo condendo, seiunxit. deinceps praedictus Archiepiscopus, Nuncii nomine, Vindobonam mittebatur, fuccessor eius in praesectura, Sinibaldus Doria, Archiepiscopus Patracensis, operi exstruendo colophonem addidit, Papa Clemens XI. qui ipfe conficiendo & adornando atrio Bibliothecae, haud exiguos fumtus impendit, donoque dedit, hoc institutum non tantum peculiari Diplomate confirmavit, sed & omnibus ac singulis, qui illud institutum quocunque modo violaturi effent, vel minimam schedam, qualicunque sub obtentu, e Bibliotheca subducere auderent, excommunicationis maioris poenam minatus est, a qua nemo, nisi in ioso mortis articulo constitutus, a solo Pontifice Romano, tunc temporis existente, liberari potest. E biographia LANCISII patet 1), quod verum a LANCISIO, alendae Bibliothecae & honorando Bibliothecario destinatum Legatum, in Summam 12000. Scudi excurrat, additurque aliud Legatum, nimirum 60000. Scudi, Archinofocomio in Saxia ab illo donatum, ad exstruendas aedes, in quibus virorum ac foeminarum decrepitae aetatis, numerus sexagenarius nutriendus esset. Quodfi

¹⁾ Vid. Ioecheri Lexicon erud. univers. Lancistus, & ibi citati Giornali litterati, & Niceron Memoires.

si mihi proposuissem, hac occasione de Medicis Bibliothecarum fundatoribus & amplificatoribus nonnulla fubiicere, numerofa illorum copia adducenda foret; ubi vero iamiam in enarrando Lancisii instituto, aeque ac in describendo Ordine Sti Spiritus in Saxia, tanto prolixior fui, quanto magis hanc terrae partem earum rerum notitia fugit; insuper & ante addu-Etus liber Christophori Carsughi raro occurrit, filum dissertationis huius argumenti abrumpam, ac ad Ordinis ipfius constitutiones, habitum, ac hodiernam conditionem revertar. Ordinis fratres omnes aequali amictu induti incedunt; in latere finistro tam vestis atrae, quam pallii, crucem habent albam linteam, duodecim apicibus distinctam, similem isti, quae Patriarchalis vocatur. Secundum primum institutum Fratres Ordinis laici erant; quibus Clerici quidam seculares adiungebantur, tam ut egentibus, quam aegrotis facra ministrarent. Nunc vero in numero Fratrum Ordinis Romae, folummodo Canonici regulares, Sacerdotes, & Laici inveniuntur, qui Praeceptori magno seu Commendatori subiecti sunt. Siquidem tempore praeterito Ordo ille, cum feparatis praefecturis five Commendis gauderet, pro vero Ordine equestri habebatur, licet Fratres Ordinis nunquam arma gessisse legamus; equites tamen olim & cruce & gladio ornatos fuisse, bonaque Ordinis administrasse, imo in Gallia equites quosdam huius Ordinis uxores duxisse, Helyotius l. c. refert. Summe ibi mixtus ex equitibus, iustitiae, gratiae, obedientiae, ministrantibus; porro ex clericis regularibus, religiosis & laicis, Ordo constabat, femper in lite inter se versantibus, usque dum 1700. Rex Galliae fancivit, Ordinem mere religiofum & regularem effe & manere, nec equestris Ordinis in Gallia iura habere, cum iam antea 1689. & 1690. mandatis confilii Status, Magistro Ordinis la Coste, nec nomen magistri Ordinis supremi in Gallia, nec crucem, nec gladium gerere, una cum ita dictis equitibus, sed absque effectu, prohibitum erat. Religiosi Ordinis nunc vitae

tae monafficae nomen dant, & votum solenne nuncupant; laici vero folo voto castitatis, paupertatis, & obsequii, quin & officiorum aegrotis atque pauperibus praestandorum, adstringuntur. Multa in Italia, Germania & Polonia huius Ordinis monasteria & nosocomia, imo & monialibus referta claustra, reperiuntur. In Gallia, uti diximus, Ordo varia perpeffus est fata, & plerumque Commendatori, in Saxia Romae refidenti, subiectus fuit. Possidet adhuc nosocomia & monasteria, iub Sti Spiritus nomine clara. Nunc de dignitate Praeceptoris Sti Spiritus in Saxia, Romae degentis, commemorabo, quod hoc munus omni tempore Antistiti seu Praelato proprium fuerit, ob nativitatis originem illustri; quid quod & ipse Papa, virum meritis eximium, huic spartae nunquam non praeficere folet. Ex quo tempore Cardinalis, Petrus Barbo, ordini quidem Medicorum, ut aiunt m), non vero Canonicorum Sti Spiritus, adscriptus, postea Pontificis nomine clarus, Paulus II. dictus, a Papa Eugenio IV, cognato suo, Commendatoris seu Praeceptoris munus impetravit; raro aliquis ex ipfo Ordine Sti Spiritus ad illam dignitatem pervenit. Praeceptor seu Commendatarius proprio nomine, Ordinis Magister generalis audit; dum in decretis apostolicis modo Commendator, modo Praeceptor, modo Magister generalis Ordinis Sti Spiritus appellatur. Prior Archinofocomii Romani, fecundum in Ordine tenet locum, & Vicarius Ordinis generalis falutatur. A Comite Guidone. Montepesfulano, ad praesens usque tempus aliquot ultra septuaginta Praeceptores seu Commendatores numerantur, quo in numero Pontificum unus, septem vel octo Cardinales, bini

m) Vid. VINCKII Amoenitates philol. medicae, pag. 422. Barbonem Medicum fuisse, quoque ex Tiraquello de Nobilitate cap. 31. in loco de summis Pontificibus Medicis, patet. Nam Paulus II. ut tradit Platina in Vita eius, aegrotantes curiales invisebat, adhibitisque etiam medicamentis curabat.

Archiepiscopi, & duodecim Episcopi reperiuntur. Ab anno 1515. amictus violaceus cum Mozetta & pallio, ad exemplum Antistitum seu Praelatorum, Praeceptori seu Commendatori a Pontifice indultus fuit. Commendator in clavi fiffura tunicae crucem auream, albo colore encaustam, duodecim apicibus notatam, gerit. Post insignem modo recensitam dignitatem Praeceptorum feu Magistrorum generalium, Romae residentium, Medicae Facultati gloria tanto maior ex eo nascitur, quod, quantum mihi innotuit, praeter praedictum Petrum BARBONEM, ad minimum par Medicorum illustrem hanc dignitatem obtinuerit. Hi fuere Michael MERCATUS n), Italus, Miniatenfis, qui non tantum Hetruscae atque Romanae nobilitatis particeps fa-Etus, fed & a Sixto V. Protonotarii apostolici munere ornatus, Cardinalem Hippolytum Aldobrandinum, Sedis Apostolicae Nuncium, in Poloniam comitatus est, ut in hoc negotio eidem assisteret. Qua occasione non tantum in pacis negotio, inter Regem Poloniae Sigismundum III. & Archiducem Maximilianum gesto, officio suo egregie fungebatur, sed & adeo Cardinali Aldobrandino sese commendabat, ut ille, cum, Clementis VIII. sub nomine, solium pontificale conscenderet, in rebus fumme arduis ipfius confilio uteretur, eundemque haud diu post illud tempus, Magnum Praeceptorem seu Commendatorem Sti Spiritus in Saxia designaret: verum antequam splendidissimi huius muneris possessionem adiret, anno 1593. diem obiit supremum, qui certe, si vixisset, ad dignitates multo splendidiores evectus fuisset. Alter, sulius de Angelis o), est e gente quadam nobili, Lucana in Dioecesi oriundus, cui purpuratorum aliqui, episcoporum & antistitum originem suam de-

n) Vid. Prosperi Mandosii Theatrum, in quo Max. Christ. Orbis Pontif. Archiatr. exhib. Romae 1696. p. 165. 166. MANGETI Biblioth. Script. med. Tom, III. p. 308.

o) MANDOSIUS 1, c. p. 135, 136.

debent; hic per annos multos in Pisana, dein Romana Academia, publice & cum laude medicinam docuit. Tandem summi Pontificis Clementis VIII. Archiater factus, ab eodem Sti Spiritus in Saxia Praeceptoris magni munere donatus est, uti ex sepulcrali inscriptione, in Aracoelitano templo Romae incisa, & apud Mandosium I. c. legenda, patet.

6. X.

Ordo Sti Christi antiquissimorum atque ditissimorum Ordinum e numero celebris est, cuius Protectorem & supremum Magistrum, ab anno 1550. Lusitaniae Regem esse constat. Rex Dionysius anno 1317. Ordinem fundavit, & largissimos reditus ex Templariorum bonis, Fisco addictis, constituit. Ordinis Fratres in Commendatores, Crucigeros maiores, Equites & Presbyteros distinguuntur. Claustra quoque existunt, quae Monachos Ordini addictos alunt, qui S. Basilii regulas sequun-Quod ceteroquin Equites facultate gaudeant, uxores ducendi, nota res est. Ordinis insigne est crux rubra, in extremitatibus lata, Italis Patente vocata, quae alia candida vel argentea fecatur, eamque Equites in atro p), vel potius, ad mentem HELYOTI q), in longo & albo ami&u, vel pallio, ge-BONANNUS I.c. rubram crucem auro esse inclusam, & albo in amictu gestari, refert. Gerunt praeterea equites in pe-Etore auream crucem, albo colore, encausto pictam, triplice torque collo appensam, vel etiam ligamine serico, quod quidem HELYOT, MENENIUS, BONANNUS, GRYPHIUS, & alii silent. RAMMELSBERGIUS r) quidem huius crucis meminit, sed pro more, absque autoris nomine. Crucem vero non folum

q) Tom. VI. p. 87.
r) I. W. RAMMELSBERG, Beschreibung aller geistl. und weltlichen Orden, X. Stück pag. 95.

p) Vid. Menenius I. c. pag. 114.

in amiêtu acu piêtam, sed & aliam collo, ligamine serico appensam, gestari, ex nummo in honorem Perillustris Garellia Vestnero cuso, video. Nec minus ex icone so. Curvi Semmedo patet, eum crucem, in forma nummi torque appensam, gestasse. Ordinis enim huius signo & celebris ille ac doctus Archiater Sac. Caes. Maiestatis, Pius Nicolaus Garellus, nituit s), pariter & so. Curvus Semmedo t), qui se Ordinis Christi Equitem auratum, Sancti officii familiarem, & Domus Regiae Medicum in Portugallia dixit. Porro quoque D. Andr. Iacob. de Fackhu), Philos. & Med. Doctor, Regii in Lusitania Ordinis Christi Eques, Proto-Medicus, & Archiater Caesareus. Praeter hos singulos alii adhuc Medici, ad numerum quinque, ex testimoniis x), celebri Ophthalmico, sob. Taylor, datis, his in oris inclaruerunt. Hi suere D. Emanuel dos Reys & Sousa, D. Iob. de Albonesca, D. Benedictus Gomes dos Santos, D. Amarius Ro-

r) Vid. Brückmanni Epistol. itiner. Centur, I. Epist. XXI. de duobus nummis, celeberrimi huius Medici in honorem cusis. Prolizius in Commentatione: de Nummis in Medicorum honorem & memoriam cusis, agam.

Possideo in iconophylacio men Medicorum locupletissimo, duas icones Ioannis Curvi Semmedo, aeri incisas, quarum altera 1689.
a Iohanne Valck, & altera 1716. a M. Dossier excusa est. In posteriore Ordinis signo notato, hanc inscriptionem legimus: Ioanno Curvo Semmedo, Cavalleyro professo da Ordem de Christo, Familiardo S. Ossicio, & Medico da Caza Real; Natural de Montforte; nascido em Oprimeiro de Dezembrode, mil seiscentos & trinta, & cinco deidade devitenta & hum annos.

u) Vid. BRÜCKMANNI Epistol, itiner. Cent. I. Epist. XXI. & XXIL

x) Sammlungen und Urtheile der vornehmsten Akademien von Europa über den beglückten Fortgang derer Operationen des Herrn Jo. Taylor. Franckf. am Mayn 1751. 8v. p. 33. 34. 35. 42. 61.

GEIRA da COSTA, D. Emanuel MONTEIRO de FONSECA, qui singuli Profesfores atque Lectores in Facultate Medica Academiae Conimbricensis extitere. Insuper & me legisse memini, quod anno 1599. tempore pestis, Lisbonae, par Medicorum celebrium Ordinis Christi Equitum nomine ornatum fuerit y), quod nimirum viri isti durante pestis tempore in civitate manserunt, & aegrotos curarunt, quorum vero nomina non innotuerunt. Addimus his Iacobum de LARGE 2), natione Gallum, & Facultatis Medicae Parisinae Doctorem, qui circa annum 1666. apud Mariam Franciscam Elisabetham, Nemorensem, Lusitaniae Reginam, & Alphonsi IV. coniugem, Archiatri munus implevit, & Eques Ordinis Christi creatus est. Non ita pridem quoque Christophorus Meighan, Medicinae Doctor, Eques Ordinis Christi, & Academiae regiae Scientiarum Rothomagensis Membrum, natione, ut puto, Anglus, Tractatu de Fontibus medicatis de Barreges, Londini MDCCLXIV. iterum edito 22), inclaruit.

S. XI.

Ordinibus fecularibus antiquis equitum, in Gallia Ordo Sti Michaelis accenfendus erit, Amboisiae a Ludovico XI. anno 1469, ipsis Calendis mensis Augusti, institutus. Tempore fundationis, placuit autori, numerum 36. equitum stabilire, qui folummodo huic Ordini adscriberentur. Hi tempore primo instituti Ordinis pro signo gerebant nummum memorialem, cui imago erat impressa Sancti Michaelis cum Dracone pugnantis. Signum istud ex aurea catena pendebat, conchis aureis ornata,

y) Vid. Casp. Cald. de Heredia Tribunal magico - medicum Tom. I. pag. 514.

z) Vid. MATTHIAE Conspectum Historiae Medicorum chronologicum, p. 735. §. 944.

23) Vid. Journal des Scavans 1765. p. 396,

ornata, & aureis nodis connexa. Splendidus admodum erat hic Ordo, & multum habebat ponderis, qui, referente Bussie-RO a), tunc tantae dignitatis censebatur, ut cum Ordine aurei Velleris ac Perifcelidis aequo honore coleretur. Ludovicus XI. cum florere inciperet Ordo, quindecim modo equites creavit, quorum in numero regni sui Duces potentissimi, Comites, atque Ministrorum principes fuere, eorumque nomina in Scriptis HELYOTI, MENENII, aliisque libris Ordinum historiam tradentibus, inveniuntur. Conferebatur quoque postea Regibus atque Principibus magnis extraneis, in singulare amicitiae & honoris fignum, ipfeque Imperator Carolus V. quovis festo die Sti Michaelis eodem indutus fuit b), quemadmodum e contrario Galliae Rex Franciscus I. aurei Velleris insignibus cinctus apparebat, eo die quo festum Sti Andreae celebrabatur. Cum idem Franciscus I. Magnae Britanniae Regi Henrico VIII. Ordinem Sti Michaelis misisset, hic statim grati animi testificandi causa, Equitibus Ordinis aureae Periscelidis eundem Franciscum vicissim adscripsit c). Autoritas atque praerogativa Ordinis temporibus Henrici II. Galliae Regis non minor fuit, quippe qui nova ornamenta eidem non folum addidit, fed & Ordinis ministros lauto amietu multo splendidiores reddidit. Ast, licet Carolus IX. adhuc anno 1572. ante diem Sti Michaelis vefpertino tempore, celebri cum pompa, in folio regio ornatu splendido sedens, Ordinis solennia faceret, & Regum Hispaniae, Daniae ac Sueciae, tanquam fociorum illius Ordinis, regnorum arma, sub alio regio solio, e panno serico auroque textili efficto, una cum infignibus Ordinis Sti Michaelis decorata, in altum expandi iuslisset, tamen Francisci II. Caroli IX. & Henrici

a) Bussier Historiae Francicae Lib. XIII. p. XXIV.

b) Vid. SANDOVAL Hift. Caroli V. Lib. III. S. XIX.

e) Vid. Ashmole Institution, Loix & Ceremonies du tres noble Ordre de la Jarretiere, in fine.

rici III. aevo, Ordinis huius autoritas magnam iacturam facere ac deminui incipiebat, illa ex ratione, quod numerus equitum nimium in modum augeretnr, unde dignitas & eminentia, quae Ordinis equitibus alioquin adhaeret, valde minuebatur, imo evilescebat.

Cum Henricus III. d), Rex Galliae ac Poloniae, anno 1578. Ordinem Sti Spiritus fanciret, Ordo quidem Sti Michaelis nihilominus retinebatur & valuit, dignitasque Cancellarii Ordinis Sti Michaelis, cum dignitate Cancellarii Ordinis Sti Spiritus mifcebatur. Verum tamen Ordo Sti Michaelis pristinum suum splendorem nancisci non poterat. Quapropter Rex Ludovicus XIV. anno 1665. omnes equites abrogabat, centum folummodo servatis, quem numerum sanctum esse volebat, sanciebatque ne unquam excederetur. Horum in numero sex equites ecclesiastici esse debebant, vel Abbatiarum veri possessores, vel aliorum munerum ecclesiae splendidiorum antistites, vel Templis cathedralibus, vel Collegiis facris adscripti; fex alios equites togatos e Collegiorum civilium numero, splendida munera magistratuum gerentes, seligi iubebat. Religui equites LXXXVIII. equites gladii, seu Chevaliers d'Epée, diceban-Tenore Statutorum, quae eo tempore Ordini dabantur, aeque in ecclesiasticis ac secularibus equitibus requirebatur, ut tribus generationibus a latere paterno illustres, ac decennali munere functi essent, quibus requisitis accensebatur, ut religionem catholicam profiterentur, cum alio tempore & evangelicae religioni addicti e) ad illum ordinem admitterentur, cuius veritatis exempla in Claudio SALMASIO, item in praefecto classis

d) Vid Recueil de diverses pieces, servant a l'histoire de Henri III. Roi de France & Pologne, dans le Journal du regne de Henri III. p. 34. Helyot l. c. Tom. VIII. p. 445.

⁾ Histoire de l'Edit de Nantes Tom. III. Liv. III. pag. 180. Liv. IV. pag. 257.

classis maritimae Michaele Ruytero, multisque aliis occurrunt. Quo maior autoritas illius Ordinis esset, lege decretum fuit, ut equites Sti Spiritus vespera, actum equestris nobilitatis solennem praecedente, Ordine Sti Michaelis induerentur; hinc & duplici Ordinis catena arma illorum gentilitia cinguntur. Equites Ordinis Sti Spiritus in latere, Ordinis sui crucis adverso, fignum Ordinis Sti Michaelis ostendunt. Verum ac genuinum Ordinis Sti Michaelis signum HELYOTUS, aliique Ordinum Scriptores parum accurate tradunt, ac diversimode explicant; comperta tamen fide asserere valeo, quod Equites praesenti tempore illustres, aurea cruce octangulari, Melitensi simili, encausti operis margine albo notata, induantur. In intervallo quatuor angulorum interiorum crucis, lilium aureum floret. In media & orbiculari parte crucis, candido colore opere encausto parata, effigies Archangeli Michaelis cum Dracone pugnantis, apparet. In octo apicibus crucis, octo globuli aurei cernuntur, ipsa vero crux a ligamento nigro, macerato, quod collum cingit, demissa, pectori superimpendet; more quidem Statutis Ludovici XIV. adverso, quibus sancitum fuit, ut crux ab atro & lato ligamento pendens, ad modum praecinctorii gereretur.

Occasione illa, qua in Novis publicis Ultraiectinis gallici idiomatis, die XXIII. mensis Maii, anni MDCCLX. & die XXVI. mensis Ianuar. anni MDCCLXII. binorum Capitulorum Ordinis mentio facta est, de cruce Ordinis, supra memorata, descriptio simul traditur, signo crucis ex asse respondens, in sigura aenea nitide expressa, conspicuo, quae imaginem celebris Georgii Mareschalli, autore Daullé, viro artis suae peritissimo, refert; de quo Mareschallo infra mihi locus dicendi erit. Nonnullis in libris, qui Ordinum historiam tradiderunt, exempli caussa in Commentatione Rammelsbergiana f), locus occerit.

f) RAMMELSBERG l, c. p. 28.

currit, ubi afferitur, quod Equites hanc crucem ligamento rubro, ad manus latitudinem extenfo, alligatam, ab humero dextro ad laevum usque femur demissam, gerant; insuper & in finistra pectoris parte, crux aurea & magna, in tunica, acu picti operis, quadrangularis, apicibus obtusis notata, fingitur, cuius in extremitate fuperiori ac inferiori littera P. ad latus dextrum vero & finistrum littera F, auro contexta, appareat. media parte crucis scutum aureum, mediae formae, haerere dicitur, cui Angelus Michael cum Dracone aeque ac Ordinis figno intextus, infideat, manu finistra scutum caeruleum litteris aureis L. R. notatum, dextraque manu ensem tenens; in angulis vero acu pictae crucis fulmina aurea quod appareant, Cum a RAMMELSBERGIO nulla Autorum testicontenditur. monia adducantur, affirmare haud valeo, quo veritatis fulcro haec commemoratio nitatur, quam certe falsam esse credo, eiusdemque fidei cum HELYOTI sententia, qua contendit, Ordinum Capitula, abhinc longo tempore, non amplius celebrari, ac Equites folummodo connivendo crucem ligamento coeruleo appensam, & in clavi fissura tunicali haerentem, secum ferre.

Recentioriaevo, diversa Ordinum capitula celebrata sunt: nimirum anno MDCCLVIII. quarto Decembris die, Cordigerorum in conventu, cui actui solenni Marchio de Puysieux, Status Minister, Eques Ordinum regiorum, pallio & monili Ordinum indutus, Regis nomine praesidebat; nec non alio tempore eiusdem generis actus solennis habebatur, die VIII. mensis Maii, anno MDCCLX. in Magno Conventu Fratrum Observantiae religiosae, quo in actu Dux de Fleury unus ex Paribus Regni (Pair), Ordinumque regiorum Eques, pari modo, Regis sub nomine, praesidium tenebat, & equites solenniter creabat. Designavit equitum aliquis ex Ordine Sti Michaelis, Perrotinus de Barmond, sundum peculiarem, ad cudendam monetam auream magnam, quae Regi a Secretario Ordinis, quoties-

tiescunque folennia celebrantur, traditur. Tali modo, Vir celeberrimus, Illustris Dominus Io. Baptista Boyer, Regis Confiliarius, Medicus in Supremo Senatu, ac in Generali Praese-Etura Parisiensi, Decanus Facultatis Medicae Parisinae, Militarium Regni Nosocomiorum Inspector, Librorum Censor regius, Societatis Londinensis Socius, Eques & Secretarius huius Ordinis, praedictam monetam Regi, tanquam Ordinis Magistro generali, die XXX. Iun. anni MDCCLX. obtulit, quippe qui honor & alio tempore, nimirum die II. Ian. MDCCLXV. celeberrimo Boyerio contigit, id quod supra adductae litterae Batavae d. XVIII. Iul. MDCCLX. & IV. Ian. MDCCLXV. testantur.

S. XII.

Cum Ordo Sti Michaelis persaepe viris doctis & varios ob artes infigni fama praeclaris, tribueretur, levis admodum erit caussa, quae mirum aliquem habere possit, cur, antiquioribus aeque ac recentioribus temporibus, non pauci Medicorum illius muneris participes facti fint. Inter antiquissimos huius Ordinis equites, locum sibi merito vendicat Antonius Musa BRASSAVOLA g), vir valde eruditus, & medica, quam profeffus est, arte celebris, quem multi Pontificum, Imperator Carolus V, Henricus VIII. AngliaeRex, multique infuper alii Reges ac Principes titulo Archiatri donaverunt, Rex vero Francifcus I. cognomine Musa illum decoravit, vel in memoriam Antonii Musae, quo cum aequo potitus honore, vel, referente ac sentiente Borsettio 1. c. ac si scientiarum autor extitisset; cum omnibus in scientiis valde versatum & eruditum illum fuisfe, constet. Diversis enim in Academiis Brassavola, triduo opere

Vid. Baruffaldi Commentario istoricho erudito all' inscrizione di Antonio Musa Brassavola &c. Ferrariae 1704. 4to & Historiae Almae Ferrariae Gymnassi per Ferrantem Bossetti, Pars II. pag. 133.

opere continuo, theses de quocunque variarum scientiarum argumento defendit. Idem ille Rex magnus, doctrinae & artium Cenfor iustus, Brassavolam Archiatri titulo & munere donavit, ut & ordine equeftri Sti Michaelis, qui tempore ante nominato maxima adhuc autoritate fulgebat. Monumentum, quod Ferrariae in honorem Brassavolae exftructum cernitur, fingula honoris officia, aeque ac titulos, quibus honoratus fuit, iusto numero explicat. Insignis praerogativa atque honor, quibus Franciscus I. BRASSAVOLAM ornavit, dum Ordinis munere illum donaret, quo ipse tanquam Ordinis Magister generalis fulgebat, & quo Imperator Carolus V. item Angliae Rex Henricus VIII. velut ornamento eodem tempore induebantur, cuiusque nonnisi magni Principes & Regni ministri participes fiebant, luculentum testimonium perhibent, quanto in pretio huic Principi fuerint viri virtutis atque doctrinae praestantia insignes: nisi iam de regio, quo viros doctos amplecti solebat, favore, multa documenta in monumentis historiae litterariae reperiantur. Quantumvis & Carolus V. cum Francifco I. continua fere in lite versaretur, uterque tamen in eo conveniebat, quod eruditos, interque eos praecipue Medicos. gratia fua dignos existimaret; cuius veritatis unicum modo exemplum, maiori e numero, adducere lubet. Cum par istud Principum, praesente Pontifice Paulo III. Nizzae, urbe in Provincia Gallica, MDXXXIII. inducias decennales pactum effet, singulique Principes congressum solennem in Aquis mortuis celebrarent, ibidemque amice convivarentur, Andreas CIBBO, Perusinus, illustri familia natus, prudentia, morum elegantia, ac eruditione omnibus carus, Archiater Pontificis Pauli III. unicus ex omnibus Ministris, in eminentiore dignitate constitutis, suit, qui convivio horum Principum intererat, & augendo confortio adhibebatur b). Patebit quoque e sequentibus.

b) Caesar Crispoltus in Perugia Augusta, Lib. III. pag. 335. Prosp. Mandosius l. c. p. 25.

tibus, Imperantes binos antedictos, plurimam equitum aura-

torum partem denominasse.

Facile ceteroquin fidem invenit, illo quoque tempore, quo Ordinis splendor minuebatur, multos e Medicis illi adscriptos fuisse, quorum nomina parum innotuerunt. Verum notatu dignissimum factum censeri meretur, quod Rex Ludovicus XIV, restituto hoc Ordine, annoque MDCLXV. in meliorem statum redacto, novisque legibus adornato, mox circiter anno MDCLXIX, vel MDCLXX, clarum illum Medicum & Antiquarium, Iohannem Baptistam CAPPONIUM i), Medicinae Professorem Bononiensem, in hunc Ordinem susceperit, postquam ipfe nummum Othonis aeneum Aegyptium, una cum erudito Commentario, in quo nummum fuum protulit & interpretatus est, Regi Christianissimo obtulisset. Antonius DEIDIER, Confiliarius Regius, olim Professor in Facultate Montepessulana, Membrum Societatis Londinensis, & Medicus regius in triremibus Massiliensibus, nomine Equitis Ordinis Sti Michaelis aeque clarus fuit, id quod e rubro diversorum scriptorum ab illo editorum apparet, e. c. in titulo Anatomiae illius explicatae, in Confultationibus ipsius medicis, aliisque ab illo & haeredibus in lucem missis operibus. Scriptores biographici Medicorum pauca de illo referunt, quin & Vir eruditus, ELOY, conterraneus eius, in Lexico historico - medico, plane nihil de illius vita tradit, sed modo Dissertationis alicuius, anno MDCCXXIII. de Morbis venereis impressae, mentionem iniicit, cum tamen longe maior numerus operum doctorum sub nomine illius innotuerit, in quibus Italus ille, qui Lexicon Eloycum, Neapoli MDCCLXI. prelo mandatum, fua civitate donavit, varia recenset. Deidierus iamiam seculo praeterito vixerit,

i) de Capponio vid. Prosperi Parisii Rariora Magnae Graeciae Numismata, 1683, in fol. in Praef. Christ. Arnoldi p. 9.

xerit, necesse est; eius enim Physiologia, tribus Dissertationibus comprehenfa, iam anno MDCCVIII. in urbe Montepeffulana prelum evafit. Confultationes eius & Observationes medicinales, anno MDCCLIV. illo iam mortuo, Parisiis evulgatae funt. Praeterea de eodem comperi, quod in an. MDCCXX. quo pestis in urbe Massilia dire saeviebat, una cum Cancellario Academiae Montepesfulanae, illustri Francisco CHICOYNOVIO postmodum anno MDCCLII. demortuo, quo tempore Status Confiliarius, Archiater, & Inspector Generalis Mineralium in regno aquarum audiebat, nec non VI. aliis Medicis Montepessulanis, iusiu Ducis regentis, ad locum antedictum, in auxilium aegrotorum missus fuerit. Hac sparta tam bene fungebatur, officiorum ingenua praestatione, ut Episcopus Massiliensis, qui, velut Pastor bonus, urbem non deseruerat, sed aegrotos, summis in angustiis constitutos, integerrima ope iuverat, publicis litteris k) eundem, una cum Chicoynovio & Boutillio, valde extolleret collaudaretque. Diversae Deidierii exstant Differtationes breves, ac peculiares litterae ac observationes, quae tempore pestis, & haudita multo post, in lucem prodierunt, plurimam partem Tractatui, de Causis morborum, & pestem sanandi modo, anno MDCCXLIV. iubente Rege evulgato, infertae funt. Editor illius operis, tempore, quo typis illud mandatum fuit, simul excudendam non curavit Orationem a Deidiero de Pestis contagio in Academia Montepessulana olim habitam; quae vero nunc in tertia parte Confultationum ipsius legitur. Illustris Chicoynovius Massiliae, & postmodum in Oratione Montepesfulana, publice defenderat, pestem illam non magis fuisse contagiosam, quam de febribus acutis, morbo miliari, variolis, aliisque morborum generibus malignis contenditur, f.d folam caussam mortiferam peiorem in effectu terroris metusque latere. Verum experientia docuit,

k) Breslauer Samml. XIV. Versuch, p. 523.

quam damnosi eventus haec sententia fuerit b, & quantum oriri malum potuisset, dum Magistratus ad sententiae illius tenorem rationes suas componeret, eodemque placito tanquam norma rerum disponendarum uteretur. Celeberrimus ASTRUC, illo tempore Professor in Academia Montepessulana, publico statim examini Dissertationem submittebat, qua defendit, pestem omnino esse mortiferam, aërisque particulis noxiis, quibus ille scateat, corporibus sese insinuare m). MDCCXXV. DEIDIERUM ordo Orationis folennis tangeret, hic admodum circumspecte utramque sententiam refellit, adeo ut adverfarii illius instituti sui rationem fere nullam animadverterent, ex qua de argumento, in illos directo, coniicere posfent: Quam suspicionem eo avertebat, quod alios viros doctos nominaret, qui eandem cum Chicoynovio & Astrucio fententiam foverant; contendebatque, non quidem aëris qualitate corpora venenari, sed per contactum immediatum vestimentorum, a contagio pestis infectorum, malum istud disseminari. Huic dissensui de contagio pestis inter Medicos nascenti, Illustrissimus Franciae Cancellarius Daguesseau providum hoc & bene ponderatum iudicium addidit: pestem non quidem esse contagiosam, plebi esse persuadendum, sed tamen magistratibus in rebus disponendis ordinem eligendum esse, qui contrariam sententiam foveat, quo omnis contagio arceatur.

Cum in Scriptis biographicis medicis, de Antonio DeidieRo nihil plane confignatum reperiatur, huic themati de curriculo vitae ipsius, modo paulo prolixiori, immoror, suspicans
nimirum, quod, deleta peste Massiliensi, mox Ordinem Sti Mif 2 chaelis

D Vid. Antrechaut Relation de la Peste, dont la ville de Toulon sut affligée en 1721. a Paris 1756. p. 360. 361. Breslauer Samml. XV. und XVI. Versuch. p. 374.

m) Journal des Scavans 1756. Fevr. p. 333.

chaelis, in praemium praestitae ab ipso operae, adeptus fuerit, cuius muneris alii quoque multi participes facti funt, de quorum zelo fingulari, in adimplendis officiis, constitit, & quorum numero ante nominatus d'ANTRECHAUT n), Telonensis Conful primus, pari mactatus honore, cum stipendio annuo ad dies vitae mille librarum, adscribi meruit. Cura Ducis regentis paterna, ad extinguendum istud malum suscepta, ne in maius exitium vergeret, causa fuit, quod Medicis atque Chirurgis, durante pestis intervallo, lauta stipendia designarentur, ad excitandam eorum operam, in defungendo fanandi munere. Inter alios Chirurgi Telonenses, ab aula hunc in locum missi, menstruam mercedem quingentarum librarum monetae Gallicae accipiebant o), singuli vero Medici Massilienses auftoramento donabantur, quod annuum illis stipendium quadringentarum librarum ad vitae tempus promittebat, eiusdemque civitatis Chirurgis, modo proportionato, annuum tale beneficium decernebatur. Seligebatur quoque par Medicorum, quod Telonium mitteretur e Facultate Parisina, Doctores Moi-NE & BAILY, quibus, praeter Summam quinque millium librarum, unicuique pro absolvendo itinere seorsim destinatam, menstruum adhuc salarium, nimirum decem millium librarum, quamdiu in loco pestis commorabantur, solutum suit, quo tempore finito, auctoramento annui stipendii mille & ducentarum librarum, ad dies vitae honorati fuerunt p). Malo hoc quam felicissime eruncato stipendia, insuper beneficia, Ordines equestres, aliaque honoris signa, in bene meritos conferebantur, de quibus subinde disserendi mihi locus erit.

Quod illustris Dominus Iobannes Baptista Boyer, Consiliarius, Medicus in Supremo Senatu, &c. variis Dissertationibus

scrip-

e) Vid. d'Antrechaut I. c. p. 287.

n) Vid. d'Antrechaut I. c. p. 291. p. 379. 380.

p) Vid. Breslauer Samml. XV. und XVI. Versuch p. 45. p. 601.

scriptisque eruditis clarus, Eques huius Ordinis, eiusque secretis praefectus sit, iam antea asserui. Num vero Ritus & infigniora faluberrimi Medicorum Parifienfium Ordinis decreta, quae fecunda vice anno MDCCXVI. Lutetiae in lucem prodierunt, ac autorem suum Io. Bapt. Boyerium profitentur, huic Viro eruditissimo originem suam debeant, certo affirmare non possum. Libri huius copia nostris in oris nulla plane datur, & licet liber sub titulo: la France litteraire, Parisiis editus, de facti certitudine spem aliquam promittere posfet, satis tamen constat, quod in isto libro, maximus eruditorum nominum numerus indice accurato atque integro operum, ab illis editorum, destitutus sit. Praecipue illum defectum, Medicorum in numero recensito, observavi; &, quod maxime miror, de celeberrimo Boyerio neque nomen notatum, nec aliud quicquam de illo confignatum reperitur. Facultate medica Parisiensi mos ille obtinuit, ut in honorem Decani de munere suo decedentis, nummus memorialis, cum illius effigie cudatur; idem h nor quoque anno MDCCLVI. Boyerio illustri & doctissimo contigit. In altera parte huius monumenti imago eius nitide efficta, ad pectoris ambitum usque expressa, directo in laevum latus vultu, cernitur, cum ornamento crucis Ordinis Sti Michaelis, a ligamento collum cingente pendentis, inscriptaeque huic monumento leguntur litterae: I. B. Boyer Reg. St. Mich. Ord. Eq. F. M. P. Dec. In parte inferiori: I. Du Viv. 1765. quae litterae ita explicandae: Iob. Bapt. Boyer, Regii Sti Michaelis Ordinis Eques, Facultatis Medicae Parismae Decanus. Io. du Vivier nomen monetarii illius celebris, a quo diversa huius formae opera prodierunt, indicat. Alterum latus arma, vel infignia ipfius gentilitia habet, nimirum taurum ac stellam alte nitentem, in campo coeruleo. Clypeus armorum, cum Ordinis catena & cruce Ordinis Sti Michaelis inde demissa, in conspectum datus; integer vero ornatus corona comitiva tegitur, cuius generis coronam in numf 3 mis

21(11)

mis compluribus Decanorum Facultatis Medicae Parifienfis me vidisse memini; e. c. in monumento A. Doute, Decani in annis MDCCXVII. & MDCCXVIII. Utrumque latus armorum Boyerii laureolas tenet, sub quibus par sceptrorum, pulvinari incumbens, cum ferto stellato, tanquam signis dignitatum academicarum, apparet. In ordinis Capitulo, anno MDCCLVIII. celebrato, quoque Dn. Claudius BOURDIER de la MOULIERE, Do-Etor Regius Facultatis Medicae Parifinae, ac Dn. Cafpar Cochin Dupuy, eiusdem Facultatis Doctor regens, Regis Confiliarius, Medicus primarius rei nauticae, & in arce maritima Rupifortensi Anatomes ac Chirurgiae Professor regius, una cum aliis nonnullis Ordini Medicorum non adscriptis, Equitum Ordinis dignitatem consecuti fuerunt. Cum festum Ordinis solenne anno MDCCLX. celebraretur, Dn. Richardus de HAUTESIERCK, primus exercituum Medicus, falubris Confilii regii Socius, nec non militarium regni nosocomiorum Inspector ac Proto - Medicus, Regiae Scientiarum Academiae Goettingensis Socies, in equestrem hunc Ordinem adoptatus fuit, cuius Formulae medicamentorum Nofodochiis militaribus applicatae, Casselis anno MDCCLXI editae, in Germania innotuerunt. Non dubito, quin & alii complures e docto Medicorum cœtu, præter ante nominatos, dignitatis equestris participes facti sint. Quodsi enim Codicem medicamentorum Parisiensium inspicio, qui anno MDCCLVIII. in lucem mittebatur, in praemisso Operi catalogo Doctorum regentium Facultatis Medicae Parisiensis, nomina diversorum membrorum mihi occurrunt, quibus vocabulum Eques, additum reperitur. Eorum in numero funt Viri celeberrimi: Franc. POUSSE, Michael Ludovicus VERNAGE, Cenfor regius, Nic. le Roy de St. Aignan, Lud. Maria Pousse, Cenfor regius, Car. Franc. THEROULDE de VALLUM, Io. Franc. Clemens Morand, Reg. Soc. Lugd. Socius, Regii Medicorum Nancianorum Collegii Socius honorarius, Claudius Franc. GRANDO-LAS, Potentissimi Stanislai, Poloniarum Regis, Lotharingiae & Ba-

Barensis Ducis, Consiliarius & Medicus, nec non Anatomes & artis obstetriciae in gratiam matronarum p. t. Professor, Petrus Abraham PAION de MONCEL, Theophilus de BORDEU, Nofocomii regii & militaris Boregiensis Medicus designatus. Cum nominibus Cochin Dupuy & Bourdierit de la Mouliere, hoc in Indice notatis, vox, Eques, adiecta reperiatur, & iam antea innotuerit, quod anno MOCCLVIII. Ordinis Sti Michaelis honore mactati fuerint, ambiguus haereo, num ad Ordinem, de quo nobis fermo est, referendi, an potius vox, Eques, pro Ecuyer seu Armiger nominibus addita sit, cuius verbi vis ex Henrici Spelmanni Glossario, vel ex P. Danielis Historia militiae Gallicae petenda. Forte etiam acquisitae nobilitatis signum esse potest, eo magis, quod in Gallia haud raro contingit, ut viri bene de republica meriti nobilitentur, quo honore dignissimus ille Archiater Fagonius, illiusque celebris successor CHIRACIUS, ut & CHICOYNOVIUS nuper demortuus, aliique plures enituerunt. Imo clarius hoc apparet ex diplomatibus variis nobilitatis, quae de Vaux Iudici fuo funereo Chirurgorum Parisiensium adiecit, in quibus expressis verbis nobilitati, cum nominibus & honoribus nobilium & armigerorum, de Nobles & d'Ecuyers, falutantur & decorantur.

§. XIII.

Posteaquam in Gallia a temporibus Francisci I. doctrinae medicae, ceterarumque scientiarum, quae illi adhaerent, utilitas cognita atque perspecta suit, imprimis quoque Chirurgiae studium praecipuis doctrinae partibus accensetur, praeceptisque solidioribus imbuuntur, qui huic arti operam navant. Complures docti viri, hanc artem professi, inclaruerunt, amplissimis non tantum muneribus & honorum titulis conspicui, sed & nobilitatis gradum quoque cum benesicio Ordinis Sti Michaelis consecuti. Nulla adeo amplius caussa suprementatione.

mirum aliquem teneat, cur Chirurgia hoc in regno prae reliquis maturiorem splendorem nacta fuerit. Quodsi Indicem Chirurgorum Gallicorum q), praesenti adhuc tempore clarissimorum, & in hoc artis genere versatissimorum, quos membris Academiae chirurgicae Parisinae adscriptos esse novimus, lustrare lubeat; statim in fronte huius Indicis nobis occurrit celeberrimus Academiae Chirurgorum Praeses, Germanus de la MARTINIERE, Armiger, Regis a Confiliis, eiusdem Chirurgus primarius, Eques Ordinis Sti Michaelis, Chirurgus regni praecipuus, Academiae Regiae Holmiensis Socius. Sequitur hunc modo celeberrimus Salvator Morand, Armiger, Membrum Acad. Reg. Scientiarum Parif. Soc. Reg. Londin. & Academiarum Rothomagensis, Petropolitanae, Bononiensis & Florentinze, Cenfor regius, Inspector Nosocomiorum militarium generalis, & Chirurgorum Praefectus in Nofocomio regio militum invalidorum. Fuit quoque Secretarius perpetuus Academiae Chirurgicae Parifinae, quo munere cum se abdicaret, in eius locum Dominus Louis, variis editis scriptis inclytus, successit. Porro ad eandem Ordinis dignitatem adscenderunt celeberrimus PIBRAC, Armiger, Eques Ordinis Sti Michaelis, Chirurgorum Praefectus in Schola regia-militari, & denique clarissimus Parchet, Armiger, Eques Ordinis Sti Michaelis, Regis a Consiliis, & Chirurgus primarius Regis utriusque Siciliae. Viginti & aliquot anni erunt, quo intervallo ante hoc tempus, celeberrimus ille Georgius MARESCHALLUS eodem honore fruebatur. Praesidum ille primus exstitit in noviter Chirurgorum Academia erecta, Confiliarius regius erat, eiusdemque inter Chirurgos primus, Dynasta de Bievre, aliarumque terrarum, de quo iam antea mentio facta est. Cum vero, quantum memini, & ex monumentis historiae litterariae gallicae patet, primus

a) Memoires de l'Academie Royale de Chirurgie a Paris 1757. 4to mai. Tom. III. in Praef.

mus ille inter Chirurgos fuit, ad quos Ordo hic gratiose pervenit, brevissime quaedam de vitae eius fatis tradam, iisdemque nonnullas observationes, illuc spectantes, subiiciam. Patrem ille habuit, militum in exercitu gallico ordines ducentem, tantumque filius apud Regem Ludovicum XIV. gratia valuit, ut anno MDCCVII. nobilitatis genere illum donaret. In Diplomate nobilitatis, verba inferta legebantur: ,, Regi aequum fuif-, se visum, ut documenta in illum favoris sui talia ederet, qui-, bus & posteri eius aliquando frui queant, dum illum tanto , magis fupra vulgus extollere niteretur, quo maiori virtute pipse artis suae peritos superasset. Fatis cessit anno MDCC-XXXVI, celebrisque Salvator Morand integram vitae eius descriptionem edidit, in qua eius merita digno cum encomio recenfentur. Ex hoc vitae eius monumento apparet, quod Rex quoque Ludovicus XV. felicissime nunc imperium tenens, gratia fua prorfus singulari ac intimiori fide Georgium Mareschallum dignum iudicaverit, Ordinisque Sti Michaelis anno MDCCXXIII. participem fecerit. Non vero unicum hoc signum dici meretur, quo probari possit, Potentissimum Regem Galliae, magnam illam à maioribus acceptam animam, ac mentis generolissimae virtutem, iure hereditatis sibi vindicare, dum nullam occasionem negligit, qua illorum ardorem augere valeat, qui, folida rerum cognitione, facultate pollent, miferis & afflictis fuis fubditis falutarem aliquam operam praestandi. Notabile huius afferti adducam exemplum. In tertia parte Operum Academiae Regiae Chirurgicae, ibidemque in vita demortui Nic. Puzos, celebris Chirurgi, olim Directoris Academiae chirurgicae, Cenforis regii librorum, atque Demonstratoris in arte obstetricia, me legisse memini, cum a Rege nobilitatus esset, Diplomati haec inserta esse verba: "Regem , ex ea ratione, quod ars, cui augendae Nic. Puzos ingenium " suum mutuaverit, societati civili adeo salutaris ac ponderosa effet, rem censuisse cura sua haud indignam, quin operam , illius

, illius titulo aliquo honoris remuneraretur, ad stimulum ad-, dendum omnibus iis, qui vestigia ipsius premere audeant., Unde provida, quae mentem huius Monarchae, cura alit, felicitatis fuae gentis, ac praecipue fuorum civium, quorum augescere numerum vult, in aprico est; namin arte obstetricandi praecipue Puzos, & ingenio & arte multum valuit. Indubiae enim veritatis affertum est, quod exploratae artis obstetricatores reipublicae multum prodesse queant, cum illorum opera ac arte, in magnis urbibus, quotannis aliquoties centum tam infantes, quam parturientes serventur, idque tanto maiori cum fructu, quo ipsi non solum manus operi admovent, fed & praeceptis falutiferis, artisque exercitio alios instruunt, adeoque & posteritatis rationem habent. Aeque res hic fe habet, ac generatim de omni illo scientiarum genere statuendum est, quod in conservationem & augmentum generis humani tendit. Levamen & auxilium istae artes afferunt misero & morbofo, quo mortales faepe excruciantur, statui, maioremque utilitatem praestant Medici reipublicae, in conservandis & augendis subditis, quam ii, qui eiusmodi artes colunt, quae in generis humani exitium & detrimentum excogitatae funt. Quilibet enim humani generis amicus, & de falute eius follicitus, memoriam inventoris boni & certi remedii, in falutem humani generis detecti, vel instrumenti chirurgici utilissimi & proficui, semper singulari pietatis & gratitudinis cultu prosequetur, eamque beatam & sanctam esse volet sensus & adfectio, qualem nulla contemplatio tormentorum bellicorum, e. g. Schuwalowiorum, Coehornianorum, aliarumque ad necandum perdendumque genus humanum inventarum & effictarum machinarum, unquam in eodem excitare potest. Si vero praemia & honores artibus & inventis statuenda funt, fane iis potius debentur, qui in salutem & augmentum, quam qui in exitium & interitum generis humani animum & studia

fuz impendunt, ac artes deleterias, perniciosiores, novis inventis, reddere conantur.

Cum hac occasione merita Facultatis medicae, secundum verum eorum pretium diiudicare, & fecundum eorum influxum in felicitatem humani generis & Statuum comparare velimus, Medicus, qui artis & eruditionis virtute valet, utique tali honore dignus cenfetur, quo a turba hominum communi, distinguitur. Nam non solum dexteritate & scientia sua singulorum membrorum, de republica optime meritorum, perfaepe morbos tollere, ac tales viros reipublicae restituere, illique eos velut de novo donare potest, sed & honor illi tanto magis debetur, quo acutiori mentis indagine, fedulitate maiori, atque experientia praeditus est, quae conatus suos iuvare, & utiles reddere possit, in fanandis illis morborum generibus, quibus plurima pars, vel recens natorum, vel iuvenum, in florentissima adhuc aetate constitutorum, secundum notas mortalitatis leges concidit, dum arte fua numerum annuum insignem morti adeo eripere valet. Eximia illa utilitas, quam Medicina praestat, Imperantium oculos tanto impensius ferire deberet, quanto solidiori artis cognitione Medicus instructus, non tantum remediis salutaribus a morbo grasante, provinciis & civitatibus afflictis, medelam afferre; sed & sagaciori confilio, ac bene disposito rerum tractandarum ordine, eventus periculosos omnes avertere ac prohibere novit, quo minus malum contagione propagetur. Tali enimarte ac opera multa millia manuum laborioforum opificum, alioquin periturorum, in emolumentum reipublicae servantur. Quantopere, quaeso, magnorum Principum splendor & potentia, quae non folum copiarum numero, sed praecipue militum validorum & bene exercitatorum turba, nititur, morbis epidemicis decrefceret ac minueretur, nisi Medici, experientia & ingenio, notitiam diversitatis morborum, alioquin contagiosorum, sibi acquisivissent, dum hi remedia tam medica, quam politica inve-

dens gv, figiliation recola p. p. A sew.

nerunt, quibus non folum eos arcere, sed &, morbis irruentibus iamiam ac saevientibus, ab illis infectos sanare, & ulteriorem mali saevientis progressum compescere vel suffocare didicerunt.

Quodsi Scriptorum historiae antiquioris heroicae opera evolvimus, fide dignissimi saepe numero contigisse referunt, ut & maximi heroes in medio armorum selicissimorum cursu, morbis tunc temporis sic dictis divinis, i.e. adhuc obscuris atque ignotis, impediti, non tantum ab expeditionibus gloriosis desistere coacti, sed quoque interdum flore militum exercitatorum morbis deleto, adeo ad incitas redacti fuerint, ut a victis pacem petere cogerentur. Artis vero explicata magis cognitione, nostris temporibus militum sanitas provide confervatur, & morborum, olim in castris epidemicorum, caussae & origines omni cura arcentur. Verum revocat me propositi ratio, a quo parumper digressus sum, quo artis ignaris contemtoribus, & dignitatum, a magnis Principibus, Medicis impertitarum invidis, merita scientiae salutaris paululum apertius explanem.

S. XIV.

Licet Ordo Sti Ludovici militarium Ordinum in numero proprie computetur, tamen, quod & huius Ordinis membrum inter Medicos exfiterit, legimus. Conftat, Ordinis Sti Ludovici, anno MDCXCIII. inftituti, autorem fuisse Ludovicum XIV. Ordinem invenerat rex, quo praesectos exercituum, qui pugnis atque obsidionibus nomen suum clarum reddiderant, gratiae suae signo quodam donaret; illo modo animi fortitudo, virtus, & ossiciorum militarium merita eminentiora, unicam dabant causam, qua quis hoc Ordine dignus censeretur. Adoptatur etiam in illum nemo, nisi religioni catholicae addi-

^{*)} conf. G. G. L. (Godofr. Guil. de Leibniz) Relatio de novo antidysenterico Americano &c. Ephem. Acad. Cxf. N. C. Dec. III. a. III. 1696. Append. n. I. inserta p 5. Hanov. & Guelserb. a. eodem. 8v. sigillatim recusa p. 7. Trew.

Etus, vel rei militaris praefectus, sive terra, sive mari decennali isto munere functus sit. Solennia, quae fiunt tempore receptionis, HELYOTUS tradidit r). Ordo crucem habet auream, albedine encaustam, octangularem, sparsis & in quatuor angulis haerentibus liliis; in medio circulus, cuius ad unum latus, in scuto rubro, tenui margine coeruleo circumducto, imago Sti Ludovici apparet, regio pallio ac cataphracta ornata; dextra manu laureolam, finistra vero coronam e spinis contextam, clavosque passionis tenens. Circumscripta imagini verba, litteris aureis notata, fequentia leguntur: Ludovicus Magmus instituit MDCXCIII. Altero in latere circuli, ensis denudatus flammeus cernitur, cuius in apice sertum laurearum, ligamento candido adstrictum, litterisque circumductis verba leguntur: Bellicae virtutis praemium. Cum Ordinis membra, excepto Magistro Ordinis generali, ipso nimirum rege, octo Equites crucigeros, maiores viginti quatuor praefectos, feu Commendatores, cum indefinito Equitum numero, complectantur, ornatus singulorum ita distinguitur, ut Equites maiores crucem praedictam cum ligamento ruberrimi coloris, quatuor digitorum latitudinis, ad modum fasciae militaris, ab humero dextro ad laevum usque femur demissam, gerant. Distinguuntur etiam stella quadam acu picta, tunicae pallioque affixa, cuius nulla, neque ab HELYOTO, neque ab aliis Ordinum equestrium Scriptoribus, exacta descriptio iniicitur; suspicorideo. eandem hanc esse stellam, quam describendo Ordinem Sti Michaelis, e libro RAMMELSBERGH attuli, quod tamen cum limitatione scuti cum Archangelo, illuc non pertinentis, statuendum esse duco. Praefe&ti solummodo ligamen rubrum cum cruce demissa, sine stella, in tunica, ad fasciae militaris modum, gestant. Equitibus crucem nonnisi in pectore, a tenui ligamento ruberrimi coloris pendentem, fecum ferre licet, ligamentum seu taeniam nonnulli in formam laxioris nodi seu

r) Tom. VIII. p. 502. Mercure historique de l'an 1693. pag. 430. p. 540. 657.

cocardae colligunt. Magno huius Ordinis auctori non obiici potest, quod olim a Bussiero s) regi Ludovico XI. instituti Ordinis Sti Michaelis causa, exprobratum fuit. Quoniam enim Ordo Sti Michaelis nullos fructus vel reditus largitur, ait: Regem, quia Ordini plurimus honor adiunctus sit, potuisse parare focios, & confervare, dareque facinoribus maximis praemia, eaque omnia levi impensa. Ordo enim Sti Ludovici statim ab initio magno proventu dotatus fuit, e quo Archicancellario 6000, octo praefectorum cuivis 4000, reliquis fedecim praefectis unicuique 3000, viginti quatuor equitibus prioribus, & quidem singulis 2000, viginti quatuor aliis 1800; adhuc quadraginta equitibus aliis iisdemque fingulis, 1000, triginta duobus equitibus, cuivis nimirum 800 librae folvuntur. Tempore recentiori numerus praefectorum usque ad triginta quatuor, & equitum maioris crucis ad undecim usque crevit; praesenti vero tempore Rex gratiosissimus, ad excitandos milites, post expeditionem bellicam factam anno MDCCXXXV. e qualibet legione par militum, quorum virtus in bello prae aliis valuit, figno Ordinis donavit. Rex Ludovicus XIV. qui ad promovendas artes multum pecuniae infumsit, non tantum celeberrimum Iosephum Pitton de Tournefort, Doctorem Medicae Facultatis Parifinae, titulo Confiliarii regii infignivit, verum & iste Membris Academiae Regiae Scientiarum adscriptus. Professor Botanicae artis in horto regio, nec non Lector atque Professor in Collegio regio fuit. Plura de illius vitae curriculo hie frustra adducuntur, cum Medicis aeque, ac singulis viris doctis, nomen eius non obscurum sit. Quod vero beneficio Ordinis Sti Ludovici a rege mactatus sit, e figura aenea, a quodam E. Desrochers Lutetiae Parisiorum excusa, liquet, Iconophylacio meo medico inferta, in quo TourneFort ami-Etu orientali, seu potius more Turcarum vestitus, magna cum sdred ntum leu taeniam nomulli in formam

p. 540. 657.

993- Pag. 430.

s) Bussier Hiftor. Franc. L. XIII. p. 24.

barba & tunica talari, pontico vellere fubdititio duplicata, fuperindutus, signoque Ordinis pectori impendente, apparet. Subter effigiem eius titulus, & subinde verba sequentia incisa leguntur: Louis XIV. le fit Chevalier de St. Louis, en consideration de ses grands voyages; il revint dans cet babillement, i. e. Ludovicus XIV. bunc ob lata itinerum spatia, quae emensus est, Equitem Sti Ludovici creavit; ex illis redux, boc vestitu indutus iterum apparuit. Ex quo facile colligitur, illum iam ante ultimum versus Orientem susceptum iter, vel illo durante, ad hanc dignitatem pervenisse. Tourne ortius e gente, quod constat, antiqua ac vere nobili ortus fuit; variis fuis periculofis lateque diffusis itineribus, quibus montes Pyraeneos Alpesque transcenderat, porro peregrinationibus, quibus in Hispaniam, Lusitaniam, Britanniam, ac Batavorum rempublicam contenderat, maxime vero itineribus in Graeciam, Asiam ac Africam ab ipso consignatis, magna quaevis expertus fuit, variisque sese periculis obiecit, quorum molestiam multi, per decennale tempus militiae adscripti, ignorant. Interim tacere nequeo, me nihil plane, neque in vita eius, quam celeberrimus Fontenelle tradidit, neque in Annalibus NICERONIS, nec denique in monumentis historiae litterariae a LAMBERTO editis, offendisse, quo constare possit, quod Tournefort Ordinis Sti Ludovici membrum exstiterit. Celeberrimum quidem rerum naturalium scrutatorem ac Physicum, Antonium Ferchaud de REAUMUR, Ordinis Sti Ludovici Praefectum fuisse, constat; verum tamen non ignota res est, quod idem Medicae Facultati non adscriptus fuerit.

phantialis, tune temporis for the trum Equity aque praecip. VX ... ?

Ordines Beatae Mariae virginis a Monte Carmel, atque Ordo Sti Lazari Hierofolymitani, in Gallia, ab anno MDCVIII. coadunati fuere; uterque vero habet Ordinis Magistrum generalem: quippe quod munus illustre coronae sive principatui neutiquam tiquam adhaeret, ad exemplum eiusdem dignitatis munerisque honorifici, quod Rex ipfe, respectu Ordinis Sti Spiritus, Sti Ludovici ac Sti Michaelis, tuetur. Nam reges Galliae magisterium generale ab Equitibus Montis Carmel & Sti Lazari, faepius sibi oblatum, recusarunt. Nostris vero temporibus Rex clementissimus, Ludovicus XV. imperium felicissime tenens, Nepotem suum, Serenissimum Ducem Bituricensem, Magistrum Ordinis supremum designavit. Accensentur illi Ordines militaribus & hospitalibus, praecipue vero Ordo Sti Lazari inter antiquisimos huius generis Ordines terrae sanctae numeratur, qui non tantum arma contra infideles, sed & curam aegrotorum atque leproforum praecipue gessit, de qua re videndus est HELYOTUS t), externum illorum cultum cum signis Ordinum tradens, immo probatur ab illo autore, Ordinis Statutum certum olim fuisse, quo iubente non tantum leprosi in illum Ordinem adoptarentur, fed Ordinis Magistri generalis dignitas in Equitem leprofum caderet. Huius legis ratio haec effe videtur, ut tanto major zelus industriaque, in suscipiendis. alendis atque curandis leprofis, in tali Ordinis Praefecto excitaretur, cum antiquioribus temporibus lepra in terrae fanctae aeque ac Europae partibus, folitus morbus erat, qui fanctos viatores praecipue infestabat, exercitium urgebat, ac in san-Etis migrationibus late saeviebat. Ex his Statutis seculi genius, desiderium slagrans, providaque cura illorum elucet, qui primi huius Ordinis conditores & Evergetae exstiterunt, dum cupiebant, ut cura aegrotorum, & praecipue illorum, quos Elephantiafis, tunc temporis folito frequentior, occuparet, Fratrum Equitumque praecipua cura esfet, cavebantque, ne larga Xenodochiorum munera, & proventus inde redundantes, alium in finem atque utilitatem dispenderentur. Verum, pia licet haec & cauta instituti ratio priorum Equitum suerit, quin illa

t) HELYOT Tom, I, Cap, XXXII, LIV. ASHMOLE l. cit, in Praefat,

postea negligeretur, averti tamen haud potuit. Mos iste eligendi Ordinis Magistros generales leprosos, solummodo ad annum usque MCCLIII. fervatus fuit. Quoniam enim Equites, hoc temporis articulo, Syriacam terram mittere cogebantur, & leproforum tota, quantacunque in Xenodochiis tenebatur turba, ab infidelibus necata fuiffet, Papa Innocentius II. Ordinem ab hoc onere liberabat. Possidebat Ordo in Gallia insignema Xenodochiorum & Nosocomiorum numerum, quibus piis corporibus fingulis, pia quoque & larga stipendia pro dote adhaerebant; mutabantur vero postmodo, Pontificum & Regum confensu, maximam partem in Prioratus sive in Praeturas atque Praefecturas sive Commendas, opimis reditibus ornatas. Quo tempore Papa Innocentius VIII. anno circiter MCCCCXC. plurimam partem bonorum equestrium Ordinis Sti Lazari Ordinisque Melitenfis in plerisque terris coniurgebat, Reges Galliae patrocinium huius Ordinis, pro tuendis iuribus, confervandisque fructibus e dote corporis nascentibus, in se susceperunt, eique Ordini fuum constituebant Magistrum generalem, & licet inde a Seculo XV. Leprae morbus fere nullus fentiretur, quippe cuius loco lues venerea ingruebat, pio tamen Regum Galliae instituto mandatum fuit, ut, si forte leprosihomines exsisterent, fumtibus Ordinis illi in Xenodochiis alereatur. Posteaquam hi ambo Ordines, Beatae Mariae Virginis de Monte Carmel, atque Ordo Sti Lazari, anno MDCVIII. in unum Ordinem redigebantur, simul statutum suit, ut Equites feculares horum Ordinum connublo fe alligare possent, recipiendique non nisi trium generationum paternarum ac maternarum, vel, quod aliis placet, quatuor ab utroque latere nobilitatis testimonia edere deberent. Possunt & Equites sic dicti gratiae, indultu Ordinis magistri generalis, adscisci, quibus nobilitatem generis sui probare non est necesse; aegre tamen huic modo Equites nominandi, recentioribus temporibus indulgetur. Adscribuntur quoque huic Ordini Capellani, sive

Personae ecclesiasticae, ac Fratres cultui religioso operam navantes. In Gallia pro tempore Equites feculares crucem auream octangularem, in uno latere amarantino colore tinctam, gerunt, cuius media in parte effigies Sanctae Virginis encausta cernitur; inverso in latere crux viridi colore adspersa, effigiem Sti Lazari media parte complectitur. Singulis extremitatibus globulus aureus innititur, & anguli loco cuilibet intermedio lilium aureum inseritur. Crux pendet a ligamento amarantini coloris; fratres vero ministerio sacro vacantes, loco crucis, monetam prae se ferunt iisdem coloribus imaginibusque ornatam, quae a catena aurea, fine ligamento demittitur. Equitibus Sti Lazari in Sabaudia, crux viridis pro ornamento est, in quo Ducatu Sti Mauritii ac Sti Lazari Ordo in unum conflatus est; ipse vero Dux Sabaudiae illiusque successores, mandato ac indultu Pontificis Gregorii XIII. Ordinis Magistri generales per Italiam atque Hispaniam audiunt. De primo instituto Ordinis Sti Lazari quaedam S. IV. subieci, certusque redditus fum, quod Dux Aurelianensis regens, liberatis pestis periculo urbibus Massilia, Telone Martio, aliisque locis Galliae australis, ubi quondam pestis saeviverat, nonnullos Medicorum Ordinis signo, tanquam munere benefico, donari iusserit; sed fatear necesse est, nomina talium, qui hoc ornamento inter Medicos enituerunt, ad hoc usque tempus me plane fugere. Quod enim ad celebrem illum in orbo erudito virum, multaque fama haud obscurum, Carolum Mariam de la CONDAMINE, attinet, qui se Equitem Ordinis militaris Sti Lazari profitetur. & regiae Societatis Parifinae, cui iam anno MDCCXXX, cum annuo stipendio, in usum Chymiae adscriptus fuit, simul quoque Academiarum Londinensis, Berolinensis, Petropolitanae, Bononiensis, Cortoneae, ac Nanceiensis membrum est, summis quidem in arte salutari meritis fulget, dum praecipue variolarum insitionem variis Commentationibus aliisque scriptis defensum & propagatum ivit; adeo ut ordini Medicorum nomen men eius admodum honorificum videretur; sed an Medici Doctoris gradum sive titulum assumserit, minime contendere possum.

§. XVI.

Morbus contagiofus §. XIII. allegatus, qui anno MDCCXX. & MDCCXXI. Galliam dire terrebat, ansam praebuit instituendi novi Ordinis, vel potius distribuendi muneris in signum honoris, quod ad modum crucis equestris gerebatur. Hic Orde Sti Rochi dicitur, quo Dux Aurelianensis illos donavit, qui pestis tempore, ingenua fidaque sua opera, singulari meritorum laude inclaruerunt. Praecipue Chirurgis tribuebatur, qui in urbibus a malo pestifero venenatis, sese includi passi erant, ac aegrotorum curam cum vitae fuae praecipuo discrimine, fusceperant. Sanctus Rochus, gallicae originis, Dynasta quondam in Montepesfulano, aliisque in locis, tanquam Sanctus tutelaris contra pestem colitur, dum istud malum non ipse solummodo in Italia est perpessus, verum quoque purpuratorum numerum haud exiguum, aliosque ab eodem malo vexatos, signo crucis liberavit. Diem obiit supremum anno MCCCXXVII. carceri inclusus, in urbe quadam a Montepesfulano haud procul dislita, quae dominio ipsius quondam subiecta, donationis vero titulo in aliquem e cognatis suis delata fuerat. Mira sua virtute post mortem, praecipue anno MCCCCXIV. Constantiae inclaruit. Cum enim Concilium in illo loco haberetur, ac pestis sese infinuaret, dire admodum saeviens, nullum supererat auxilium, nisi quod Sancti huius invocatione impetrabatur, dum in illius honorem solennis pompa fieret. Quod Venetiis anno MDLXXVI. una cum Virgine Deipara, Aloysio Mocenigo, Principe Veneto regnante, precibus fuis interpositis, aequo modo malum pestiferum prosligaverit, ex inscriptione u) patet in Scuola di S. Rocco in Sestiero di S. Paolo ador-

u) KRYSSLERS Neuesto Reisen, T. II. p. 815. 817. 818,

nata. Haec Schola Sti Rochi cum Schola Sti Marci eodem in loco, una e praecipuis est, quae egregiis ac splendidis picturis a Tintoretto, Antonio Zanchi, Pietro Negri, aliisque artistis praeclaris, effictis, nitent. Scholae istae funt aediculae, ac aedificiorum genera, certis fratrum congregationibus atque focietatibus opificum dicatae, facro illorum cultui, coetibusque, negotiorum aliorum causa illuc convocandis, destinatae. Pestis illo tempore furens, CCCC. circiter e fratrum Societate Sti Rochi perdidit, cuius rei veritatem inscriptio adducta testatur. Prope scholam aedes exstructa, huic Sancto consecrata, cernitur, non tantum splendidis iconibus, sed & operibus caelatis marmoreis fulgens. Sanctum Rochum hoc in templo fepultum iacere, traditur. Memoria Sancti Rochi, die XVI. mentis Augusti, solenni instituto, ab ecclesia celebratur. Uti Archangelus Michael totius regni Galliae patronus audit, sic San-Etus Rochus regiam Domum & Galliae reginam tuetur, & fuperba ecclesia parochialis Lutetiae Parisiorum nomen eius gerit. Licet illius offa Venetiis ferventur, pars tamen aliqua corporis ipsius in Gallia forte remansit. Litterae enim publicae indicabant, quod mense Februario huius anni, reliquiae quaedam huius Sancti, desiderante id regina, ab Archiepiscopo Arelatensi, Lutetiam missae sint, celebrique cum pompa, e sacra sede parochiali Beatae Mariae Virginis in Sacellum (du grand Commun) magni Conventus, delatae, folennique munere cum cantico in laudem Dei celebrato, introductae fuerint. Expositis deinde in cultum omnium fidelium reliquiis, postero die Reginam, & Iuventutis regiae Principem cum coniuge fua, rei divinae religiosoque cultui interfuisse referunt, multo ritu solenni a personis ecclesiasticis & Regis Eleemosynario, in excipiendis illis antea observato. Vnde patet, quanto in pretio Sanctus iste adhuc illo in loco habeatur, & cur nomine Sti Rochi Ordo infignitus fuerit. Crux ordinis a coccineo ligamento demittitur, inscriptaeque eidem uno in latere leguntur lit-

terae: Ludovicus XV. instituit; in altero vero verba: Propter fugatam pestem Massiliensem; qui vero crucem gerebant, Equites Sti Rochi dicebantur. Facile coniicitur, crucem rubram encaustam fuisse, quoniam e vitis Sanctorum constat, quod San&tus Rochus cruce rubra notatus in lucem editus sit, debitoque naturae foluto, Sanctus ille eodem signo dignosci potuerit. Haec funt, quae de Ordine adducto, eiusque cruce cognoscere mihi licuit. Quantus vero Equitum numerus tunc temporis signo crucis honoratus fuerit, aeque me latet, ac illa veritas, num tempore quoque sequenti signorum Ordinis distributio nonnulla facta sit. Historiam huius Ordinis, e vita celebris ocularii, Iacobi DAVIEL x) depromptam teneo, qui una cum aliis Chirurgiae practicis, annuum honorarium, veniamque gestandae crucis Ordinis, impetravit; quippe qui unus e praecipuis inter Chirurgos suit, quorum sida opera, Massiliae pestifero morbo laborantibus, Chiconovio, ante di-Eto Antonio DEIDIERO, ac Medico VERGUE totum opus dirigentibus, utilis fuit. De Iacobo DAVIEL, Membro Academiae chirurgicae Parisiensis, Societatis Londinensis, Holmiensis atque Divionensis, annoque MDCCLXII. die XXX. Sept. demortuo, constat, quod nova quadam methodo, cataractam per extractionem tollendi, innotuerit; cuius memoria, gratitudinis monumento quodam a claro pictore Divionensi, de Voge, cui medelam in hoc malo felicissimo eventu tulerat, praestito, posteris servata fuit y). Exstat illud in diagraphica & ingeniosa delineatione operis allegorici, quae ob gratitudinis notam, animique candorem ingenuum, auctoris in honorem utique cedit.

h 3 §. XVII

x) Eloge, ou Abregé historique de la vie de Mr. Daviel, par Mr. Apples, in Actis Helveticis Vol. V. p. 174.

y) Bibliotheck der sehonen Wissenschaften VI, Band, p. 380.381.

S. XVII.

Ordo Periscelidis e numero Ordinum rariorum antiquiorumque adducitur, cuius splendor ab ortus sui principio ad hoc usque tempus viguit. Quantum enim mihi ex historiarum monumentis innotuit, nullus unquam fuit Ordo, cuius Equitum numerus semel sancitus, ac dignitas, tanta cum religione servata fuerit, quanta huic Ordini fervando contigit, cuius honoris signo, omni tempore, magni solummodo Reges ac Principes extranei, civium vero e gente, primae nobilitatis equites, potiti funt, tenore Statutorum, ipsisque ibidem adductis verbis sic sonantibus: Nemo deligetur in Ordinem, nisi qui nomine, armis & sanguine generosus, & Eques irreprebensus existat. Generosus autem armis & sanguine is intelligitur, qui, praeter patrem ac matrem, avos & proavos quoque sanguinis generosi habuerit. Cuius Legis tenori nullo quoque non tempore strictum obsequium praestitum suit. In Anglia enim peculiare Collegium feciale seu heraldicum institutum esse novimus, a quo nomina familiarum, ordine genealogico disposita, notantur. Fabulosae de Ordinis Periscelidis principio narrationes, a diversis Scriptoribus proditae, haud quidem ignorantur; verum & istas non parvum Anglicorum Scriptorum numerum refellisse, constat. E victae tamen veritatis assertum omni tempore manebit, Ord'nem hunc a magno illo Rege Eduardo III. qui Galliam Scotiamque suae potestati subiecit, ac Iohannem Galliae, & Davidem Scotiae regem, captivos in Angliam duxit, anno MCCCL. institutum suisse. Numerus equitum a Rege definitus, ad viginti sex equites usque creandos, extensus fuit, ipso Rege, tanquam Ordinis Magistro generali, simul computato. Confueto Ordinis signo, fascia nimirum crurali coerulea, sinistro pedi quotidie adstringenda, Equites ex praecepto legis utuntur, cui, festivo solennique tempore, symbolum aureis litteris, acu picto opere, gemmisque pretiofis exornatum, his verbis

bis additur: Honny soit, qui mal y pense. Subligaculum istud fibula aurea clauditur. Praeterea ligamentum latum coeruleum. laevae humerorum parti superinductum, in equite nitet, cuius ab infima parte fignum Ordinis Sti Georgii pendet, effigiem eius illum in modum sistens, quali vermem nociferum (Draconem puto) trucidasse, fingitur. Imago Sancti Georgii encausto opere elaborata, auro ac gemmis distincta cernitur. In finistra pectoris parte stella argentea, acu texta, fulget, in medio habens crucem, periscelide tanquam circulo circumdatam, praedictoque fymbolo inscripto ornatam. Quandocunque Ordinis folennia, vel dies festivi maiores celebrantur, laxiori veste superinduti, & alte demissa toga incedunt equites, mitram in capite eminentiorem fericam, ac atro colore notatam, gerentes; fignum Ordinis pendet a catena equestri ex rosis rubei & albi coloris, encausto opere pictis, contexta, quae laminis aureis, in subligarium formam fictis, coniunctae sunt. In figno Ordinis circumfcriptum ante enarratum fymbolum legitur. Ex iis, quae ab ASHMOLE, Vito MIEGE, aliisque notata funt, patet, quod a tempore instituti Ordinis octo Imperatores, Regum numerus ultra trigesimum, multi Electorum ac Principum extraneorum, membris huius Ordinis accensi fuerint.

His de summa Ordinis dignitate praemiss, mirum quemcunque facile tenebit, quae causa ansam dederit commemorationi Ordinis hic adducti, siquidem in re litteraria Anglorum
non rite versatis, res videbitur omni side indigna, quod Viri
originis adeo splendidae dignitatisque eminentioris, in numero
Medicorum esse queant. Verum in Anglia longe diversa litterarum ac artium ratio obtinet. Multi enim interviros illustres
vero sibi ornamento non tantum esse putant, quando ipsi bonas artes callent, easdem promovere, ac viros vere eruditos
pretio suo aestimare norunt, suoque savore dignantur; sed &
honori sibi ducunt, academicis honorum titulis insigniri, quos,

qui in Anglia in litteras vere incumbunt, non aeque facile, ac in Germania aliisque in terris fieri folet, confequentur. Hinc res adeo miranda non est, quod in regionibus istis, ubi artes ac bonae litterae tanto in pretio funt, magna ingenia nafcantur. Mentis etenim generosa indole praeditos, ac vere do-Aos homines, ambitio quaedam honésta quasi excitat incenditque, ut magis elucere cupiant; hinc & in navanda fcientiis opera earumque usu, quam late fieri potest, omni tempore progrediuntur, dummodo meritorum fuorum, operaeque digna mercede ac praemiis vel honoris, vel fortunarum se ornari fentiant. Ex adverso viri eruditi, ingeniorum felicitate praediti, fortis fuae contemtu, nulloque inter doctos ac indo-Aos discrimine notato, quando vel cum indignioribus atque indoctioribus, eruditionis famam male captantibus, non tantum aequo, fed quodammodo leviori pretio aestimantur, concidunt; solertiae & ingenii virtutes, ac naturae dona, ipsistributa, morte quasi deleta censentur; dum irritam se impendisfe operam vident, artium & scientiarum studium aegre prosequuntur, non nisi ingratam ac ignominiosam laboris sui mercedem exspectantes. Haud exiguum famae incrementum Collegio Medicorum Londinensium exinde nascitur, quando in Indice Sociorum anno MDCCXLVI. impresso, nomina Ducum de Richmond & de Montague reperiuntur, qui, falutari arte, multisque aliis scientiis probe imbuti, honores doctorales adepti funt, & more aliorum Medicorum huic Collegio nomina fua dederunt. Verum ob dignitatis fuae illustris splendorem, Praesidem tunc temporis inclytum Doctorem, Henricum Plumptre, ordine statim secuti funt. Cum istud par Ducum magnam Collegio Medicorum famae celebritatem addiderit, infignemque fuum favorem non minus quam cultum, quo medicam Facultatem prosequeretur, ostenderit, censura quadam me dignum fore arbitror, si illos huic Commentationi inserere dubitassen magis, quam isto conatu promerui, quo eorum nomina hic addu-

adducere placuit. Carolus Lenox Dux de Richmond & Lenox, Comes Marchiae & Darnlejae, Baro de Settrington & Metthuen, qui illaesam omni tempore fidem Regibus e stirpe Hannoverana oriundis fervavit, e fanguine regio Stuartorum, quod constat, prodiit. Pater illius, eiusdem nominis, Regis cubicularius, & Eques Ordinis Periscelidis fuit, diemque obiit supremum anno MDCCXXIII. Idem filius erat Regis Angliae, Caroli II. Serenissimaeque Ducis de Portsmouth, quae, cum hoc titulo nondum potita effet, Virginis illustris de Querouailles efferebatur nomine. Superstitem hunc filium suum, tunc temporis Marchiae Comitem dictum, sed, post mortem patris Ducis, tituli paterni bonorumque opimos reditus largientium haeredem reliquit. Quibus fortunis praedictae aviae fuae haereditas, Ducatus Albiniacensis in Gallia, accrevit, ex quo per annum 80000. libras gallicas accipiebat, una cum 30000. aureis, numeratae pecuniae fumma. Denique & post obitum Soceri fui, Comitis Vilelmi Cadogani, Baronis ab Oackley, legatum 80000. librarum monetae Anglicae, huic opum farragini additum fuit. Virtute dignitatis ducalis, Duci nostro Richmondo, votum cum fede in superiori regni Magnae Britanniae Curia competebat. Insuper quoque membrum fuit in Senatu san-Etiorum Confiliorum, Summus Stabuli regni Magister, Locum tenens generalis Satellitum Regis, corporisque custodum equestrium Praefectus, Archiseneschallus in civitate Cicestria, atque Ordinum Periscelidis & de Balneo Eques; priori Ordine anno MDCCXXVI. d. VI. Iunii infignitus, & anno MDCCXX-VIII. d. XVII. Iulii solenni more donatus suit. Absente quondam Rege Georgio II. titulo Procerum imperii regentium gaudens, partim ubi exercitum in Germaniam Rex duceret, partim illo tempore, quo Rex, provincias suas germanicas visendi causa, in itinere constitutus esset, sex diversis temporum intervallis, imperio regni una functus fuit; titulum vero Do-Storis Medicinae in Academia Cantabrigiensi acquisivit eodem temtempore, quo Dux de Newcastle Cancellarii munere ac dignitate, eodem in loco more solenni ornabatur, multique adhuc Viri illustres gradum Doctorum Iuris consequebantur. An sorte arctum istud vinculum cognationis, quo Dux Richmondus magno illi ac celebri Baronetto Ioanni Sloane, Regis Archiatro, iunctus (de quo posthaec plura nobis dicenda erunt) causa suerit amoris atque cultus sui, medicae Facultati exhibiti, argumentum a suspicione non plane alienum esse videtur, quoniam Carolus Cadogan, Baro de Reading, frater atque unicus haeres masculus Comitis Vilelmi Cadogan, Baronis ab Oackly, Soceri Ducis, Ioannis Sloane siliam matrimonio sibi iunxerat, & silio ex hoc thoro nato nomen Caroli Sloane Cadogan, in honorem & memoriam Soceri, dederat. Huius sacti veritas asser-

tum nostrum admodum probabile reddit.

Dux Iobamnes de Montague, Marchio de Monthermer, Comes de Montague, Vice- Comes de Monthermer, Baro Montague de Brugton, Par Magnae Britanniae, fanctioris Consilii Membrum, Rei tormentariae ut & Vestiarii Regis Praesectus generalis, Primae turmae Satellitum regiorum Praefectus, Ordinis Periscelidis Eques, Magister generalis Ordinis de Balneo. & Membrum Societatis regiae Scientiarum, anno MDCXC. natus fuit. Erat iste filins unicus Ducis Rudolphi de Montague, qui in Senatu fanctioris Confilii Membrum, & praeter dignitates fupra recensitas, Duci nostro anno mortis suae MDCC-XLIX. adhuc adhaerentes, vario munere illustri functus fuit. Itidem iste quinquies iterata vice, Rege absente, Procerum regni imperantium numero interfuit. Persuasum mihi fuit, illum in Academia Oxoniensi Doctoris Medicinae titulum adeptum fuisse; ast annum, quo hoc contigit, comperire non potui. Quod Sociis Collegii medici Londinensis nomen dederit, antea commemoravimus. Hic ultimus fuae stirpis furculus exstitit masculini sexus, & cum fato fungeretur, quinquies centies mille librarum anglicanarum pretio valuit massa bonorum iplius

ipsius immobilium; ad numeratam vero quod attinet pecuniam, gemmas & ornatum, ducentarum & quinquaginta millium librarum Anglicanarum pretium huic statuitur. Ex dictis igitur patet, animos generosos, nec genere, nec ordine, nec opibus, ab artium & scientiarum cultu & admiratione abalienari posse.

§. XVIII.

Quodsi forte aliquis contendat, Equites Ordinis Periscelidis, §. praecedenti adductos, medicae Facultati nullam honoris famam parere posse, quia non artis exercitio inclaruissent; de Ministris tamen quibusdam Ordinis, tanquam veris Medicis, honoris nascentis argumentum ab Ordine Medicorum peti posfe, nemo negabit; quorum mentionem hoc loco iniicere, themati Dissertationis praesentis congruum institutum esse duxi. Praecipuis enim Ordinis ministris, tenore Statutorum, peculiare fignum externum Ordinis ac honoris decernitur; feculares vero Ordinis ministri nulli designantur, nisi equestri ex Ordine, vel verae nobilitatis genere nati. Ordinis Praesul, Cancellarius, Secretarius sive Registrator, Ordinis Praeco, qui Rex principalis armorum Angliae vocatur, proprio nomine Garter dictus, & Ianitor, sub Ordinis ministrorum praecipuorum nomine & titulo fulgent. Episcopus Wintoniensis omni tempore Ordinis Praesul est. Cancellarius Ordinis, statuente Eduardo III. Britannorum Rege, Episcopus Salisburiae nominatus fuit, cui perpetuum istud munus esse debebat. Verum a principio Ordinis instituti, solummodo sex Episcopis, serie haud interrupta sibi succedentibus, haec dignitas tributa fuit, quo temporis intervallo praeterlapfo, diversae aliae personae seculares, nulla amplius Episcoporum Salisburiensium habita ratione, honore isto ac dignitate mactabantur, ad imperium usque Regis Caroli II. qui dignitatem illam denuo in Episcopos Salisburiae contulit. Registrator sive Secretarius Ordinis, simul quoque Cano-1 2 DICUS,

nicus, vel Decanus Vindesoriensis audit; Praeconem sive Garterum Rex defignat, qui fingulari quodam ritu folenni huic muneri praeficitur 2). Nobilitate minori hic pari modo, ac Ianitor, conspicuus esse debet, utpote qui simul summae Curiae Ianitor est, & atrae virgae insignia gerit, praesentique tempore aeque ac praeco, utplurimum equestri dignitate, cum singulari honoris titulo, Sir, pollet. Quod ad externa honorum signa ministrorum Ordinis attinet, quibus illo tempore nitent, quando dies festi sive Solennia Ordinis celebrantur, Praeses Ordinis atque Cancellarius, coeruleo pallio ex ferico attalico, cum bombycino albo duplicato, induuntur, cuius dextrum in pettore latus crucem Ordinis, fascia crurali cinctam, ostendit. Cancellarius Ordinis insuper adhuc monetam auream, fascia crurali cinctam, a collo pendentem gerit, cuius in parte media rofa Secretarius, Praeco & Ianitor, unusquisque horum, eiusdem generis pallio tegitur, ac Praeses & Cancellarius, illo nimirum cum discrimine, quod in latere laevo pectoris scutum Ordinis absque Periscelide habeatur. Praeconis in pectore moneta aurea, fascia crurali involuta, collo pendens fulget, cuius monetae scutum divisum Insignia Ordinis & Regni Britannici impressa gerit, quae aurea corona regia in superiori parte teguntur. Festis diebus Ordinis, & quando Solennia fiunt, argenteum auroque obductum baculum manu tenet, cuius in extremitate superiori & inferiori, Ordinis ac regni insignia nitent.

Medicis illis, qui Praesulum Ordinis munere functi sunt, praecipue Iohannes WATSON, felicissimus Medicinae Practicus, annumeratur, qui per XX. annos studio medico vacans, anno MDLXXV. mense Iulii gradum Doctoris in Academia Oxoniensi acquisivit a), cum iam antea anno MDXLII. artium Magister

a) Vid, Ioecheri Lexicon eruditorum. MATTHIAE Conspectus Hiftoriae

²⁾ Miege Geist-und weltlicher Staat von Groß-Britannien und Irrland, p. 264. Leipzig 1718. 4to.

creatus effet. Sacris dein Ordinibus initiatus, varia quoque beneficia, quae iisdem adhaerebant, obtinuit; donec Elifabetha Regina b) illi curam ecclesiae Wintoniensis cum dignitate episcopali demandaret, ad quod munus obeundum mense Septembri MDLXXX. confecrationis ritu folenni inductus fuit. E marmore sepulcrali constat, illum iam antea Praebendae alumnum, deinde vero & Decanum huius eccleriae fuisse. Eodem in marmore pater prudentissimus, vir optimus, praecipue ergainopes mifericors, vocatur. Obiit MDLXXXIII. anno aetatis LXIII. & episcopatus quarto. Praesulum Ordinis in numero vigefimus quartus, Epifcoporum Wintonienfium vero fexagefimus tertius fuit. Quodsi Episcopi Salisburienses, tenore Statutorum Regis Eduardi III. Cancellariatus dignitate perpetua investiti, tales mansissent, Iohannes Coldwel horum quoque numero adscribendus foret. Educatus erat in Collegio S. Iohannis Cantabrigienti; eadem Academia gradum Doctoris illi tribuit; tempore vero Elifabethae Reginae e Roffensi vel Rochestriensi Decano, anno MDXCI. Episcopus Salisburiensis fa-Etus est. Godwinus c) asserit, primum hunc fuisse omnium Episcoporum Salisburiensium, qui uxorem duxit. In catalogo Secretariorum sive Registratorum huius Ordinis, Coldwellus quidam, Canonicus Vindesoriensis mihi occurrit; verum, dum anni ibi nulla exstat memoria, & de praedicto Iohanne COLDWELL mihi non innotuit, quod olim Canonicus Vindesoriensis fuerit; exploratae veritatis tanquam assertum defende-

floriae Medicorum chronologicus p. 375. Tradita ab utroque, fine dubio ex A. Wood Athenis Oxoniensibus petita sunt; hactenus in mea vero potestate non suit, Scriptum tale, nostris in oris admodum rarum, omni licet adhibita opera, investigandi.

b) Godwyni de Praesulibus Angliae Commentarius. Londini 1616. 4to p. 301.

^{6) 1.}c. p. 411. Treeq and galled , HIV , and I and a covalled as (

re nequeo, quod & ille huc referendus sit. Eliam ASHMOLE d), autorem historiae Ordinis Periscelidis non ignotae, ob eruditionem in arte chymica acquisitam, Doctorem Medicinae Oxoniensem creatum fuisse, ex illius vitae descriptione patet. Cum ante allegatam historiam Ordinis scripsit, titulo Præconis insignitus: a nonnullis Scriptoribus, alias fide dignis e), Praeconis nomine Periscelidum Ordinis asseritur. Verum, quamvis haec dignitas illi tanquam peritissimo repetita vice oblata fuerit, tamen illam recufavit, & quidem primo loco eandem focero fuo, Sir Wilhelm Dugdale, reliquit, secunda vero vice affinem fuum commendatitiis litteris eodem honoris titulo donari, rogavit. Liber eius ante recensitus magnam illi famam peperit, & Rex Daniae, Christianus, ut & Magnus Elector Brandenburgicus, Fridericus Wilhelmus, in signum favoris sui aureas ipsi catenas dono dederunt, cum nummis memorialibus aureis, huic ornamento appensis; quale genus ornamenti. tunc temporis signum honoris & gratiae prorsus singularis magnorum Principum censebatur in iis, qui illo notati incedebant. Rex quoque Carolus II. libertatem illi dedit, certis diebus festis eodem ornamento palam utendi. Fuit vero ASHMOLE, proprio si illum titulo efferre velim, Praeco Vindesoriensis; & quisquis de hoc munere, ut & in genere de dignitate Collegii Heraldici in Anglia, cognitionem aliquam haurire cupit, is in scripto allegato Viti Miegii f) quod quaerit, inveniet; in quo & de eminentiori dignitate ac praerogativis, ipsisque rituum folennibus, quae Heraldorum Perifcelidis creationem comitantur, varia traduntur. Verum, licet Ashmole huc non referendus sit, in libro tamen ante adducto eruditi Doctoris MATTHIAE, Henricus St. Georgius, Eques, Principalis Rex armorum, vel Heraldus Ordinis Periscelidis, mihi notatus oc-

d) Brittische Biographie IV. Theil. p.735. seqq.

e) e.g. Helyot l.c. Tom. VIII. Edit. germ. p. 357.

f) 1. c. p. 263.

currit, qui Oxoniae anno MDCXLIII. Medicinae Doctorcreatus est. Brevis haec relatio ex Athenis Oxoniensibus, ut opinor, deprompta est, neque plura de Henrici St. Georgii scientia medica asserere valeo.

S. XIX.

Post equites Periscelidis, in Magna Britannia, Baronetti ex illo Equitum numero funt, qui ordine secundi a prioribus habentur, adeo ut Equites ex illo nascentes, vi instituti, Equites de Balneo & reliquos Equites auratos & armigeros dignitate antecedant, Barones vero regni proxime fequantur. Priusquam vero de dignitate Baronettorum plura proferam, rationem reddendam esse arbitror, quae me moverit, ut Equites Baronettos hoc loco inter Ordines equestres Angliae, qui externo honoris & dignitatis signo fulgent, recenseam. Difficile enim mihi visum est, debitum illis locum adsignare. Licet enim Equites Baronetti, Ordinis Magistro generali, Statutis ac Ordinis capitulo, & externo honoris signo, careant, equitibus tamen auratis Angliae iusto titulo immisceri nequeunt, quoniam honor iste Baronettis non tantum Diplomate datur, sed & ipsa dignitas, in eosdem collata, haereditatis iure etiam filiis primogenitis, in linea recta mascula descendente, tribuitur. Praeterea Baronettorum dignitas, inter Nobilitatem maiorem minoremque Angliae media quali effe cenfetur, ut ex fequentibus patebit. Cum itaque, ex prima instituti lege, Equitibus de Balneo priores esse debent, & Baronetti Scotiae, qui eadem dignitate cum Baronettis Angliae gaudent, ut infra monstrabimus, inter Equites cruciferos referendi funt; igitur hunc Ordinem huic loco, post Equites Periscelidis inserui. Ea autem Baronettorum conditio, quae eos supra nobilitatem minorem evehit, me cogit, ut de nobilitatis Angliae gradibus & differentiis, non adeo ubivis cognitis, quaedam praemittere debeam.

Nobiles in magna Britannia g) in Nobiles maiores vel nominatos, immediate per Diplomata regia, aut ad Comitia summonitorios, & in minores vel innominatos, mediate e facultate regia transmissoria, idque vel Diplomatibus, vel nudis ceremoniis, distinguuntur. Nobiles maiores, Proceres, vel Pares regni funt. Eorum dignitas est perpetua, & in titulis & feudis haereditaria. Titulo, splendore & dignitate, quidem nobiles maiores inter se different; nam Ducum, Marchionum, Comitum, Burggraviorum five Vicecomitum, & Baronum nomine distinguuntur; sed in summis regni Comitiis, quae Parlamentum vocant, sedem nomine tantummodo Baroniarum tenent, adeo ut vel maximus Dux in Parlamento fedens, quamvis pro gradus eminentia collocetur, Baroniae folum ratione locum obtineat, neque ulla alia ratione, Archiepiscopis & Episcopis Magnae Britanniae ibidem sedere concedatur, nisi quod Episcopatibus Baronatus & Baroniae alicuius coniunctam posfessionem & dignitatem habeant. Quilibet Dux simul titulum Marchionatus, Comitatus, Vicecomitatus, & Baroniae gerit; Marchio vero titulum Comitatus, Vicecomitatus & Baroniae; Comites fimul Vicecomitatus & Baroniae. Baro titulo Lord salutatur, qui etiam indistincte cuivis Pari regni convenit. Dignitas Paris regni, vel nobilis maioris, post mortem patris in filium natu maximum transfertur, sive delabitur. vero adhuc patre, filii natu maximi Ducum, fecundum consuetudinem, titulo, vel Marchionis, vel Comitis, ex patris titulo defumto, infigniuntur; & Marchionum vel Comitum filii natu maximi, eodem modo vel Vicecomites, vel Barones vocan-

g) Roberti Gloveri, Fecialis olim celeberrimi, & in Collegio Heraldico Angliae, nomine Sommerset dicti, Opus rarum a Th. Milles absque utriusque nomine editum, sub titulo: Nobilitas politica vel civilis &c. Quo tandem & apud Anglos qui sint nobilium gradus, & quæ ad nobilitatis fastigia evehendi ratio, ostenditur, Londini 1608, fol. p. 42. seqq. p. 51. seqq. p. 158.

cantur, & Domini five Lords falutantur, sed tantum ex indulgentia confuetudinis, & fanguinis gratia, cum secundum leges neque inter Comites, neque inter Barones vel Pares regni referri possunt, sed armigeri tantum sunt habendi, neque ullum in comitiis regni suffragium vendicare sibi possunt, quamdiu parentes vivunt, nifi Rex filium Paris cuiusdam, natu maximum, vel haeredem, tam fapientia & confilio, quam aetate provectum viderit, quemque maximis Parlamenti Comitiis adesse dignum perspexerit, & ad id honoris fastigium adsciscit. Regis enim gratia & praerogativa adeo indeterminata est, ut, quos velit, ad honores provehere & in Parlamentum admittere poslit. Tituli & iura Procerum, in defectu stirpis descendentis, fratribus minoribus proxime succedentibus, haereditatis iure conferuntur, & notum est, quod deficientibus masculis, ad sequiorem sexum haereditate devolvantur, nisi in primis Diplomatibus verbis disertis aliter cautum fuerit. Filii quoque secundogeniti Ducum Marchionumque vocantur, ex gentis quadam humanitate & mansuetudine, Lords, uerbis istis: My Lord, sed praefixis ad nomina eorum in baptismate data, vel etiam ad cognomina familiae propria, ex respectu parentum eorum, qui in tam eminenti dignitate constituti sunt: sed Barones b) regni non funt, neque Pares, neque Proceres, quoniam ex hac fola ratione nullum habent ius loci & voti in suprema Curia. natu minores Comitum, Vicecomitum & Baronum, inter nobiles quidem referuntur, sed titulum Lord non gerunt, tamen fecundogeniti Ducum, Vicecomites, & fecundogeniti Marchionum, Barones praecedunt. Barones vero ex ordine nobilitatis hucusque stabilito, docente GLOVERIO, statim Vicecomitum primogeniti, & Comitum secundogeniti sequuntur, tunc Baro-

b) Seldenus de Titulis honorum. Francof. 1696. 4t. Tom. II. exceptistis, quibus hou ex odicio & munere bellico, ut Cone-

Baronum primogeniti, Milites Banneretti regii, Vicecomitum fecundogeniti & Baronum fecundogeniti locum obtinent. Nobiles vero inferiores five innominati, funt Equites aurati, armigeri, five Esquire dicti, & generosi alii qui Gentlemans vocantur.

Equites Periscelidis, praesenti tempore, semper maiori ex

ordine nobilium feligi, ex Catalogis eorum patet.

Haecce omnia praemittere placuit, ut eo melius, quae sit Baronettorum dignitas, dilucide explicari posit. Tenore enim instituti, Baronetti quaedam cum nobilium ordine maiori, & quaedam cum Ordinibus equestribus, communia habent. Nam, fecundum Diplomatis verba, proxime dignitate Barones fequuntur, ac haereditate filiis fuis titulum & honores Baronetti relinguunt, sed pari modo, ac Equites, hac dignitate nullum in domo suprema, Curiae regni, locum occupant, & inter Pares regni, sive nobiles maiores, minime referuntur; nec decedente Baronetto fine prole mascula, dignitas fratribus eius accrescit, sed exstinguitur. Omnibus aliis equitibus, exceptis iis, qui Ordine Periscelidis ornati sunt, Baronettos praecedere, in initio & iamiam monuimus; etiam prae omnibus militibus, sive equitibus Bannerettis, locum occupant, iis Bannerettis folum exceptis, qui Rege in exercitu praesente, & sub regiis vexillis, in aperto vel manifesto bello, a Rege ipso equites Banneretti creantur. Banneretti vero, sive Equites vexilliferi, quorum dignitas inftar equitum auratorum non haereditaria eft, a quibusdam saepe cum Baronettis confunduntur. Illi ob res bene in bello gestas, copiis praesentibus, sub vexillo equeftri creantur. Concessum illis est, militaris virtutis ergo, quadrato vexillo, perinde ac Baronibus, uti, unde Banneretti etiam Equites vexillarii, sive vexilliferi dicuntur. Nemini enim alias, in Magnae Britanniae regnis, ius portandi infignia fua in vexillo quadrato licitum est, in quacunque sit dignitate constitutus, exceptis iis, quibus hoc ex officio & munere bellico, ut Conestablio,

stablio, Admirali & Marschallo, competit, praeterquam Baronibus, & iis qui Baronibus fuperiores dignitate existunt. Ere-Eta vero Baronettorum dignitate, mox gravissimae lites inter filios Vicecomitum & Baronum minores, & novos Equites Baronettos, ratione loci principis, exortae funt. Ordine enim huc usque confueto, illi statim post Equites Baronettos, a rege ipso in bello, praesente exercitu, creatos, locum primarium obtinebant, quem nunc Baronettis concedere iniquum iudicabant. Conditor itaque, ne florem nobilitatis nova dignitate laederet, alia lege i) eorum iura farta tectaque cavebat. Diplomatibus regiis, quorum formulam Seldenus l. c. huius generis folito fcribendi genere conceptam, tradidit, (ex qua brevibus ea, quae ad praerogativam huius dignitatis attinent, hic referre lubet,) legimus: Equitibus Baronettis Regem concessisse, ut nomini ipsorum & haeredum masculorum suorum, in fermone anglicano, & omnibus fcriptis anglicanis, praeponatur honoris signum anglicum, Sir, & uxoribus eorum honorifica appellatio, Lady. Sanciebat quoque conditor dignitatis, ut Baronetti eorumque nati, aliqua infignium fuorum parte vel fcuto, in campo argenteo, manum fanguineam, five infignia Provinciae Ultoniae regni Hiberniae adiicere possent, & Baronettis proximus locus a vexillo in regis exercitu, cum aliis praerogativis nonnullis, quae ad funera eorum attinent, concedebatur. Rex enim Angliae Iacobus I. qui hanc dignitatem circa annum MDCXI. fuafu celebris illius Equitis, Roberti Cottonis k) instituit, exhausto aerario publico, summa pecuniae inopia laborabat, pro alendo exercitu, quo terram Ultoniae, in Hibernia, suae potestati submittere posset. Imponebat igitur cuique, qui dignitatem Equitis Baronetti cuperet, ut triginta pek 2

i) Seidenus l. c. Tom. II. p. 681. fqq.

k) Brittische Biographie in vita Cottonis. Tom. V. Edit. germ, p. 588. Seldenus l. c. Pars II, Cap. V. p. 582.

dites in Hibernia per tres annos aleret, & ipsis quotidie octo denarios, nummorum Sterlingicorum, monetae anglicanae, daret, integrum vero unius anni stipendium Camerae regiae Receptorum folveret, simulac eius Litterae patentes signatae essent, & tota statim solvenda summa, cum reliquis sumtibus, libras circiter 1200, nummorum Sterlingicorum aequabat. In instructionibus ita dictis Commissariorum legimus, folutionem in publicum opus fuisse motivam causam istius dignitatis, & in Diplomatibus Baronettorum explicatur D, Regem viros, familia, patrimonio, censu, & morum probitate spectatos, elegiffe, qui ipfi auxilium & fubfidium fatis amplum, generofo & liberali animo, dedissent, pro defensione regni Hiberniae, & praecipue pro securitate sic dictae Plantationis Provinciae Ultoniae. Nam in recipiendis requirebatur, ut essent viri egregiae qualitatis, sufficientium opum, & bonae famae, istoque honore digni, progeniti ad minimum ex avo paterno, qui arma gestaffet, & haberet certos proventus annuos mille librarum Sterlingicorum ex agris per haereditatem acquisitis, vel agros antiqui census, qui, rationibus subductis, aequivaleant mille libris nummorum Sterlingicorum, per annum certorum redituum. Rex Iacobus, hac dignitate condita, ftatim aerarium fuum fumma centies mille librarum nummorum Sterlingicorum locupletabat. Promittebat quoque Rex, quod nec ipfe, nec haeredes vel fuccessores sui, creaturi essent aliquem alium gradum, ordinem, nomen, titulum, five dignitatem, qui effet, vel esse posset sub illo gradu, vel infra gradum, dignitatem, sive statum Baronum regni sui, & qui esset, vel esse posset superior gradu ac dignitate, vel aequalis gradui & dignitati Baronettorum. Licet vero promisisset, se numerum ducentorum Baronettorum folummodo completurum, & si ex his aliqui ex vita discederent, absque haeredibus masculis, se non alios creaturum, quo eorum numerus diminueretur & in minorem redige-

D) Seldenus ibid. p. 586.

retur; haec clausula tamen sequenti tempore non observata est, ut ex Catalogo Baronettorum apparet, quem Vitus Miege m) exhibet: numerus enim huc usque creatorum, in Anglia, 900. iam excederet, nisi ultra 300. sine mascula prole, & cum iis dignitas Baronetti exstincta esset. Eodem ex Catalogo Miegis discimus, varios Duces, Marchiones, Comites, Vicecomites & Barones Angliae, nec non multos ex ordine maiori nobilium Scotiae & Hiberniae, dignitatem Baronetti sibi & familiae suae procurasse, luculento testimonio, maiores nobilium, acquisitione huius dignitatis, aliquam praerogativam quaesivisse.

Equites Baronettos in Anglia externo quodam honoris figno fuae dignitatis gaudere, nullibi lego. Equites vero Baronettos Scotiae, quos idem Rex Iacobus fextus Scotiae, & in Anglia primus, eadem conditione instituit, quo reditus, exinde provenientes, in usum Coloniarum novae Scotiae verteret, si narratis fides habenda, referente Miegio n), ligamento serico, coloris araufiaci, in collo cinguntur, cui coerulea crux, quae a Sto Andrea nomen habet, scuto argenteo impressa, adhaeret; huiusque in parte superiore insignia Scotiae, corona imperiali tecta, cernuntur. Integro scuto circumscripta leguntur verba: Fax mentis bonestae gloria. Nomina eorum apud eundem Miegium o) legimus, & numerus ducentos excedit. Baronettos etiam in regno Hiberniae, dudum iam ante institutum Ordinem Regis Iacobi, floruisse apud Spelmannum p) invenimus, qui octo eorum ex antiquis Scriptoribus profert, & qui de illis plura recensens conferri meretur.

k 3 §. XX.

m) Tom. I. Cap. XVI. pag. 513.

n) Tom. II. Cap. XIV. pag. 245.

o) Tom. L pag. 245.

p) Henr. Spelmann in Glossario archaiologico, sub voce: Baronettus. Lond. edit. ann. 1664. pag. 73.

S. XX.

Inter Medicos Baronettorum dignitate illustres, celeberrimus Iohannes SLOANE prae ceteris omnibus inclaruit. Quodis diversos huius honorum titulos ac dignitates, fortunas, relictumque post fata bonorum numerum insignem, commemorare; si pari modo praeclari eius Musei, pretium quinquaginta millium librarum longe excedentis, praesentique tempore maximam inclyti Musei Britannici partem exhibentis, mentionem iniicere animus esset, summa prolixitate hoc loco utendum fo-Sed haec filentio praetereo, cum a vitae eius scriptoribus q) longe lateque recensita sunt. Id modo adducam, quod anno MDCCLIII, tanquam Eques Baronettus, Archiatrorum Regis primus, Regiae Scientiarum Academiae, Collegiique medici regii Praeses, anno fere aetatis suae centesimo, seu, quod alii contendunt, nonagesimo tertio, nulla mascula prole reli-Eta, fato functus fuerit. Filiae eius duae, quarum natu maior Domini Stanleii vidua, natu minor autem ante dicti Comitis Cadogani coniux, haeredes fuerunt. Exequiae illi habitae fuere Chelseae, ubi, insigni cum pompa & splendido comitatu, corpus demortui in tumulum genti suae proprium delatum fuit; fyrmata panni funebris a sex Viris illustribus, duobus nimirum Baronibus, a famigeratissimo praefecto militum Ogletorpio, & a tribus Equitibus ducebantur. Ortus fuit Iohannes SLOANE ex antiqua gente Scotiae, quae sedem sibi fixam in Regno Hiberniae, eiusdemque civitate Kittelagh dicta, elegerat. Dignitatem Baronetti anno MDCCXVI. a Rege Georgio Imo impetravit, cui deinceps munus Archiatri annexum fuit. Quando in Commentariis Goettingensibus asseritur, eum hac dignitate non

Part. ult. p. 147. Journal Britannique par Mr. MATY, Tom. X. p. 232. Comment, de rebus in Scient. nat. & Med. gestis, Volum. II. p. 367.

potius fuae familiae, quam toti Medicorum Ordini, honores ac inauditam eo usque intulisse nobilitatis famam tanto maiorem. quod ante illum nunquam in Britannia Medico contigisset, ut Baronettus creatus fuerit; notandum mihi venit, quod iam Angliae Rex Carolus II. Archiatrum fuum, Eduardum GRAWES, antea in Collegio Mertoniensi, Oxoniae, Professorem Medicinae primarium, Fregisque Caroli I. in itinere Medicum, hac dignitate ornaverit. Quantumvis nomen illius in praedicto Baronettorum Catalogo Miegiano haud notatum reperiatur, dubio tamen prorfus vacat, illum hanc obtinuisse dignitatem: Thomas enim SMITH, in Vitis quorundam eruditissimorum ac illustrium virorum r), hunc Eduardum GRAWES, Collegii omnium animarum, & celeberrimi Collegii Medicorum Londinenfium Socium, Medicum Serenissimi Regis Caroli ordinarium, & dignitate Baronetti illustrem, appellitat, cuius elegantissima exstat Oratio, in Collegio Londinensi anno MDCLXI. die Harvaei memoriae dicato, habita, & IOECHERUS in Lexico biographico eruditorum universali, in delineata Eduardi Grawes vita, eiusdem dignitatis Baronetti, mentionem facit; cuius afferti veritatem, ex Antonii WOOD Athenis Oxonienfibus, & WAR-DII Vitis Professorum Collegii Greshamensis, in Anglia editis, tanquam genuinis e fontibus haustam probat. His igitur testimoniis omnis rei ambiguitas aufertur. Praeter Iohannem Sloane recentiori aevo Eduardus HULSE, Medicinae Doctor, Medicus Regis, & Collegii Regii Medicorum Londinensium Socius, pari modo dignitatem Equitis Baronetti adeptus fuit, cuius dignitatis titulo in Catalogo nominum Sociorum Collegii Regii Medicorum Londinensium s) effertur. Nuperrime adhuc, & quidem in anno praeterito, Mense Augusto, Vilelmus Duncan de MA-

r) Londini. 1707. 4to. in Vita Ioh. Grawii p. 34.

s) Vid. Pharmacop. Colleg. Reg. Med. Lond. anno 1746. edit.

MARYBONE t), Medicinae Doctor, unus ex Archiatris Regiis, a Rege feliciter nunc regnante pari dignitate donabatur. Neque diffitebor, quod plures alii, tam ante tempus praedictum hoc nomine ac dignitate inclaruerint, quam & praesenti aevo aequo honore fruantur, quorum forte nomina notitiam meam fugiunt. Baronem Iohannem Ottonem de HELLWIG, Consiliarium & Archiatrum Regis Daniae, Electoris Palatini & Ducis Saxo-Gothani Confiliarium intimum, Professorem Medicinae honorarium Academiae Heidelbergensis, MDCXCVIII. mortuum, qui suis in Indiam Orientalem susceptis itineribus, scriptisque variis in lucem missis, inclaruit, huic Equitum numero fortassis accensere possumus. Testatur enim vitae ipsius curriculum u), quod Rex Angliae Carolus II. Baronis titulo eundem ornaverit. Cum nec in Anglia natus, neque ius & conditionem indigenarum Angliae obtinuit, dignitatem Baronis in Anglia usitatam adipisci non poterat; sin vero & viris illustribus exterarum gentium Baronetti dignitas tribuitur, haec forte illa fuit, quam a Rege impetravit; siquidem in adducto vitae eius curriculo asseritur, quod a Rege quoque Eques Britannus creatus sit. De celebri Iobanne SLOANIO, qui ex omnium sententia medicae Facultati multum famae paravit, duplex modo adhuc argumentum afferre lubet, quod in collectionibus meis historico-litterario-medicis servatur. Unum petitur ab eius imagine, in folio maiori, a pictore T. Murray delineata, & a I. Fabro anno MDCCXXVIII. aenea figura atroque colore expressa; alterum consistit in numismate, a Dassiero filio, latum temporis spatium in Anglia emenso, olim excuso, binas uncias & quartam unciae partem argentei ponderis continente. numisma in altero latere faciem SLOANII, dextrorsum spectantem, & multa arte effictam, fiftit, corporis habitus vestimento

t) The Gentlemans Magazine for August. 1764. p. 399.

u) Vid. Eius Arcana maiora. Francof. 1712. in Praef. & Motsch-MANNI Erford, litter. Vol. I. p. 137.

largiori, & caput ample cucullo nocturno tegitur, inscriptaque imagini verba sequentia leguntur: Hans Stoane, Eques Baronettus; inferiori deinde in parte A. Dassier. F. Inverso in latere superius encarpis, inferius decussatis ramis, e quercu arbore cum fructibus ornato adhaerentibus, legitur: Praeses Societatis Regiae Londinensis MDCCALIV.

S. XXI.

Omnes fere Scriptores x), qui de Equitum creatione & inauguratione memoriae aliquid prodidere, notant, usitatam antiquo tempore suisse solennitatem, cum Equites crearentur, ut Candidatis armigeris, balnei usu, barbaeque tonsura, vespera, vel nocte actum solennem creationis praecedente, opus suerit; ritus, qui in Gallia, Hispania, Italia, & speciatim in Anglia, valde obtinuerunt. Eadem solennitas in Regno Angliae iam dudum ante tempora Henrici IV. viguit, ac licet huic Regi, ipsa institutio atque dispositio equestris amictus Equitum de Balneo tribuatur; Autores tamen magnae samae y) testimoniis haud reiiciendis probarunt, quod iam tempore Henrici II. Iohannis I. illorumque successorum, Equites de Balneo creati suerint, quorum vestitus, iusiurandum, caeteraeque in actu creationis usitatae solennitates, cum iis omnibus conveniunt, quae tem-

x) E. gr. Seldenus de Tit. honor. Part. II. Cap. IV. §. VIII. & varii ibi cit. Historici Hispani. Du Fresne in Glossario, voce!Miles, Tom. II. p. 538. seqq. P. Daniel Hist. de la Milice Franc. Tom. I. p. 99. Franc. Red in Annotat. ad Baccho in Toscana Operum Tom. III. pag. 205. seqq. Menenius 1. c. p. 10. seqq.

Petrus Blesensis Epist. 94. Ioh. Salisburiensis de Nugis curialium. Lib. VI. X. Seldenus lib. cit. Part. II. Cap. V. §. 35. I. C. Dithmari Comment. de Honoratissimo Ordine militari de Balneo, Francos. ad Viadr. 1729. fol. pag. 12, segq. tempore Regis Henrici IV. anno MCCCXCIX. cognitae fuere. Istae quoque solennitates in recentioribus; huius Ordinis Statutis de anno MDCCXXV. definitae, & maximam partem fervatae Tradunt & illi Autores, qui de antiquitatibus aeque ac ritu Ordinis folide elaborata scripta reliquerunt, quod iam aevo antiquiori Equites rubro ligamento, humeris superstrato, & stella serica coerulea acu picta, e qua tres coronae aureae nitebant, distincti fuerint. Equitum numerus alio tempore non certus, sed pro lubitu definitus fuit, acciditque saepenumero, ut in folenni Equitum creatione triginta, quadraginta, quandoque & quinquaginta Equites uno actu crearentur, qui ex minori aeque ac maiori nobilium ordine hunc in numerum fuscipie-Ex Equitibus de Balneo huc referendis, locum sibi merito vendicat Iohannes STAVELIUS 2), de quo commemoratur, quod Oxoniae anno MDCXLII. d. xvi. Ian. Magistri artium, eodemque anno d. nimirum XXXI. Ian. Medicinae Doctoris gradum consequutus fuerit. Fuit e gente Staveliorum a Seculo undecimo in Sommerfetia inclyta. De eruditione eius in arte medica plura fortaffis adducere possem ex Antonii Woodii Athenis Oxoniensibus, si huius libri copia mihi facta effet; in quo vitae Stavelianae curriculum contineri aiunt. Adeoque certo affirmare nequeo, num Doctoris titulo ob acquisitam eruditionem in arte medica, an modo honoris causa, potitus fuerit. Interea de illo constat, quod Regi Carolo I. in lite infelici cum regni Angliae Curia suprema, tam fida officia praestiterit, ut & suis ipsius sumtibus, in huius auxilium, copias parasse tradatur: quae vero fides Regi praestita, cum Proceres, qui a Regis partibus steterant, succubuerunt, illum non tantum maxima opum fuarum parte, verum & libertate ipfaque vita fere privasset. Nihilo tamen secius fidus Regi Socius man-

meines Historisches Lexicon cum pract. Budder, voce: Sta-

mansit, obiitque anno MDCLXI. d. xx1. Febr. cum iam fexagesimum secundum aetatis suae annum attig set, annoque mortis fuae articulum praecedente, ea fortuna adhuc delectatus fuit, ut Regem Angliae Carolum II. folium regium conscendere videret. Filius illius, Rudolphus Stavelius, qui patris exemplo, quacunque occasione nascente, singularem parti regiae fidem fervaverat, ea gaudebat felicitate, ut a Rege Carolo II. anno MDCLXXXI. d. x. Ian. titulo Baronis Stavelii de Somerton ac Paris Angliae honoraretur. Quo anno antedictus Iohannes STA-VELIUS Eques factus sit, affirmare haud valeo, cum diversi hos nomine ac praenomine infigniti, Equitum in Indice reperiantur. Dubio interim prorsus vacat, tempore Caroli I. sceptrum imperii tenentis, haec accidisse. Restauravit Ordinem de Balneo Rex Georgius I. anno MDCCXXV. eumque splendidiorem reddidit, eiusque Statuta adauxit, in quibus inter alia fancitum fuit, ut Ordo iste, Rege & uno Principum ex Regis filiis, qui Dux Cumberlandiae tempore praesenti adhuc audit, non computato, triginta quinque Equites, & Magistrum Ordinis generalem contineret, ea nimirum lege, ut idem numerus Equitum nullo unquam tempore adaugeretur. Praeter diversas solennitates, vestimentorum ac rituum genera, in Statutis definita, Ordinis infigne, laeva in parte vestis conspicuum, tribus coronis regiis, in area aurea explicatur, cum emblemate huius Ordinis, circulo coloris rubri inscripto; e circulo, tanquam ex centro, splendor, seu octo radii argentei prodeunt, qui sese extendunt. Insuper & Equites taenia rubra induuntur, quae oblique ab humero dextro ad latus finistrum deslectit, cuique insigne huius Ordinis affixum est, quod a sinistro latere pendet. Vetustissimum Ordinis emblema est: Tria iuncta in uno. verba rubro circulo, ut notavimus, inscripta sunt. Ad Equitum Ordinis dignitatem adspirare possunt Duces, Marchiones, Comites, Vicecomites, Barones, & etiam infra dignitatem Parium Regni, ex generosa stirpe prognati. Nam eodem tempore.

pore, quo Ordo restaurabatur, scilicet anno MDCCXXV. & Equitum numerus certus constituebatur, multi e Baronettis, corumque filii natu maiores, aliique ex inferiore nobilium ordine, in illum adoptabantur. Primus Magister Ordinis generalis, S. XVII. iam nominatus, Dux Iobannes de Montague, constitutus fuit, eademque causa, quae eius mentionem loco superiori facere me impulit, & hoc loco illum non negligere merito fuadet. Eodem tempore Dux Carolus Lenox inter Equites Ordinis de Balneo primus Eques, statim post Ordinis magistrum generalem, receptus est. Vi Statutorum septem quoque Ordinis ministri adhibendi sunt: nimirum Decanus, Genealogista, Rex armorum, Registrator, Secretarius, generosus Apparitor, & Tabularius, quorum amietus & signa honoris externa, in dictis Statutis definiuntur. Quoniam vero non apparet, num & Medici, horum in numero huc referendi, reperiantur, evitandae omnis prolixitatis gratia, de istis plane tacebo.

Licet, hanc Commentationem elaboraturus, Equestres Ordines secundum originis & instituti antiquitatem, recensendi animus suerit, tamen, occasione Ordinis Sti Michaëlis, reliquos simul Ordines gallicos, aetate minores, consignavi; neque primum, quem elegi, ordinem, in commemoratione illos sequentium, commode servare potui. Cum iam de Ordinibus anglicis tractandi materia pro argumento sit, praeter Ordinem Periscelidis & Equitum de Balneo, Equites Baronettos in praecedente §. memini. Quae vero de Anglorum Equitibus auratis, Baccalaureis & Armigeris dicenda sunt, inferius debito loco tradam.

S. XXII.

Cum Ordinum equestrium splendor in aulis Principum, secundum §. IV. quam maxime sulget; in Succia vero varii Ordines equestres antiquo tempore floruerunt, qui tempore sequenti sensim evanuerant: eadem haec causa Regem Succiae

beatissimae memoriae, Fridericum primum, praecipue movit, ut suasu Serenissimi eius in Regno Successoris, nunc vero quam felicissime regnantis Regis Friderici Adolphi, & Augustissimae eius Coniugis, Louisae Ulricae, anno MDCCXLVIII. tres Ordines equestres denuo instituerentur.

Primus inter hos, nimirum Ordo Serapbinorum, folis Regibus atque Principibus, in signum amicitiae & cultus, ut & Supremis Coronae ac belli Ministris, quo a ceteris distingui possint, in praemium fidei & integritatis, ac in honoris fignum datur. Ordo militaris Gladii iis, qui bello inclaruerunt, pro fingulari virtutis signo & praemio tribuitur. Cum Rex Sueciae, Adolphus Fridericus, pariter ac Augustissima thori regii socia, optimarum artium studio, & omnibus regio solio dignissimis scientiis ornati funt, nec non haud pauci ex fapientislimis Regni Senatoribus palmam eruditissimis viris praeripiunt; inde aliter fieri non potuit, quam ut artes & scientiae, in Regno Sueciae, fummo in pretio habeantur. Summi itaque imperantes, ob praeclaram & singularem in omni scientiarum & artium genere, cognitionem, non folum ingeniorum vires, in quacunque eruditionis parte, aestimare possunt, sed simul, ob propensum erga bene meritos fubditos animum, non fatis laudandum, etiam eos iustis praemiis condecorari cogitarunt. Ex tam generosa regiae magnanimitatis altitudine factum est, ut eo tempore & tertium nobile Ordinis equestris genus fancirent, de Stella polari dictum, illis quoque Viris tribuendum, qui nobilitatis quidem genere haud conspicui, meritis tamen singularibus inclaruere. Meretur itaque hic Ordo, tanquam verum regiae gratiae & indolis signum, felicissimumque iudicium Patriae Patris munificentissimi, in Eruditos ac Subditos bene meritos, ut tanto magis hoc loco adducatur. Signum Ordinis est alba & in extremitatibus fiffa crux, regia fub corona nitens. Sub cruce globulus coeruleus, affixa cum Stella feptentrionali quinquangulari, superaddita inscriptione : Nescit occasum. Institutionis

tionis ex lege, numerus Equitum huius Ordinis viginti quatuor maior haud esse debebat; deinde vero in numerum vigetimum octavum usque, & maiorem excrevit, Praefectis Ordinis five Commendatoribus haud computatis, quorum numerus ad viginti duo usque extensus fuit. Praesecti crucem ab atro ligamento pendentem supra descriptam in collo gerunt, stellamque acu pictam in pectoris una parte, Equites vero folam crucem cum ligamento nigro, collo circumdatam, pro ornamento habent. Rex Sueciae fingulis tribus Ordinibus omni tempore tanguam Supremus Magister praesidet. Rex Fridericus cum Ordines Gladii & Stellae polaris inauguraret, ad augendum Ordinum splendorem, convocato Regni Senatu, se ipfum d. xxv. Aprilis MDCCXLVIII. binorum Ordinum fignis omni dignitate & splendore ornavit; Serenissimo deinde Successori in Regno, eiusque Filio, Principi Gustavo, aequo modo tribuit, nec non Ordinum Commendatores & Equites folenni ritu creavit. Singuli Equites origine Sueci, anteaquam Ordine Seraphino potiantur, Ordinibus Gladii & Stellae polaris iamiam induti esse debent; e contrario omnes quoque Equites Ordinis Seraphini, Suecorum e gente prognati, reliquorum binorum simul Praefecti sive Commendatores audiunt. Prima dies, festivis instituti Ordinis Seraphinorum solennitatibus dicata, d. xxvIII. Aprilis eiusdem anni, tanquam dies natalis regius indictus quidem fuit; sed cum eadem dies simul Dominica cum die miscebatur, die vigesimo nono dicti mensis, Holmiae magna cum pompa instituti Ordinis solennia fiebant; & Seraphini Ordinis Commendatores & Equites denominati, omni apparatu regiae magnificentiae in hunc Ordinem cooptabantur.

Cum inter Suecos nativos non exigua pars eorum fuit, qui in arte medica inclaruerunt, constat, & nonnullos ex horum numero, Ordine Stellae septentrionalis prae caeteris ornatos suisse. Celeberrimus ille Archiater, Carolus Linnaeus.

Professor Medicinae Vpsaliensis, Membrum Academiarum famosissimarum, atque Societatum doctissimarum in omnibus Europae partibus, qui non tantum opera, quam studio Historiae naturalis Regni Suecici impendit, sed & in genere de arte Botanica optime meruit, & cuius nomen in singulis terrae partibus celebratur, anno MDCCLIII. die xxvIII. mensis Aprilis, tanquam Ordinis die, hoc munere infignitus fuit. Neque minus Perillustris & celeberrimus Nicolaus Rosen, Medicinae Do-Stor, antea Professor Anatomiae & Medicinae Vpsaliensis, nunc vero Serenissimi ac Potentissimi Suecorum Regis Archiater, non folum anno huius Seculi quinquagesimo sexto, a Serenissimo Rege suo, in nobilium Imperii Ordinem susceptus, eodemque anno ab Illustrissimis Regni Ordinibus Archiater Imperii Suecici, & Regiorum Archiatrorum Comes, constitutus est, sed in honoris complementum, & virtutis praemium a) anno Seculi quinquagesimo octavo, Eques Ordinis Stellae polaris creatus est. Cum Vir Perillustris & generosissimus, iam vera meritorum laude conspicuus, nec elogio, vel titulo, neque infignibus nobilitatis acquisitae hactenus uteretur b), honos iste ipsi nuper denuo confirmatus est, adeo ut Serenissimo Regi ipsi, ornamentum & nominis & insignium eligere placuerit. Appellatur is itaque nunc Rosen 2 Rosenstein. Infignia vero, quibus utitur, haec sunt: Lapis ad monumenti similitudinem formatus, coronam regiam ferens, rosaque spinosa in quovis latere comitatus. Occasionem huic emblemati praebuit lapis, iustu Serenistimae Sueciae Reginae, Louisae Viricae, ad fontem Soterium Locka positus, quo posteri doceantur, illum huic fonti contigisse honorem, ut Rex, qui diu ac vehementer cepha-

von ietzlebenden berühmten Aerzten. III. Band. p. 769. 780.

b) Vid. Comment, de Reb., in Scient, nat. & Medic. gestis Vol. X. P, IV. p. 723.

cephalalgia laboraverat, aquae huius & fedimenti usu sanatus fuisset.

Cum doctos in hac Commentatione Medicos recensendo, nonnunquam & de Nummis, in illorum honorem cusis, quaedam subieci, duplex me ratio movet, cur nummum tacere nequeam, in honorem celeberrimi Domini LINNAEI, cum Signo Ordinis Stellae polaris, excusum; eam nimirum ob causam, quod partim dignitas equestris huic Viro tributa, magnaque illius in Regnum Suecicum merita, huic instituto ansam dederint; partim quod eadem ipsa moneta insigni raritate sua notanda venit, cum exiguus faltem numerus specierum argentearum aeque ac aerearum, typo disrupto, parari potuerit. Nonnullis abhine annis de nanciscendo hoc nummo multum laboravi, ut collectionem meam numifmaticam tanto absolutiorem redderem. Haec collectio, tempore praesenti, centum & quinquaginta Nummis medicis recentioris aevi numerosior est; illos tantum nummos intelligo, qui Medicorum imagines exhibent, exceptis insuper illis, in quibus nudum nomen Medicorum legitur, vel singularia fata medica, morbi, aliaque notantur; a quibus adhuc separo nummos antiquos, quos ad illustrandam Historiam medicam servo. Magnus quidam Praefectus ac Comes, ex singulari gratia & favore erga me, hunc celeberrimi LINNAEI nummum in patria sua summa quidem opera quaesivit; aft ob insignem illius raritatem, omni licet lapide moto, idem haberi non potuit, donec celebris ille, nec minus solide eruditus Chymicus, C. F. Meyer, Sedinensis, cui ego huius scrutinii spartam detuleram, ac qui per intervallum biennale, Carlscronae atque Vpsaliae moratus est, & in posteriore loco magni LINNAEI, clarissimique Aurivilli il praeceptis falutaribus erudiebatur, unum adhuc exemplar huius nummi invenit, meaeque collectioni addidit. Inclytus ifte ac doctiffimus Academiae Regiae Scientiarum Suecicae Secretarius, ac Eques Stellae polaris, Dominus Petrus WARGENTIN, cuius eruditae Dif-

Dissertationes scriptis dicae Academiae, in toto terrarum orbe celebratae, singulari ornamento sunt, clarissimo Meyero & mihi adeo favebat, ut unicum fuum, quod tantum possidebat, exemplar, ipsi daret, cuius facti ex instituto meminisse iuvat, quo benignum Suecorum eruditorum animum digna eademque publica laude praedicandi, gratique mei animi monumentum addendi, occasio mihi nascatur. Latus istud, quod imaginem in praestantissimo hoc & tam belle excuso nummo ostendit, effigiem celeberrimi LINNAEI, ad pectoris partem usque absolutam, cum cruce equestri a pectore demissa, repraesentat, hisce verbis inscriptam: C. Linnaeus Equ. Aur. Archiat. & Pr. Vpf. Inferiori in parte litterae D. F. conspiciuntur. In dorso tres coronae regiae, illo modo positae, in conspectum dantur, quo in ipsis Regni Suecici insignibus fulgent, eo tamen discrimine, ut in prima eaque superiori corona, diversa animalia, ut aquila, leo, balaena; in secunda superiori, plantae varii generis, & in tertia inferiori corona, mineralia ac fossilia simul oculis occurrant. Tres istae coronae desuper radiis illustrantur, cui emblemati unicum additur verbum: Illustrat. Nummus praeclarae mentis & artis opus est, ipseque lusus allegoricus iis, quos magna Archiatri LINNAEI merita, tam in explicando naturae regno amplissimo, quam in peculiari Historiae naturalis Suecicae argumento, haud plane fugiunt, non nisi inventum ab acutissimo ingenio natum apparet, cuius auctor doctus ille Confiliarius, Carolus Reinhardus BERCH, rerum antiquarum in cognitione versatissimus interpres, suisse dicitur. Nummi typos, politissima arte, discipulus praeclari Hedlingeri, celebris David Fehrmann, perfecit; qui iam anno MDCCXLVI. alium nummum similis magnitudinis, docti huius Viri gratia, composuit, qui orbi erudito magis innotuit, cum in Koehleri Deliciis numismaticis Tom. XVIII. p. 25. aeque ac in Musaeo Mazzuchelliano, Tom. II. p. 348. Tab.

Tab. CLXXXVI. No. IV. aeri incisus reperiatur, & uterque locus illius descriptionem largiatur. Non ita pridem, scilicet xxvIII. Aprilis anni MDCCLXVI. festo die Ordinum Sueciae, inter Equites ordinis stellae borealis receptus est, Medicus celeberrimus Christianus Ronnow, natione Suecus, qui olim Confiliarii status & Archiatri apud sapientissimum Regem Stanislaum munere, fungebatur. Erat quoque primus Collegii Medicorum Nanceiensium socius honorarius, mortuo vero Principe ad patrios Lares rediit. Anteaquam huic paragrapho de Medicis in Regno Sueciae equestri dignitate ornatis, colophonem imponam, ommittere non valeo, quod & in Regnis septentrionalibus clarorum Medicorum posteris singularis honor habitus sit, iidemque saepius equestri Ordine potiti sint. E catalogo enim Equitum Ordinis Suecici, Gustavus Adolphus Baro DE HIAERNE, Regni Senator, item Praefectus vigiliarum supremus, Thuro Gustavus Rudbeck, nec non L. C. Sto-BAEUS, Praesectus seu tribunus alarum & Praeses provinciae Gothenburgicae, tanquam Praesectus Ordinis gladiati c) & Baro Carolus Fridericus PECHLIN, eques hujus ordinis, & chiliarchus, orbi innotuerunt; imo horum prior, non ita pridem ni fallor MDCCLXIII. magno Ordine Seraphinorum condecoratus est. Iam diu quoque ante haec tempora, in numero Equitum, Ordinis Dannebrogici d) aliquem invenimus Casparum BARTHOLINUM, nepotem talium virorum, quorum nomen ne tiro quidem rei litterariae medicae facile ignorat. Nec minus alius ex celebri Pechlinorum familia celebratus est. Johannes scilicet Pechlinus Consiliarius intimus, Vindobonae 1720. Ducis Holfatiae legatus, postea Regiminis & Justitiae Can-

c) Vid. Genealog. Archivar. 1764. p. 24. p. 33. Fortgesetzter N. Arch. P. 39. p. 230. item 1766. p. 664.

d) Vid. Genealog. Archivar. 1734. p. 450.

Cancellarius, qui MDCCXLV. Ordinum Sanctae Annae, & deinceps Sancti Alexandri Newsky, signis, condecorabatur.

§. XXIII.

Absoluto jam opere in recensendis Ordinibus equestribus antiquissimis, pariter & iis, qui Regibus originem suam debent; medicisque interdum in ornamentum dati fuere: celebris ille Ordo considerandus venit, qui ab instituti origine, electoralis quidem audit, sed regio a sceptro, maximum celebritaris atque splendoris sui, incrementum adeptus suit. Hic est ille Ordo, qui a Generositate nomen habet. FRIDERICUS nimirum primus, Borussorum Rex, adhuc Princeps juventutis, in gratiam eorum, quos intimioris fuae fidei dignos credebat, vivo adhuc magno suo Parente, Ordinem hunc circa annum MDCLXXXV. fancivit. Statuta illius Ordinis, quantum memini, nunquam publici juris facta funt. Signum Ordinis erat crux aurea, ad exemplar Melitensis, octangularis, cyaneo colore, opere encaustico tineta. Vocabulum gallicum, la Generosité aureis litteris cruci impressum, perpendiculariter & transversim legebatur. In intervallis, quatuor angulorum interiorum crucis, quatuor aquilae aureae nitebant, totaque tessera cum ligamento nigro macerato, a collo pectori superpendens, demittebatur. In medio crucis intervallo littera F. in memoriam conditoris, corona electorali tecta cernebatur. Ex quo tempore Electoralis Regia dignitate aucta fuit, fummusque Ordo aquilae nigrae, in Majestatis splendorem instituebatur, Augustissimus Conditor, non solum primum hunc domus suae ordinem sartum tectumque habuit, verum quoque solenni lege sancivit, ne Equites creandi summo Ordine decorarentur, anteaquam per aliquod tempus, Ordinem Generositatis jam gestassent. Hinc Equites Generositatis, ut plurimum se se Equites Ordinis Regii Borussici minoris, appellarunt.

Ordo Generositatis, qui anno MDCCXL. quodammodo abrogatus & in ordinem Pro Meritis & praecipue militarem mutatus est, a Rege Friderico I. & Friderico Wilhelmo personis dabatur, munere civili aeque ac militari illustribus, utpote intimis Cubicularibus, primi Ordinis Praefectis bellicis, Confiliariis summis & praecipuis, aliisque intimioris admissionis fanctiorisque fidei Ministris, Legatis & Nobilibus, in monumentum gratiae Principis, fidei ac honoris; numero vero generationum non tam anxie quaesito. Accidit quoque Viro cuidam celeberrimo, Medicorum ex ordine, munerum gravitate ac meritorum amplitudine conspicuo, ut hoc ordine infigniretur. Fuit iste Fridericus Ludovicus Bonerus, Genevensis, Theophili Boneti, Medici celeberrimi, Confiliarii & Archiatri Serenissimi Principis Henrici ab Aurelia, Ducis Longavillae cet. filius, Andreae Boneti, Medici Practici Genevensis felicissimi nepos, & Petri Boneti, ibidem Medici & Archiatri Ducis Sabaudiae pronepos, qui quippe omnes non folum quosdam fedis Romanae Cardinales, inter majores suos numerabant, sed & affinitatem cum Pinellis, Spinolis, Savellis, Urfinis, Saburanis, Caracciolis, aliisque illustribus Senatoriis Genuensis Reipublicae familiis, colebant. Matrem habuit Fridericus Ludovicus Bonetus, Johannam Spanhemiam, Virorum in orbe litterato clarissimorum Ezechielis & Friderici Spanhemii sororem, ex qua anno MDCLXX. Genevae editus fuit. Majorum ingenio & celebritate incensus, omni studio arti medicae totum se tradidit; Lugduni Batavorum anno MDCXCV. dissertationem inauguralem, de Hydrope ascite, publice defendit, quo gradum & titulum Doctoris Medici rite impetraret. Cum non folum Perillustris Ezechiel L. B. de SPANHEIM, splendidis muneribus in aula Brandenburgica fungebatur, quia tunc temporis gravissimae legationes per eum administrabantur; sed & frater nostri Boneti, natu maximus Fridericus Bonetus, bona-

rum

rum litterarum, & praesertim rei nummariae cognitione peritissimus, per duodecim annos apud Reges Magnae Britanniae Carolum II. Jacobum II. & Vilelmum III. negotia publica Magni Electoris Brandenburgici, Friderici Vilelmi & Friderici III. summo cum honore eximiaque laude tractaret, accidit, ut eidem noster Fridericus Ludovicus Bonetus succederet, cui Oratoris pro Serenissimo ac Potentissimo Friderico I. Borussiae Rege munus, in aula Magnae Britanniae, cum titulo Residentis, & postea Legati ordinarii deferebatur. Non solum merita quae eodem hoc munere fuerat consecutus, sed eruditionis quoque fama tanta fuerunt, ut non folum Membris Societatis Regiae Scientiarum Londinensis & Berolinensis, sed & Societatis de propaganda fide in Anglia celebris, imo & an. MDCCI. Doctorum Juris Oxoniensium coetui annumeraretur. Ubi deinceps Rex Borussorum Fridericus Vilelmus, paterno regno potiebatur, Boneri munera & honores semel tributi non tantum confirmabantur, sed & Ordinis Generositatis Eques, anno MDCCXVI. creatus est. Sequenti vero anno Rex, nostro Clementissimus, Confiliarii intimi atque legati extraordinarii munus & titulum superaddidit. Posteaquam per XXIII. annos Residentis & Oratoris Brandenburgici muneri, in aula Londinensi praesuisset, oblatum legati in Sueciam munus quantumvis submisse recusans, annuente Rege, in patriam reversus est. Nihilo tamen minus Regis gratiam, nulla parte deminutam, fervavit ac retinuit. Finita enim legatione, Rex patrinus filii ipsius esse voluit, & Bonetum ipsiusque liberos, heredes omnesque & fingulos ab illis legitime descendentes in infinitum, solemni diplomate verbis: Nobiles, Tornearios, regnique Boruffici vafallos declaravit, ita ut equestris dignitatis capaces, nobilium praedictorum numero atque consortio adscriberentur. Ipsum hoc diploma regium, rationes sacti hujus addit; verbis nimirum: ob grata obsequia atque officia utilia, sidelia & indem 3

fessa ab ipso, cum munus legati nostri ordinarii in Anglia per plurimorum annorum decursum gereret, summa side, industria, prudentia & sidelitate, Nobis & Divo Parenti navata."

Post illud tempus Rex quoque multis aliis singularis suae benignitatis atque existimationis documentis, Bonetum nostrum ma&avit. Patria non minus civis revertentis merita, agnovit, dum anno MDCCXXI. eundem fenatoria dignitate ornavit, cui decennio peracto, grave & spectatissimum munus Syndici Reipublicae Genevensis additum fuit. Ubi tamen provectior aetas vitae vires fregit, ab omnibus negotiis publicis abstinuit, tandemque senio confectus, anno aetatis XCII. abfoluto, mense Aprilis MDCCLXII. hunc mundum deseruit. Vitam viri hujus clarissimi, in Biographis communibus, huc usque frustra quaesitam, collegi e), fusiusque descripsi. Silentio hac occasione praetermittere nequeo, nummum quendam memorialem, a C. Wermuth Gothano nummorum caelatore, conflatum. Is in adversa, effigiem Friderici Vilelmi, Principis heredis Regni Boruffici, refert, in aversa vero eorum Principum, & procerum meminit, qui anno MDCCVI. titulo Doctoris Juris, publice infigniti funt, in folennitatibus istis publicis, ab Academia Oxoniensi, in honorem Seculi secundi, a condita Academia Francofurtana sive Viadrina, feliciter pera&i, celebratis. Inter hos Princeps juventutis, Fridericus Vilelmus, antesignanus est, sequuntur Dux de Bedford, Comes de Plymouth, L. B. de Spanheim & alii, inter quos etiam quidam Dom. Bonet Eques Baronet, vocatur. Nullum est dubium, vel nostrum, vel Fridericum Bonetum, ejus fratrem natu majorem, hic intelligi; sed de titulo equitis Baronetti, cuidam

e) Io. Iac. Mangeti Bibliotheca scriptorum medicorum, veterum & recentiorum. Genevae 1731. fol. T. I. Part. I. p. 354. in vita Theophili Boneti. Fortgesetzte Neue Geneal. Historische Nachrichten. Th. LIV. 1766. p. 387.

cuidam Boneto collato, nullibi legi, & eum in Catalogo Baronettorum, quem Miegius libro supra §. XVIII. citato edidit, frustra quaesivi. Neque in Thesauro numismatum modernorum, nec in Gutheri vita Friderici I. ubi ejus delineatio aeri incisa cernitur, quis ille sit Bonetus explicatur. Illustris ille Sedinensis Doctor, & Professor juris, I. C. C. Oelrichs, qui multis scriptis & nominibus, gloriam in orbe erudito sibi comparavit, ac quocum vetus consuetudo mihi intercedit, nodum hunc, ut spero, selicissime solvet; cum varias epistolas Perillustris Spanhemii, & cujusdam Boneti, in scrinio suo litterario possidet, quas cum republica litteraria se communicaturum, nuper promisit, in scripto quodam pereleganti, de Friderico Vilelmo borussorum rege, cet. Doctore juris ex nummo. Quod ea occasione edidit, cum Academiae Kiloniensi MDCC-LXV. de primo jubilaeo gratularetur.

§. XXIV.

Illustris Boneri conditio & munus occasionem mihi praebet, ut in fine hujus Commentationis adhuc quaedam momenta in honorem medicorum adjiciam. Unicum enim exemplum Bonetus non exhibet, medici Legati munere ornati. Nam eodem fere tempore, & initio adhuc hujus feculi, celebris Christianus Constantinus Rumpf, Medicinae Doctor, spartam eandem a Foederati Belgii Republica, sibi demandatam; in aula Suecica, per multos annos, singulari cum laude, tenuit. De hoc Biographi Medicorum communes, nil plane memoriae prodiderunt; hinc ea quae de illo novi, subjiciam. Natus erat Hagae Batavorum anno MDCXXXIII. & pater ejus, quantum scio, Christianus Rumpfius, Lasphensis, Serenissimi Regis Bohemiae & Celfissimi Arausionensis Principis Archiater suit; qui in castris Foederati Belgii anno MDCXLV. aetatisque sexagesimo quinto, diem obiit supremum. Titulus aeque ac fata memomemorata, ex icone ejus ab Henrico Danckers aere expressa mihi innotuerunt. Christianus Constantinus Rumpfius, posteaquam gradum Doctoris obtinuit, legationi summorum Ordinum Foederati Belgii in Galliam, per septendecim annos ab epistolis secretis suit, eodemque in loco, arcanis negotiis, Principis Arausionensis, Administri nomine, praesuit. Hoc munere licet fungeretur, studio tamen medico vacare non defiit: dum Parifiis anno MDCLXVI. I. A. SCHMITZII Compendium Medicinae prasticae edidit. Quod scriptum Maecenati fuo, Legato Summorum Statuum Reipublicae Belgicae ordinario, Vilelmo Borellio, magnae famae Politico, qui per fedecim annos in Galliam, & antea in Britanniam, Daniam & Sueciam legatus missus fuerat, dicavit. Additae inveniuntur, in laudem operis, epistolae & carmina doctissimorum sui temporis virorum, Vassorii, Nicolai Heinsii, Stephani Laurentii. Caroli Drelincourtii & Antonii Menjotii, juncto testimonio honorifico, Facultatis Medicae Parifinae. Secunda editio anno MDCLXXII. eodem in loco apparuit, quam adhuc aliae. Amstelodamensis nimirum & Geneuensis, secutae sunt. Anno MDCLXXIV. ipfe a Summis Ordinibus Statuum Foederati Belgii, legatus in Sueciam mittebatur, cum paulo ante ad idem munus in Lusitaniam obeundum, jam designatus erat. In aula Suecica degens, statim ab initio susceptae legationis, tantam sibi conciliaverat sidem, ut, licet mox grave bellum & acre, inter Suecos & Batavos exoriretur, quod cum subditorum utriusque regni bonorum confiscatione suscipiebatur. Rumpfio nihilominus concederetur, ut Holmiae morari posset. Procerum suorum commodis, adeo prospicere, suamque in negotiis politicis tractandis, scientiam acquisitam, tanta cum utilitate suorum impendere valebat, ut anno MDCLXXIX. pacis & commerciorum foedus proficuum pangeret, validumque redderet. Cum Rumpfius omnibus se insigni prudentia &

exer-

exercitatione in rebus gerendis & praecipue in re tam difficili. probaret, factum esse opinor, ut durante adhuc bello, Arwidius Karlsteen, samigeratissimus regni Sueciae numismatum caelator, numisma in nostri laudati memoriam excuderet. In facie numismatis adversa, effigies illius, pectus ad usque, cernitur litteris inscriptis: C. C. Rumpf. M. D. Foe. Belg. Abl. Ordi. Ap. S. S. R. i. e. Medicinae Doctor, Foederati Belgii Ablegatus ordinarius apud Serenissimum Sueciae Regem. Inferiori in parte: Karlsteen. Averso in latere manus e nubibus proveniens conspicitur, quae annulum, cui adamas pergrandis inclusus est, fuper ardentis ligni focum, tenet. Inscriptae leguntur litterae: In adversis constantia vincit: & infra habetur annus excusi typi 1677. Quo emblemate fine dubio constantiam ejus in intricatissimo vel molestissimo rerum statu indicare voluit. Descriptum quoque reperitur hoc numisma, apud Loonium f). Aliud mihi quoque est numisma minoris formae, rarissimum & aeque artificiossiffime caelatum ejusdem artificis, quantum memini, neque a Loonio neque alio quodam descriptum. Adversa pari modo pectore tenus, effigiem ejus refert, sinistrorsum spectantem, inscriptae leguntur litterae: C. Cons. Rumpf. M. D. aet. 48. A. 1681. Inferiore in parte KARLSTENII nomen in monogrammate A. K. legitur. In aversa ex Horatio g) sequentia leguntur verba: Quid aeternis minorem consiliis animum fatigas. Horat. quae binis ramis laureis inclusa funt. Rumpfius samae & artificio Karlsteinii multum augmenti addidit, eo nimirum, quod non folum numismata paravit exquisitissima, praecipue illa, quae celebris Gallorum numismatum caelator, Varin, artificiose caelavit; quo Karlsteinio politissima arte perfecta exemplaria ad imita-

f) G. van Loon Histoire metallique des Pays Bas. T. III. p. 133 fq.

g) HORAT, Carm. L. II. Od. XI.

imitandum proponeret, qui praecipue Varinium vel aemulari vel praecellere studuit: nec minus Rumpfius, consiliis & eruditione sua, saepe Karlsteinium, in numismatum & monetarum inventione, adjuvit. Res igitur a veritate non prorsus aliena esse videtur, quod Karlsteinius in gratitudinis tesseram, etiam hoc numismate ejus memoriam confervare voluit. mihi tempus concederetur, ut opus meum de Nummis in Medicorum honorem cusis, edere possem, plura de Rumpfio, aeque ac de hisce numismatibus, in ejus memoriam expressis, adderem. Rumpfius fato cessit Holmiae h), anno MDCCVI. munere legati adhuc fungens, ibidemque, splendida funebri cum pompa terrae mandatus fuit. Filius ejus Henricus Vilelmus RUMPF, cujus in honorem Hedlingerus bina numifmata elegantis formae elaboravit, patrem titulo Residentis in Suecia sequebatur, & alter filiorum Carolus Rumpfius, natu minimus, eodem munere in Aula Regia Boruffica, hic Berolini per aliquod tempus fungebatur. Nec plura exempla de Medicis legatorum sparta ornatis, tam antiquioris quam recentioris aevi, desunt. Si vel tacere vellem, quod Imperator Instinianus medicum fuum ad Regem Perfarum Cofroem miferit; teste Beverovicio i) in Encomio medicinae, qui hoc e Procopio refert: notatu tamen digna res est, quod aeque ab Imperatoribus Turcarum, Medici legatorum nomine, in aulas Principum Europaeorum & ab his iterum in aulam Imperii Turcici, saepe missi fuerint. Idem Beverovicius memoriae prodidit, Bartholomaeum CORDUM Medicum, a Turcarum Imperatore, suo nomine ad Regem

h) Plura de Rumpfio vid. apud Ger. de Loon l. c. T. III. p. 133.
203. feq 235. T. V. p. 40. 41. Koehlers Münz-Belustig.
T. IX. p. 109. Holmia litterata edit. 1701. p. 89.

Epistolicis Quaestionibus Roterod. MDCXLIV. editis Vid Encom. p. 49.

Regem Galliae Henricum IV. fuisse delegatum. Contra de Medico Horatio Curione, celeberrimi Coelii Secundi Curionis filio constat, quod non solum Imperator Ferdinandus, ejusdemque filius Maximilianus, illius confilio in negotiis arcanioribus usi fuerint, verum quoque quod instar legati Byzantium mitteretur, & cum illo in munere constitutus, fato fungeretur; jubente Caesare Maximiliano, in illius memoriam Basileae epitaphium erectum fuit k). Aula quoque Britannica munus legati in aulam Turcicam, medico demandavit, Johannes enim FINCH, Medicinae Doctor, qui ab anno MDCLX. nomine regni Anglici, officio Residentis in aula Magni Hetruriae Ducis fungebatur, anno MDCLXXII. tanquam legatus Constantinopolin denuo missus suit 1). Imperator Solimannus tertius hujus nominis, celeberrimum Alexandrum MAUROCORDA-TUM anno MDCLXXXVIII. tanguam legatum fecundum ad Imperatorem Leopoldum misit, quo nunciaret, Solimannum ad regni gubernacula accessisse, simul & de ineunda pace nonnulla eidem proponeret: Eodem Maurocordato, iterum titulo legati fecundi, Solimannus in condenda pace Carlovitziana anno MDCXCIX. usus fuit. Quod ad negotia gerenda factus, & in opere legationis suae felix fuerit, e favore & gratia, ab utroque Imperatorum illi exhibita, patet. Imperator Leopoldus eidem fummam viginti quinque millium thalerorum, ac e Bibliotheca Vindobonensi, Corpus Historiae Bizantinae, Ab Imperatore autem Solimanno id obtinuit, dono dedit. ut per totum vitae suae tempus, honorarium illud, quo durante pacis negotio mactatus fuerat, servaret, superaddito Excellentissimi, titulo. Hujus Maurocordati tanta funt merita, n 2 ut

k) v. Schelhornii Amoenitates litterarias. T. XIV. p. 370.

¹⁾ G. MATTHIAE Conspectus Historiae Medicorum chronolog. p. 899.

ut de illo adhuc quaedam afferre m), necesse credamus. Natione, item religione, graecus fuit, e nobili & generosa quidem sed indigente stirpe, in Insula Chio ortus. Pater vero fortunam in matrimonio feliciter periclitatus est. Duxerat enim uxorem divitem heredem e familia generosa Scarlati, quae quippe domus in terris Italiae & Graeciae late se diffudit. Haec antea Principi Valachiae, Mattheo desponsata fuerat, cum vero mox ante tempus confummandi matrimonii, a variolis valde lacerata fuisset, oculum perdidisset, & admodum deformis facta, Princeps Valachiae conventis stare nolebat, & Maurocordatus pater, locupletem sponsam occupabat. Filius ex hoc matrimonio natus, Alexander MAUROCORDATUS noster in studia incubuit, & initio Romae in urbano Graecorum collegio, deinde in Academia Patavina, per quindecim annos, artem medicam excoluit, a Bononiensi vero Musarum sede, Doctoris Medicinae atque Philosophiae gradum impetravit, posteaquam Patavii amplissima jamjam documenta eruditionis ac ingenii sui prodidiffet. Quia vero fovere seditiones hisque primipilum se praebere solitus esset, jam proximus doctrinae reportandis praemiis, publico decreto exilium meruit & Bononiam proficisci coactus est. In patriam suam revertens, morbis felicissimo cum successu medebatur, donec Constantinopolin evocabatur, ubi in fchola graeca, quae patriarchalis vocatur, medicinam atque philosophiam publice docebat, simul vero & summo cum

M) Alexandri Maurocordati vitam congessimus ex Nicolai Comnent Papadopoli, Historia Patavina T. II. fol. Venet. 1726. p. 319. Demetrii Cantemirs, Fürsten in der Moldau, Geschichte des Osmannischen Reichs, Hamb. 1745. p. 577 seq. Allgemeine Chronick, T. XVI. p. 913. Tournefort Relation d'un Voyage du Levant T. II. p. 238. J. Spons Reisen L. 2. in fine. Demetrii Procopii Succincta eruditorum graecorum superioris & praesentis Seculi recensio.

cum applausu, ipsam artem medicam medendo morbis, exercebat. Forma ejus admodum decora, scientia ejus singularis in ipfa arte medica, eximia qua gaudebat, linguarum cognitio & experientia in rebus praecipue, quae ad arcana politica Statuum Europaeorum attinent, efficiebant, ut anno circiter MDCLXXVII. Interpretis munere potiretur; deinceps vero locum, inter Interpretes regni Supremum, & tandem status Administri, grave munus nanciscebatur, salva religione sua, ad quam mutandam haud coastus fuit. Cum anno MDC-LXXXIII. Summus praetoriae & militiae in imperio Turcico Praefectus, Cara Mustapha laqueo damnaretur, & insignis rerum mutatio contingeret, Maurocordarus noster in carcerem dejectus fuit, diraque in illo passus, & more Turcico, una cum libertate, omnium bonorum jacturam fecit. Simulac vero Imperator Solimannus III. thronum confcenderet, non folum pristina munera & dignitates amissas recuperavit, sed & pace Carlovizensi condita, titulo Custodis arcanorum insigniebatur; quo quippe titulo, ad tantum honoris fastigium excrevit, ut a Principibus Moldaviae & Valachiae, nec minus a reliquis Christianis, imperioque Turcico subjectis, Serenissimi titulum poscere, eumque gerere posset; teste Moldaviae Principe Demetrio Cantemirio, in Historia sua regni Ottomannici. Obiit referente eodem anno MDCCIX. quo cum Demetrius Proco-Pius n) in Succincta erud torum Graecorum, Superioris & Praesentis Seculi Recensione, convenit. Rector scholae graecae Constantinopolitanae Jacobus Monas, olim liberorum ejus institutioni praesectus, funebri illum oratione laudavit. Scholam & Maurocordatus Constantinopoli instituit, ne tempore interjecto, graeca prorsus eruditio interiret, ac evanesceret, quem

n) Demetrii Procopti Opusculum insertum est Tom. XI. Bibliothecae Graecae cel. Fabricii p. 769, seqq.

quem in finem ut juvenes bonarum artium cupidi, in omni scientiarum & doctrinae genere instruerentur, curavit, nullisque sumtibus pepercit. Liberos habuit, post fata superstites, filiorum par, Nicolaum & Johannem, binasque filias, immenfarum opum suarum heredes. Fuit illi tertius quoque natus, cui nomen erat Scarlatus, aulae Valachicae Archipincerna, Principis Valachiae Constantini Branckowanni gener. herede nullo relicto, patre prior mortuus est. Nicolaus primum aulae Turcicae Supremus interpres factus, statim post obitum patris, principatu Moldaviae & MDCCXVI. Walachiae potitus, illiusque Despota declaratus fuit, & in aula Turcica, ab initio multum valuit. Johannes interpretum Superior, ob morum elegantiam summam insigni honore mactatus fuit, & cum frater illius Nicolaus anno MDCCXVI. vel ob commercium litterarium illicitum, vel ex alia causa, e sede fua Bucharest, captivus deducebatur, Turcarum Imperator hujus loco Johannem durante captivitatis tempore, regno praefecit. Verum mox imperii clavum hic reddere cogebatur. simulac fratri Nicolao, vi pacis Passarowitzensis, dignitas amissa restituebatur. Ioecherus & alii quidem memoriae prodiderunt, Alexandrum quoque Maurocordatum, Valachiae principatu potitum fuisse; sed neque a Cantemirio, neque a Procopio, quorum utrumque tamen rei veritas haud latere potuit, horum aliquid proditum fuit. Scriptorum Maurocordati historicorum, philosophicorum atque politicorum titulos, Ioecherus in Lexico eruditorum generali recenset: medicis annumeratur scriptis, Pneumaticum circulandi fanguinis instrumentum, sive de motu & usu pulmonum, opus primum Francofurti MDCLXV. & deinceps Lipsiae MDCLXXXII. editum. Sponius in concinnando hoc opere, plagii illum quodammodo arguit, & teste Nicolao Comneno, ipse Maurocordatus hoc scriptum nisus est abolere. Ioecherus e titulo bipartito hujus hujus libri, bina scripta separata singit; sed ipse hunc librum possidens indicare valeo, quod Operis dedicatio ad Magnum Hetruriae Ducem Ferdinandum II. directa, annum MDCLXIV. referat, quo Bononiae apparuit, ipseque se Constantinopolitanum philosophiae ac medicinae Doctorem prositeatur. Prostat & de illo Epistola quaedam o), mira comitate nitens, anno MDCLXXXIV. ex agro Vindobonensi, ad celeberrimum G. W. Wedelium data, de Potus genere Turcico, Maslack dicto, quae quippe epistola, eruditionem ejus in linguis orientalibus probat.

Haec de Medicis legatis dixisse sufficiant. Patet eos praecipue in iis regionibus hoc munere functos esse, ubi officia non tam conditionis & generis respectu, quam meritorum numeri Possem quidem adhuc de filio Antonii Musae distribuuntur. Brassavolae, cujus mentio §. XII. facta est, Hieronymo scilicet Brassavola, Archiatro Ducum Ferrariae & Mantuae, nonnulla hoc loco afferere, cum ab Alphonso Duce Ferrariensi, ad Regem Galliae, summosque alios Principes, Oratoris cum titulo & munere missus sit; porro & quendam Polikalam, adducere valerem, Medicum Graecum, qui a Russorum Imperatore Petro Magno, ad Principem Moldaviae Cantemirium legatus mittebatur, cum conditionibus admodum proficuis; fed fingula quae huc pertinent, prolixiori opere conscribere, nec animus mihi est, nec tempus conceditur. Verum tamen unum adhuc exemplum, legationis verae cujusdam medicae, filentio praeterire nequeo, quod in Archiatro Imperatoris Leopoldi, Nicolao Vilelmo Beckero, postea Lib. Barone de WALLHORN dicto, contigit, & de summa Imperatoris Leopoldi in Archiatrum fuum fide, testimonium praebet. Siquidem nemini non patet, quod

o) v. Georg. Wolfg. WEDELII Exercit, Medico-philolog. Dec. V. in praef.

Germaniae, multis iisdemque non vulgaribus praemiis, exhibitoque summo savore suo, excitare solitus suerit. Cum Imperator ad vota tertia transire decrevisset, & uxorem quaereret secundam, Beckerum in diversas Principum Germanorum atque Italorum aulas mittebat, ut talem seligeret, quae respectu sormae corporis, secunditatis & virtutum animi, sibi conveniret. Beckero Neoburgensis Palatini Principis silia, caeteris omnibus praestare videbatur, eamque Imperatori ob sormae elegantiam, virtutem, & pietatem, quam maxime commendabat, notasque secunditatis ex physionomia & aspectu in eadem se reperisse putabat. Fiducia quam Imperator in archiatro suo habebat, singulaeque hae laudes, Imperatoris mentem eo slectebant, ut illam matrimonio sibi jungeret, exoptatusque rei eventus praesagium Beckeri verum reddidit p).

§. XXV.

In eorum usum & gratiam, qui in historia litteraria parum versati sunt, quibusve prorsus aliena atque inaudita res esse videretur, quando legunt, Medicos interdum ad negotia politica esse adhibitos, vel si infolitis alioquin huic Facultati honorum titulis, muneribus, dignitatibus, opibusque eos suisse ornatos percipiunt, nonnulla exempla quae dista illustrant, tam ex antiquiori quam recentiori historia adducam. Datur vero ejusmodi exemplorum numerus tanto copiosior, quanto facilius Medici ob artem quam exercent salutarem, occasionem, summis in orbe terrarum viris innotescendi, nanciscuntur. Nec minus praestita side in artis exercitio & dexteritate sua, non solum in siduciam & samiliaritatem magnatum & principum saepe recipiuntur, sed & animi ingeniique sui dotes, eorum acumini subjicere, quin & efficere possunt, ut dignum his pretium

p) v. Ludolphs Schaubühne der Welt. V. Theil p. 161.

pretium statuatur, id quod reliqua scientiarum genera, non femper aeque facile largiuntur. Hinc talis praerogativa merito & illis incitamentis accenfetur, quae ingenia acuta, addiscendisque scientiis apta, invitare valent, ut artis medicae studium prae aliis eligant, & in illo eminere studeant. Hac occasione, ut vim hujus argumenti exemplo monstrare, & a themate paululum fecedere liceat, veniam rogo. Ex numero multorum, Caroli Patini exemplum notatu dignum nobis occurrit. Celebri Vito Patino bini fuere filii, quorum alter natu major Robertus, artis medicae peritus fuit, natu minor vero, quamvis eodem artis genere haud parum delectaretur, desiderante id patruo fene, jurisprudentiae operam navavit; qua in doctrina quoque tantum profecit, ut non folum cum laude, maximum dignitatis gradum in illa confequeretur, fed & caufarum patronus in fummo tribunali Parisiensi, publica autoritate constitutus fuerit. Cum vero deinceps res Roberti Patini ex voto parentis haud cederent q), filius aetate minor Carolus Patinus a patre admonitus fuit, ut Themidos castra deserendo, medicinae se traderet. Patrem equidem haud sugiebant obstacula, quae filius Carolus objicere posset; utpote, quod in juris studio tractando sexennalem operam jamjam collocasset; siquidem in eo erat, ut vitae suae alimenta inde perciperet, nunc vero oleum, quod ajunt, cum opera fimul perdere, novoque artis generi a principiis incumbere cogebatur. Vitus ergo Patinus argumentis opus habebat validissimis r), cuae dissicultates, quibus haec mutatio premebatur, tollere valerent; hinc primo loco omne ingratum quod juris scientia secum haberet, explicabat, oftendebatque, quam ardui laboris futurum effet

q) Lettres choisies de Guy Patin. à Paris 1688. p. 420. p. 361.

r) v. Lyceum Patavinum per Carol, Patinum, Patavii MDCLXXXII. pag. 84.

negotium usque dum munus proficuum obtineret. Tunc quoque Michaelis Marescoti, dum viveret, Decani in Facultate medica Parisiensi, & inter Medicos Henrici IV. Regis quondam primi, aptus ad hoc fermo menti fuccurrebat. Is enim quo gratum erga artem medicam animum oftenderet, fe arti falutari tria potissimum debere, professus est; quorum copia nulla sibi unquam facta fuisset, si, quod pater volebat ad consequendum munus ecclesiae litteris eo spectantibus mentem adornasset. Scientiae enim Appollineae, primo sanitatem corporis fere athleticam, usque ad aetatis suae annum octogesimum fecundum se debere; secundo eadem arte & diligentia sua, centum aureorum millia sibi parasse: denique principum & innumerorum illustrium virorum amicitiam & familiaritatem, sibi contraxisse, quod sieri non potuisset, nisi medicus factus esset. His rationibus a Marescotto mutuatis, Vitus Patinus filium felicissime vincebat, convincebatque. Carolus Patinus fummo cum ardore, scientiae medicae vacabat, haud neglecto tamen illo litterarum genere, cui admodum favebat, nimirum antiquitatis & rei numismaticae studio: res quoque adeo feliciter succedebat, ut in numero Professorum Patavinorum primus, & Ordinis Sti Marci Eques diceretur, cum diem supremum obiret. Ad aetatem quidem Marescotti non pervenit, nam anno fexagesimo aetatis mortuus est, sed duas filias praeclara eruditione & doctrina ornatas reliquit, nec minus opes non exiguas, quae excepto numifinatum immenfo thefauro, centum millium thalerorum fummam fuperarunt. Cum doctiffimis sui temporis principibus, variis summarum rerum publicarum administris, virisque fere omnibus, doctrinae fama notissimis, amicitiam coluit & servavit. De his omnibus Biographi prolixiorem in modum commentati funt.

Rationes Marescotti ad persuadendum, a Vito Patino adductae, omnino tales sunt, quae juvenum animos excitare valent.

valent, ut arti salutari integro cum ardore operam impendant. magisque delectabunt iis, quam quae illustris Boerhavii animum s) excitaverunt, ut ad medicae artis studium se conferret. Boerhavium pater studio theologico mancipaverat; ulcus quoddam malignum valde dolens, & femur laevum depascens, medicinam ac chirurgiam pertinaciter elidebat, puerum tamen eo adducebat ut hac occasione, proprio dolore coastus, primum de studio artis medicae cogitaret. Malae rei sane bonus fuit & felix eventus, scientiae nostrae valde proficuus. Neminem enim fugit, quantum viro huic magno tota ars medica debeat. Causae moventes ad amplectendum studium medicum, in Boerhavio & Patino admodum diversae sunt; uterque tamen justis ardoris sui praemiis haud caruit. Quae suerit posterioris fortuna, jam supra indicavi, neque Boerhavius habuit, quod de artis medicae ingratitudine quereretur. Decessit cum cultu & aestimatione principum, magnorumque virorum fere omnium, praecipue autem cum luctu planctuque medicorum, quotquot doctrinae suae pondus aestimare noverunt. Nec opum decessit egens, cum nonnulli facultatum ipsius vim, decies centena millia thalerorum superasse, contendant.

Occasio antedicta, quae medicis datur, ut principibus & magnatibus innotescant, effecit, ut hi, cognitis & perspectis ingenii eorum viribus, ex usu & consuetudine cum illis celebrata, interdum illos muneribus praesecerint; in quibus exequendis non nuda rerum medicarum scientia, sed potius ingenii perspicacitas, mentis exercitium maturatum, justumque judicium requiritur: idque eo facilius, cum ipsi principes sidem, dexteritatem, & mores illorum, intimiori aditu & consuetudine diuturna, dignoscere valuerunt. Antiquissimi rerum

y. Oraison funébre en memoire du grand Herrmann BOERHAYE par Albert Schultens, a Leide 1739. p. 8.

fcriptores, imo omnium fere gentium Historici, multa exempla hac de re prodiderunt. Apud Antiochum Syriae Regem, Apollophanes medicus, primi administri status munere, sunctus suit; cujus quippe consilio Rex in casibus maxime nodoss & arduis, negotiisque ad statum reipublicae pertinentibus utebatur, qua de re Polybius t) exempla notatu digna refert. Ante hujus jam tempora Darius Persarum rex Democedem medicum graecae originis u) in bello captum, qui claudicantem ex luxato pede regem restituerat, non tantum multo auro donavit, sed & splendidissimas aedes Susis inhabitandas dedit, praeterea quoque Rex ut mensae ipsius semper accumberet, voluit; quae quippe praerogativa non nisi maximis in bello praesessis, regnique ac status administris vel Satrapis dabatur.

Neque raro fieri folitum est apud Graecos, ut Medici muneribus altioribus praesicerentur, iisdemque a regibus insignis honor & amicitia tribueretur. Repetere, & hoc loco adducere possem, exempla ex Homero quaesita, ex quibus apparet, quod inter Heroes ac Medicos maxima olim amicitia intercesserit, cum partim Heroes & Reges Graeci, ut Achilles, Patroclus, Aristaeus, Telamon, Jason, multique alii artem medicam callebant, & exercebant, quin & ipsi Medici, ut Machaon & Podalyrius, Aesculapii filii, in bello Trojano aeque heroum ac medicorum factis inclaruerunt, siquidem ex Hygini fabula CVIII. patet, quod Machaon cum Ulysse. Menelao, Diomede, Neoptolemo, & aliis in equo Trojano ligneo a civibus Trois intra urbem deducto, occultus jacuerit. Sed modo maximum inter heroes graecos Alexandrum Magnum, hoc loco adducere placet, hic enim teste Plutarcho x) non solum

t) Histor, L. V. C. LVI. LVIII.

u) Herodotus lib. II. 93. 94.

x) in Alexandro C. XIII, it. C. LXXIV.

rei medicae studiosus suit, sed & amicis aegrotantibus medicinam fecit, curandique & victus quasdam rationes praescripsit. Mirum vero non est, quod hoc studio delectatus sit, cum non folum Aristotelem habuit praeceptorem, & Philippum Acarnanum medicum, qui a teneris eum eduxit. Q. Curtius rerum gestarum Alexandri M. Scriptor uberius haec explicavit verbis sequentibus y): "Erat inter nobiles medicos e Macedonia regem "fecutus Philippus natione Acarnanes, fidus admodum regi, "puero comes & custos salutis datus, quem non modo ut re-"gem, sed etiam ut alumnum, eximia caritate diligebat cet." Hic idem ille Philippus fuit, qui ut omnibus notum est, efficacissimum Alexandro in morbi curatione, exhibuit remedium, & de eodem quam optime meruit, hinc & pro fide qua se Alexandro commendaverat, rex illum adeo in amore habuit, ut non folum adversus quaecunque sinistrae famae tela, in medicum suum directa, perquam generoso modo eundem tueretur, & PHILIPPUM tradente Diodoro 2) singularis & praecipuae amicitiae sibi socium, & in rebus quam maxime arduis consiliarium jungeret. Augustus M. Artorium Medicum, amicis & familiaribus suis accensebat. C. TACITUS a) EUDEMUM Liviae Augustae amicum & medicum praedicat. Idem hic scriptor b) de CHARICLE medico atque Tiberio familiari, verbis sequentibus refert: "Erat medicus arte infignis, nomine Charicles, non "quidem regere valetudines principis, confilii tamen copiam "praebere folitus, cet."

Haec aliaque exempla quamplurima, quod antiquis temporibus saepe medici Imperatoribus, Regibus, magnisque prino 3 cipibus

v) Lib. III. c. VI. §. I.

z) Diodorus Siculus L. XVII. C. XXXI.

a) In Annalib. Lib. IV. C. III.

b) Ibid. L. VI. C. L. item Suetonius in Tiberio C. LXXII.

cipibus a confiliis, statibusque suis tanquam Administri praefecti, quin & amici atque familiares suerint, I. H. Meibomius
in Commentario ad Cassiodori Formulam Comitis Archiatrorum, una cum illis autoribus, quos §. III. lit. m. adduximus, confirmant, copiosoque numero eorum indicem nobis
tradiderunt.

Nec media aetas una cum recentiori, ejus generis exemplis destituitur, quae docent, quod Medici interdum ejusmodi muneribus politicis praesecti suerint, quae ad regendum imperiorum statum pertinent, principumque side prorsus singulari saepe digni judicati sint. Quod si numerum exemplorum, quantus mihi patet, hoc loco recensere vellem, parvi operis negotium foret, paragraphum praesentem in integram commentationem extendere. Sed hoc cum a meo scopo prorsus alienum sit, ipsoque tempore exclusus sim, saltim quaedam praecipua

exempla, quae primum mentem subeunt, referam.

In Gallia omni tempore munus Cancellarii magni, & Sigilli majoris regni custodis, ad dignitates & munera imperii primi ordinis pertinuit, nec non dignitas primi magistri libellorum supplicum ordinarii, antiquiori aevo praecipua & gravi autoritate valebat. Dignitas Magni Cancellarii in Gallia prae caeteris eminet. Magnum regni sigillum ab illo custoditur, & licet in Gallia potior pars munerum publicorum, certo pretio foluto acquiratur, hoc munus haud venale esse omnibus patet. Post principes regio sanguine natos, primum tenet locum, illoque honore reliquos omnes regni ministros antecedit. Praesidis dignitate ac jure gaudet, in quacunque suprema regni curia, imo & in ipso status consilio. Post regem ei a summis judiciis maximus honor habetur. Quandocunque Rex in Suprema Curia Parisiensi ipse praesidet, & juri dicundo vacat, Cancellarius locum occupat in fella ad latus finistrum ante regem posita. Munere suo recentiori aevo privari haud solet, & ca-

& capessens munus suum in verba & manus regis jurat. Dignitas haec tempore Regum Galliae tertii generis, ex Capetingorum gente, quo simul summae curiae in Gallia institutae fuerunt, praecipue eminere coepit, suaque semper huic dignitati aevo sequenti aucta & servata suit autoritas. Ab ipso illo tempore ortum illius muneris, quod a figillorum regni custodia nomen habuit, repetunt & ipse Sigillorum custos Cancellarii munere tunc fungebatur, quando regnum vel Cancellario morte privaretur, vel ille ob morbum diuturnum munus fuum explere nequiret, vel etiam si Cancellarius apud regem in offensa esset, tunc Sigillorum custodi, plurimae quoque cancellariatus praerogativae adhaerebant, & in eum devolvebantur. quibus patet, quod & Facultati medicae in honorem omnino cedat, quando aliquis ex ordine medicorum tam gravi munere aulico aliquando dignatus fuit. Adam Fumaeus, Eques, Dominus de Roches, Saint Quintin, Genille &c. cujus familia tempore insequenti late patuit, & admodum celebris suit, nonnullosque habuit Melitensium equitum ordine inclytos, non tantum inter Medicos Caroli VII. & Ludovici XI. primus fuit, verum quoque imperante Ludovico XI. anno MCDLXIV. Magister ordinarius libellorum supplicum creatus est, & ad expedienda ardua negotia in Britanniam minorem & anno MCDLXXIX. Burgundiam mittebatur, quae provinciae tunc temporis a Ducibus suis regebantur, imo & aliis in rebus maximi ponderis illius opera & fide, Principes usos suisse, pro comperto habemus. Menfe Augusto anno MCDLXXXV. præeunte Morerio in vita Fumaei, cum Carolus VIII. regno jam potitus esset, ad dignitatem Summi Sigillorum in Gallia Custodis evehebatur, post mortem Cancellarii Vilelmi de Rochefort; & eo nomine officio Cancellarii fungebatur, fervato fimul munere & reditibus Magistri primi libellorum supplicum, usque ad terminum mortis suae quae anno MCDXCIV. Lugduni

duni Gallorum accidit. Sed notanda mihi hoc loco obveniunt duo momenta, quorum alterum in eo latet, quod Morerius in vita Fumaei Tom. IV. lit. F. annum MCDLXXXV. referat, quo Fumaeus spartam custodiae sigillorum delatam ingressus, cum tamen Tom. III. lit. C. quo loco nimirum Cancellarii Galliae recenfentur, praedicti muneris exordium ab anno MCD-XCIV. derivare velit. Alterum rei momentum in eo versatur, quando ipse Morerius Tom. IV. describens dignitatem Custodis Sigillorum fatetur, quod ante tempora Ludovici XII. nullum exemplum exstiterit de Custode Sigillorum peculiari, nisi illo, qui simul verus regni Cancellarius suerit; quod non fatis ex Historicis liquer. Quod ad primum vero momentum attinet, legimus in notis & observationibus Dionysii Gothofredi, consiliarii & historiographi Regis Galliae, ad historiam Philippi Cominaei c) quod Adam Fumaeus Primus Magister libellorum supplicum & Primus Medicus ac Consiliarius Caroli VII. Ludovici XI. & Caroli VIII jam an. MCDLXXIX. muneri Custodis Sigillorum regni praesectus sit, remoto Cancellario Petro Doriollio, qui quodammodo gratia Regis exciderat, & Camerae Computorum tanquam primus Praeses praeponebatur. Officium suum Fumaeus secundum Gothofredum. usque ad annum MCDLXXXIII. explevit, quo Vilelmo de Rochefort Cancellarii munus deferebatur, cujus post obitum Fumaeus vel muneri restituebatur, vel in ipsa Cancellarii dignitate locabatur, ut quidam Historici ex inscriptione publica Montispessulana putant. Inscriptio vero illa Montispessulana fequentis est argumenti d): ADAM FUMEE, PATRIA TURONENSIS,

c) Les Memoires de Messire Ph. de Comines, Seigneur d'Argenton, par Denys Godefroy, à la Haye MDCLXXXII. T. II. p. 195. in notis ad Tom. I. p. 337.

d) vid. Franc. Ranchini Opuscula medica. Lugd. 1627. 4to p. 12.

TAM GRAVITATIS QUAM NOBILITATIS GLORIA INCLYTUM ET CLA-RUM MEDICINAE DOCTOREM UNIVERSITAS MONTISPESSULANT ALUIT QUI CUM PRIMO CONSILIARIUS MAGISTERQUE REQUESTA-RUM ORDINARIUS AC MEDICUS PRIMUS CAROLI VII. LUDOVICI XI. ATQUE CAROLI VIII. FRANCORUM REGUM FUIT TANTA PROBI-TATE EFFULSIT UT FRANCIAE CANCELLARIUS MERITO TANDEM EFFECTUS SIT DUMQUE DIERUM MATURUS ESSET LUGDUNI ANI-MAM EXHALAVIT. Ex computis Thefaurarii regii de anno MCDXCIV. liquet, eum sequenti modo in rationibus ejus adduci e): Messire Adam Fumee, Consiliarius Regis & Magister Requestarum sui hospitii & per ipsum regem commissus ad custodiam sui figilli in absentia magni ordinati loco defuncti Vilelmi de Rupeforti nuper Cancellarii Francia, ad vadia qua funt ab antiquo 2000 librarum per annum, & totidem pro pensione annua, nihil hic, eo quod ab aliquo tempore citra solvuntur de denariis dicti sigilli, sed tamen de fuis minutis juribus omnium Sanctorum, Robbæ & Lignorum fit sibi computus & solutio inferius. Licet Fumaeus Medicus fuerit, illum tamen suo munere bene functum fuisse, facile mihi persuadeo, ratione illa ductus, quod nemo inter Biographos Caroli VIII. quantum ego memini, de munere isto a Fumaro male administrato, querelam moveat. Curriculum vitæ Fumaei, neque in Jæcheri, neque Kestneri, neque in Eloy, aliisque Lexicis Biographicis reperitur; id circo de illo adhuc commemorabo, eundem ex civitate Turonensi ortum esse, patremque habuisse Paulum Fumaeum gubernatorem Nanneti, qui olim legatus Ludovici XI. ad aulam Romanam fuerat. Urbi Montispessulanæ medicam præstitit operam ibidemque sedem suam sixam aliquando habuit. Rex Carolus VII. eum tanquam medicum sibi junxit, annuoque præmio ter mille quingentarum librarum do-

Jaligny & André de la Vigne & autres Historiens de ce tems-la, recueillie par Mr. Godefroy a Paris 1684. fol. p. 374.

navit; cum tunc temporis annuum primi medici falarium, fummam mille ducentarum librarum non excederet, ut ex variis comitatus regii Ludovici XI. & Caroli VIII. rationibus & expensis annuis comperimus, quae per Gothofredum historiæ Caroli VIII. scriptoribus f) additæ sunt. Super addidit præterea Rex Carolus VII. Fumaeo in subsidium quater mille, centum viginti quinque librarum fummam, cum praedium aliquod coemere instituerat. Rex Ludovicus XI. qui omnes & singulos parentis sui ministros exauctoraverat, Fumaeum sibi servavit, ut curam sui coporis ageret. Hinc a veritate alienus esse videtur ille rumor, quo venditatur, quod Rex fingulos archiatros, qui ultimam parenti fuo medelam attulerunt, multaverit, referente hoc Francisco la Mothe le Vayer g), una cum Petro Bayle, qui praecipue Ludovicum XI. pejori a latere depingit quam forte meruit, Fumaeum vero ultimo illo tempore Carolo VII. regi, auxilium medicum non praestitisse nullibi commemoratur. Ludovicus XI. homines, quorum opera uti vellet, ex eruditione, & naturali ingenii ad omnia dexteritate dijudicabat; neglecto antiqui generis splendore, & prosapiae ministrorum autoritate. Nam id agebat, ut tam nimis potentes regni fui principes, quam & alios proceres, quovis modo sensim comprimeret, quo facto non male successoribus prospexit. Videtur, Ludovicum XI. Fumaeum rebus politicis & publicis ab ipso praepositum, sequenti tempore curae corporis sui agendae, non mancipasse: licet in Indice Archiatrorum Regis Galliae primi ordinis b), nec non in loco Gothofredi modo citato, tanquam archiater Caroli VII. Ludovici XI.

f) vid. idem Lib. p. 704.

& Ca-

g) v. Les Oeuvres, à Paris 1654. T. I. p. 21. v. Phil. Comminant Commentariorum Lib. IX. p. 454. ex Versione Sleidani, edit. 1656.

Essai historique sur la Medicine en France (par Mr. Сномет) à Paris MDCCLXII. р. 19.

& Caroli VIII. falutetur. Notus ille Jacobus Cottier, Po-Ivgniacenfis, e Comitatu Burgundico oriundus, extremo tempore apud Ludovicum folus omni in re valuit, eidemque unice jungebatur; de quo Clarissimus du Clos i) judicat, quod Ludovicus XI. terror alioquin inimicorum suorum totiusque Europae cultum sibi vendicaus, medico suo tamen in totum fere subjectus fuerit. Cottierius cum Ludovico XI. principe nec mitis sane nec optimi animi, qui ministros non prorsus se ad animum & nutum ejus fingentes & accommodantes, mox dimittere folitus erat k), dire agebat; Rex vero imperium ejus patienter sustinebat, licet teste Cominaeo 1. c. alioquin sic ferret ejus consuetudo, ut maximam partem Medicis non ob-Valde enim Rex mortem, quam Cottierius minitabatur si missionem sibi daret, pertimescebat; & in Cor-TIERIO vitae fuae praesidium omne collocaverat, iterata saepius vice jubebat: ut ei graves Summae folverentur, multisque insuper ditionibus & officiis eum & propinguos ornabat 1). Anno postremo Cotterius menstruum sibi stipendium decem millium

i) Du CLOS histoire de Louis XI. Amstel. 1746. 8vo. T. II. p. 369.

k) Cominaeus l. & edit. eit. p. 453. & 455.

1) DU CLOS I. c. Il est porté sur les comptes des tresoriers de l'epargne, que Cottier reçut en moins de huit mois, quatre-vingtdix-huit-mille écûs. Il sut fait
Vice-Président & ensuite prémier
Président de la Chambre des
Comptes, malgré les remontrances de cette Cour.

Le Roi lui donna les Seigneuries de Rouvré près de Dijon, de Saint Jean de Laune, de Brussay dans le Vicomté d'Aussone, de Saint Germain en Laye, de Triel, la Conciergerie du Palais & toutes les dépendances.

P. 472 Medico suo menstruum dabat stipendium, ut supra quoque diximus, decem aureorum millia; nec id modo, verum etiam episcopatum Ambianensem ejus nepoti: & munera publica multa largiebatur ejus propinquis & amicis.

aureorum constituerat. In opere supra addusto clarissimi Chomelii, Jacobus Cotterius Palatii praefectus primus, f. Bailly du Palais & Praeses Camerae ad exigendas rationes institutae, quae plerumque computationum camera vocatur, nominatus est Cum apud principem magna in gratia fuit, minime mirandum, quod spartam adeo splendidam obtinuerit; neque dubitandum erit, praesidium camerae, reddendarum rationum, ei valde utile fuisse: cum ratione ingentis stipendii & aliarum expensarum quas regi faciebat, monita camerae moderare vel rejicere potuit. De vita ipsius, in editione prima Lexici biographici D. Eloy, nullum fere vestigium exstat; in versione hujus Lexici quae anno MDCCLXI. Neapoli italico idiomate prodiit, autore Auberio, pauca quaedam singularia, verum haud obscura vel ignota continentur. Traditur ibi, Cotterium post mortem Ludovici XI. ad restituenda bona quae acquisiverat, coactum fuisse; qua de re quidem Cominaeus & alii tacent, ast du Clos refert, illum ob magnam pecuniae vim quam acceperat, quidem compellatum fuisse. Verum ab eodem autore affirmatur, quod causam suam optime desenderit, cum soluto pretio quodam ei aestimato, quinquaginta scilicet millium imperialium; cum reliqua parte acquisita, secure vitam suam transegerit. Praeter haec nihil est, quod de scientia ejus in re me-Varia Rex Ludovicus ei commisit negotia. dica innotuit. Cum Rex anno MCCCCI XXX. ordinaverat, ut quaedam provinciae loco pecuniae, pro sustentando milite, rem frumentariam & alia ad victum necessaria, exercitibus conferrent & supportarent, praecepit primo suo medico Cotterio m), nec non palatii sui Magistro Galchotio, ut alter in victus qualitatem, alter in quantitatem inquireret. Eodem quoque anno Cottenius delegatus fuit, ut statum fanitatis Cardinalis Balvensis, Episcopi Andegavensis, per quatuordecim annos ab eo in captivitate

m) du Clos Tom. II. p. 318,

vitate detenti, percontaretur, qui a rege dimittebatur, postquam ei Cotterius in favorem Cardinalis repraesentaverat, quod vitae ipsius finis appropinquaret. Sub imagine quadam Jacobi Cotterii ære excusa, e collectione Odieuvriana, notatum deprehendo tempus, quo diem supremum obiit, nimirum annum MDVI.

Ex praedictis inscriptionibus publicis Montispessulanis, quae in facie aedium Collegii Medici leguntur, inter alia quoque patet, quod Johannes quidam MARTINI, patria Gabalitanus, Decanus Universitatis Montispessulanae, Caroli VIII. Consiliarius, Camerae computationum Magister ordinarius, ac primus medicorum fuerit, qui anno MCDXCI. fato functus fit. Alius quidam hujus regis archiater, Jacobus Ponçeau, simili modo Computationum Magister & Regis Medicus & Consiliarius fuit. Ante nominatus Fumaeus occasionem mihi praebet, ut de Gabriele Mirone n) mentionem faciam. Hunc terra Turonensis aeque genuit, deinceps Annae Britannicae, ut & filiae ejus conjugis regiae Francisci I. Claudiae, Medicum primum atque Cancellarium egit. Constat, quod Anna Britannica Caroli VIII. uxor fuerit, quae deinceps vidua, Ludovico XII. iterum nupfit. Tempus, quo Miron munus Cancellarii ab Anna Britannica acceptum inchoaverit, non tam exacte determinari potest. Quodsi illo tempore contigit, quo Anna absente Carolo VIII. dum hic expeditioni bellicae Neapolitanae vacaret, regno praeerat; munus istud Cancellarii, quo Miron tunc fungebatur, omnino ei honorificum, & magni ponderis fuisset. Constat enim, quod Regina quam sapientissime regnaverit, & gloriosum illius imperium praedicatum fuit. Id certe verum est, quod Miron Cancellarii titulo & autoritate munitus, ipsis Januarii Calendis, pacta conjugalia Annae Britannicae Caroli VIII. viduae, cum rege Ludovico XII. inita, fue

n) Chomel l. c. p. 20.

fuo nomine signata confirmaverition Minonem vero non nudum & vacuum Cancellarii titulum gessisse, ex eo patet, quod Rex Ludovicus XII. qui conjugem multis naturae & animi dotibus exornatam, impense amabat; ei plenum non solum viduitatis regiae usums uctum, sed totam quoque Ducatus Britannicio) administrationem & imperium reliquerat.

Non est quod miremur, tam diversa illa munera, quae tunc temporis in Gallia medicis conferebantur. Opus erat omnino, ut deficiente numero virorum eruditorum, illorum opera undique conquireretur; qui expediendis negotiis idonei judicabantur. Ac si Fumeum etiam alios medicos ad expedienda negotia publica adhibuisse, unumque ex his alterum commendasse, credamus; liquet inde, tunc temporis medicos non tam detestanda invidia raptos fuisse, & multum a seculi nostri moribus recessisse. Praeterea cum vel æris inopia impediret, quo minus stipendia justa ad remunerandum laborem definirentur, vel animus principum illo aevo ad gratitudinem adeo proclivis esset, ut medicis, quibus se obstrictos sentiebant, omni modo gratum suum animum declarare vellent: variis inde quaestuosis muneribus, nec minus beneficiis ecclefiafticis, episcopatibus & archiepiscopatibus illos donabant; hinc mihi quoque in Commentatione secunda de Medicis archiepiscopis, episcopis, & canonicis varia tradendi, ansa dabitur. Pro tempore praefenti, folummodo paucis adjiciam, quod Angelus Cottus, Medicus primus Caroli VIII. simul archiepiscopus Viennae fuerit: idem Corrus ille est, cujus nomini Philippus Cominaeus, vir in rerum politica & historiarum cognitione aeque magnus, Commentarios suos de Rebus gestis a Ludovico XI. & Carolo VIII Francorum regibus inscripsit, quantumvis in opere

o) vid. Claudii Seysselii Historia Ludovici XII. ex editione Theodori Gothofredi, Advocati, in lingua gallica cum aliis publicata. Parisiis MDCXV. 4to. p. 101.

2 Sleidano edito, & huic praemissa dedicatione, haud expressum cernatur. Apparet quoque e loco quodam Commentariorum Cominaei p) quod jam Ludovici IX. Regis curam corporis egeric. Reliqua de vita ejus quae innotuerunt statim in initio Tomi II. citatae editionis gallicae Cominaei, legi possunt. In catalogo clarissimi Chomelii primorum medicorum supra citato, Cottus Archiepiscopus, inter medicos Caroli VIII. refertur.

Dignitas Archiepiscopi Cantabrigiensis Britanniaeque Primatis, non dignitatibus ecclesiasticis nude accensenda, verum & inter praecipua illa munera computatur, quae pro regiminis forma ad statum reipublicae regendum, quodammodo pertinent. Patribus regni Magnae Britanniae conscriptis, singulis episcopis, aeque ac secularibus ordine prior est, & post principes e domo regia, primum semper tenet locum. Ex hoc capite regni Cancellarium fummum, Sanctioris confilii Praefidem, magnum Sigillorum custodem, & reliquos omnes coronae ministros dignitate antecedit q). Terras non nullas possidet, ab omni alia jurisdictione penitus exemtas. Licet ab ipfo rege ad hanc dignitatem evectus fit, stylo curiae tamen ab eodem in litteris titulo compellatur: Dei gratia Archiepiscopus Cantuariensis. Ipse vero sibi vendicat titulum: Divina providentia; cum reliquis episcopis verbis modo: Divina permissione, uti liceat. Solio superinsidet, quando Archiepiscopatus munere investitur. Diversis judiciis ecclesiasticis, quae mandatis suis fubjecta

p) Lib. IX. p. 453.

q) v. Etat nouveau d'Angleterre par le Docteur Chamberlaine. Amfterd 1692. p. 223. Guy Miege geist- und weltlicher Staat
von Gross-Brittannien und Irrland. Leipzig 1718. p. 531. seqq.
Küchelbeckers Beschreibung der Stadt London p. 48. Ej Allern.
Nachricht v. Kænigr Engelland 1737. p. 37. p. 137. p. 159.
p. 217. G. W. Alberti Briefe betreffend den allerneusten Zustand
der Religion und Wissenschaften in Gross-Britannien p. 531. seqq.

subjecta funt, praesidet; deinde & illa juris praerogativa gaudet, quod gradus Academicos conferre queat. Varii episcopi munera in aula ipsius & dioecesi, ex antiquo jure administrant. Episcopus Londinensis vices Decani provincialis explet. Episcopus Vintoniensis Cancellarius ejus dicitur, & Rossensis Episcopus Capellani munere fungitur. Praeterea quoque jus illi competit coronandi regem. Hoc absente & extra regnum in itinere constituto, plerumque inter proceres qui regnum administrant, tanquam ordine primus eligitur: quo quidem munere antecessores, Archiepiscopi Potter & Herring, iterata vice functi funt. Antiquiora tempora diversos casus exhibent, ubi penes Archiepiscopum Cantuariensem durante principis minorennitate, vel quoque absente rege tanquam status reipublicae Praefectum, imperii moderamen unice fuit: vel denique interdum titulo Gubernatoris ipsius principis & regnissimul, clavum imperii tenuerunt. Archiepiscopus Cantuariensis semper fere fanctioris confilii membrum est, quo titulo praesidem. ordine antecedit. Archiepiscopus praesenti tempore hoc munere fungens, in suprema Appellationum curia, anno MDCCLXII. instituta, ubi de causis maritimis cognoscitur; statim post principes e regio sanguine natos, locum suum habet. Ex quibus patet, Archiepiscopum Cantuariensem non solo munere ecclesiastico investitum, verum quoque negotiis publicis & politicis, quae regiminis statum attinent, magna ex parte interesse. Tanto major inde nostrae Facultati honor accidit, quod hisce temporibus haec dignitas in Doctorem medicinae collata sit, & operae pretium esse duco, de fatis ejus & vitae curriculo, brevibus nonnulla r) huic commentationi adjicere.

Thomas Seckerus Anglo-Britannus, quod nomen in rubro dissertationis suae inauguralis profitetur, anno MDCXCIII.

vel

r) Genealog. Archivarius 1738. p. 475. id. 1762. p. 230. 1764. p. 230. Alberti l. c. p. 488. p. 546. p 568.

vel XCIV a parentibus Presbyterianis natus, studio theologico ab iisdem mancipabatur; ast medio in cursu studiorum fuorum mentem mutabat, per pluresque annos Edenburgi atque Lugduni Bacavorum studio medico operam impendebat. Praemissa deinceps & ventilata dissertatione inaugurali de Medicina Statica, Doctoris medicinae gradum nonis Martii anno MDCCXXI. Lugduni Batavorum impetravit. Hoc fcriptum eximiae eruditionis ejus specimen refert, quo aphorismi a Sanctorio de Medicina statica proditi, valde limitantur; neque minus observationes Floyerii & Keilii recentiores, in eadem dissertatione brevibus explicantur. Perillustris HALLERUS, foliditate hujus scripti ductus, illud Volumini tertio Dissertationum suarum anatomicarum, nulla facta mentione de mutato docti autoris statu, inseruit. Doctor Seckerus Lugduno redux. artem medicam eximio cum applaufu Londini exercuit; occasionem ibi nactus, qua Comiti cuidam magnae autoritatis & perspicacitatis propius innotuit: hic cum Seckeri eximias animi dotes, facundiam, & in rebus theologicis profundam doctrinam admirabatur, fuafor illi exstitit, ut studio theologico iterum vacaret, & exemplo Archiepiscopi Potteri, aliorumque Anglorum, qui ortum fuum parentibus Presbyterianis debebant, in castra ecclesiae episcopalis transiret. Placuit hoc confilium Seckero, eidemque morem infigni cum fructu gessit; cujus praeclarae dotes ad oratorem ecclesiasticum perficiendum, animus a natura candidus, folida eruditio, probitas fanctissima, quin & ei proprius rerum proponendarum modus & ordo, homines ad pietatem & virtutem alliciens; mox fingulis adeo cordi erant, ut omnes virtutibus ipfius dignum pretium statuerent. Anno MDCCXXXVII. Episcopi Oxoniensis munus in eum translatum fuit, cum Episcopus Potterus ad dignitatem Archiepiscopalem Cantabrigiensem evehebatur, & ni fallor, Seckerus jam antea per aliquot annos alii muneri Episcopali vacavit. q

vacavit. Quantum virtutes ejus singulos movere valuerint, ex inde conjicere licet, quod ipfo illo tempore, quo Epifcopus Oxoniensis suit, simul ad munus primi concionatoris in æde Sti. Jacobi Londini eligeretur. Hoc templum unum e praecipuis est, & cum anni parte dimidia diutius ab Episcopatu suo abesse nequibat; modo viginti sex conciones ad populum per annum habebat, & pro isto labore stipendium annuum octies centum librarum ponderis accipiebat. E quo tamen praemio more anglico, sic dictum Curates, pro reliqua laboris parte hoc in munere praestando, sustinere debebat. Certum est, quod æque penes aulam Regis Georgii II, quam & principem Walliae magna in gratia fuerit: insequenti enim anno statim, cum modo anno praecedente ad Episcopatum Oxoniensem elevatus effet, anno nimirum MDCCXXXVIII. magno illo favore fruebatur, ut non modo Regem felicissime nunc regnantem, tanquam Ducem Cornubiae, nec non singulos ejus fratres atque forores facro fonte initiaret. Tempore adhuc regis Georgii II. post obitum Archiepiscopi, Thomae Herringii, mense Martio anni MDCCLVIII. munere Archiepiscopali Cantuariensi ipsi collato, investiebatur. Summo hoc munere ecclesiastico fungens, anno MDCCLXI. fexto iduum Septembris die, honor illi contigit, ut Regem Georgium III. regiamque conjugem, fecundum anglicanae ecclesiae ritum matrimonio jungeret. Decimo vero die Calendarum Octobris ejusdem anni, magno illo honore fruebatur, ut Regem una cum Regina in coronationis actu ungeret, coronam eis imponeret, aliasque consuetas cærimonias conficeret. Cum die XII. mensis Augusti anno MDCCLXII. regni quidam Proceres, Administrique status, matutino tempore circiter horam quintam convocabantur, ut more in Magna Britannia solito, partui principis Walliae interessent, Archiepiscopus Cantuariensis solus in cubiculo reginae morabatur, cui tanquam medico iste aditus tanto faciliori

liori modo patebat; reliqui vero regni proceres in conclavil huic cubiculo adjacente, foribus apertis tenebantur. Sexto iduum Septembris die apud principem natum, baptismatis ritum peregit; anno deinceps MDCCLXIII. decimo octavo Calendarum Septembris die, principem natu secundum, ducem Glocestriae æque baptizavit, atque hodierno adhuc die Reve-

Inter medicos, qui praesenti seculo quantum conjicere

licet, haud rogati, negotiis politicis sese immiscuerunt, & ut tales tam publicis in scriptis accusati, quam a principibus suis æque publice defensi sunt; primum locum sine dubio meretur celebris ille sanctiori a confilio titulum gerens Archiater, Robertus Areskin: cujus hoc loco mentionem tanto lubentius facio, quanto majus exemplum favoris & amicitiae in illo occurrit, quo princeps ministrorum suorum aliquem, unquam comple&i valeat. Areskinus seu Erskinus gratiae sui principis, Russorum Imperatoris Petri I. valde se commendaverat, nec nudo Confiliarii intimi titulo utebatur. Cum anno MDCCXVII. clandestina & callida confilia inter Lib. Baronem de Görtz, Comitem de Gyllenburg, Comitem de Marr, nonnullosque alios detegerentur; quae id intendebant, ut regnum Magnae Britanniae, ad minimum Scotiae, opitulante astuto & insidioso regni Hispaniae ministro, Cardinale Alberoni, in subornatum, ut ajunt, Regis Jacobi II. heredem deferretur: quod fecundum machinatorum tricas, optime viribus conjunctis Regis Sueciae, Imperatoris Petri I. ac subsidiis pecuniae hispanicae, exequi posset. Tunc temporis inter schedas Comitis de Gyllenburg legati Suecici in aula Londinensi, simulac comprehendebatur, diversae epistolae reperiebantur; quibus de Areskino quaedam inserta erant, ac si sperarent ministri, eum tanquam asseclam principis Stuardi favorem & propensum animum Imperatoris Petri ei conciliare, nec minus pacem cum rege Sueciae eum in

finem jungendam, quovis modo faciliorem reddere velle. Cum totum istud litterarum commercium, Londini prelo mandabatur s) Imperatori Russorum hoc factum admodum displicebat, quod ea quae de Erskino & Imperatore ipso dicta erant, se inscio publicata essent. Ipse desendebat archiatrum in scripto quodam folenni a Wesselowsky t) Ministro suo Londini residente anno MDCCXVII. d. IV. Id. Mart. tradito. Afferebat ibi inter alia, ejus inimicos, ut scelerata sua consilia atque insidias colore quodam speciose obducerent, de Erskino medico Imperatoris nonnulla inferere aufos fuisse; ad infimulandum, ac si cum Comite de Marr litterarum aliquod commercium habuisset, eumque de animi sententia Imperatoris erga Stuardum admodum propitia, persuasum reddere conatus esset. Imperator hoc in scripto, mores sui medici per tredecim annos, quantum temporis curae fanitatis imperatoriae impendisset, bene a se perspectos, laudibus effert; additque, se illius opera, non in negotiis administrandae reipublicae, sed unice illa in re uti, quae ad munus in illum delatum pertineat. Profitetur porro Imperator, & de se ipso affirmat, quod statim ab initio, ubi comperisset, e cognatis sui medici quosdam in crimine seditionis contra regem Britanniae implicatos esfe, omne litterarum commercium cum illis Erskino interdixerit. Quae omnia & fingula prolixiori modo in scripto ante dicto explicantur. Responfum quod die XIII. Calendarum Aprilis, Stanhopius nomine aulae Londinensis dabat; respectu Medici Areskini eo tendebat: ut ostenderet, regi Magnae Britanniae ne minimam quidem suspicionem inesse de eo, ac si Imperator Russiae savore erga fic

Europ. 1717. p. 316 seq. 332 seq. Europ. Fama P. 198. p. 472. p. 202. p. 896. Allgemeine Chronick, Tom. XVIII p. 848.

B. Jwan Nestesuranoy, & Amsterd. T. III. p. 627

Sc dictum Praetendentem ductus, fraudibus Ministrorum Suecicorum assensum praebuisset. Quantum vero ad Areskinum archiatrum, locum litteris impressis insertum, omitti haud potuisse, cum rei necessitas id exegisset, ut imprimerentur tali modo, quo in scriniis Gyllenburgii repertae essent. Interea regem Magnae Britanniae documenta suae existimationis, quanta erga imperatorem duceretur, eo dedisse: quod nullam de hac re querelam ad imperatorem unquam detulerit, licet indicia contra Areskinum adessent, haud exigui ponderis. Infuper & regem in eo totum acquiescere, si imperatori placeret, hanc rem cum medico suo, oblivioni tradere. Alexander Gordon, olim in exercitu Imperatoris Petri Magni Summus vigiliarum Praefectus, qui anno MDCCXV. duce Comite de Marr, tanquam ducis legatus & vicarius, copiis rebellium in Scotia præerat, in vita Imperatoris Petri Magni u), horum scriptorum publicorum mentionem injicit, additis observationibus sequentibus: Verum est, inquit, quod declarationes ministrorum publicorum, in aulis extraneis notae admodum incertae fint, de veris principum suorum consiliis & propositis, cum illi rem esse putant commodis suis valde aequam, ut homines falariis sustentent, qui eorum autoritate sumum pro veritate vendunt x). Gordonius diversis in locis haud obscure prodit, fe persuasum esse, Russorum Imperatorem, quod ad haec negotia spectat, rei conscium suisse; cum contra Pseudonymus ille Nestesuranoy vel potius Johannes Rousset in Annalibus Petri Magni, Imperatorem, quacunque occasione oblata, ab hac suspicione defendere atque liberare conatur. Excepto hoc passu, libro illo Rousseti valde caeteroquin usus est Gordonius, praecipue in iis rebus & factis, quae post annum MDCCXI. historia ipsius continet, quo nimirum anno, postquam impetra-

u) Edit. Germ 1765. p. 162. 175. 176.

x) Ibid, Part. 2. p. 88.

cam missionem ab Imperatore Russorum estagitaverat, in Scotiam se recepit, ut paternis & avitis bonis frueretur. Eventus docuit, quod aula Britannica licet in data responsione prima simulaverit, se iis quae a Wesselowsky proposita essent, omnem habere fidem: Res tamen illa altius reposta nec penitus oblivione te&a manserit. Cum enim bellum illud horribile inter Russiam & Sueciam, post mortem Caroli XII. quasi renasceretur, & classis Britannica sub praesecto Norisio, sese cum Suecica jungeret, & ex hac causa idem Russiae Minister Wesselowsky, vigesimo quinto Decembris die, anno MDCCXIX. Londinensi ministerio scriptum memoriale tradidisset, cujus tenor in vita Petri Magni summatim legitur y). Nomine ministerii Londinensis die VIII. Calendarum Martii anni MDCCXX.regerebatur 2), infidias ab aula Ruffica in caufa subornati heredis regis Jacobi II. structas, aulae Britannicae minime occultas esse: non enim folummodo emissarios & internuncios sic dicti Praetendentis Petropoli susceptos suisse, ex quibus postea Eques Hugh Paterson comiti de Marr affinitate junctus, Eques Harly Stierling, & certus quidam Irnegan nominantur; verum quoque propositiones & consilia illorum non solum audita, sed & suffulta, imo excitata suisse. Praeterea ab Imperatore, Ormondiae ducem Mitaviae protectum; expeditionem bellicam in Norvagiam cum rege Sueciae ideo definitam fuisse, quo ex his oris irruptio in Scotiam tanto facilius suscipi posset, Dicebatur porro Imperator cum Hispanis scedera invadendi causa iniisse, & inter utriusque regni Ministros Hagae Comitum, arcanum aliquod litterarum commercium diu jam institutum esse, hujusque generis alia. Quod vero Areskinus semper hoc confiliorum commercio implicatus censebatur, praecipue inde ortum est, quoniam e gente Scotiae nobiliori originem

ar) ibid, Dark ar profes

z) Idem T. IV. p. 354. 385.

y) Cit. Nestesuranoy T. IV. p. 321, seq.

suam traxit, & Comiti de Marr arctissimo propinquitatis vinculo junctus fuit; Areskini quoque familia tunc temporis Jacobitarum partibus favebat. Comitatum Marr jam a tempore reginae Mariae Stuardae haec familia possidebat, & more recepto, filius Comitis de Marr natu major, titulo: Lord Areskin, salutatur. Prolixius forsan ex actis publicis supradicta propofui; feci id autem, ut ipse lector rem dijudicare & de Areskini confiliorum influxu, quid placeat, statuere queat. Quaedam de vita Areskini, quae mihi innotuerunt, his adjungere placet. Ex antedictis patet, Areskinum anno MDCCXVII. jam trecennalem operam medicam Imperatori Russiae praestitisse. Eodem quin & praecedente anno, idem Imperatorem itineribus in Bataviam & Galliam vacantem comitatus, menfe vero Julio una cum illo ad fontes Spadanos moratus est; ubi Imperator per Areskinum documentum expediri jussit, de insigni utilitate & fructu, quem ex hoc fonte percepisset: & hoc testimonium virtutis aquarum, a magistratu ejusdem loci adhuc hodie a) fancte custoditur, & advenis ostenditur. Ipse Imperator hoc in loco monumentum marmoreum b), prolixa inscriptione ornatum, condi justit. Cum Imperator in Gallia cum Areskino degeret, curiofiffimus ille harum rerum desiderabat, ut Areskinus sibi copiam faceret, spectandae celebris illius operationis chirurgicae, cujus ope miraculi instar cœcis visus restituitur. Respondebat Areskinus voto Imperatoris, & rem ita dirigebat, ut eo praesente Clarissimus ille Wolhousen, homini ex cataracta cœco, eam deprimeret; ac videndi facultatem huic cum maxima Imperatoris admiratione redderet. In itinere Batavo existimationem, quam de celebri Bærhavio concepisset Imperator,

Breslauer Samml. 2 Verf. 1717. p. 428.

b) Les nouveaux Amusemens des eaux de Spaa, par J. P. de LIMBURG à Paris 1763. p. 65. Breslauer Samml. V. Versuch. 1718. p. 1654.

rator, fingulari & principibus inconsueta quadam moderatione indicabat. Borhavius tempus atque horas diei ordinaverat, hunc ordinem sibi propositum ab aliquo turbari, aegre patiebatur, ne unius causa tot aliis tam in studiis quam in consiliorum acceptione impedimento esset. Aestivo tempore post quartam statim horam, hyberno vero post auditam quintam, mane surgebat. Imperator versus noctem in navi quae trahitur, sive liburnica, Lugdunum intrabat; & ne Bærhavio tempore minus opportuno molestus esset, noctem in liburnica prope ad aedes Bœrhavii transegit: quo a quinta matutina ad septimam, quae praelectionibus publicis destinata erat, doctis cum eo colloquiis, de variis naturae & artis miraculis, indicante Schultesio c), vacaret. Interea tamen & haec colloquii causa suisse potuit, quod Bærhavium tunc temporis de valetudinis suae statu consulere, ejusque consilio sibi prospicere voluerit. Qua nimirum de re, in loco infra adducto d) nonnulla feorsim notata leguntur, quorum ab relatione hoc loco merito abstineo. Areskinus de imperio Russico vario prorsus modo meruerat. Infignem illam imperatoris officinam pharmaceuticam Petropoli tam eleganter instruxerat, ordineque suo disposuerat, qualis adhuc hodierno die in conspectum sese offert. Exercitibus, classibusque, imo toti fere imperio ex hoc vitae & fanitatis armamentario prospicitur, & certo respectu reditus imperatoris infigni modo ex hoc fundo augentur e). Ex relatione vero summe Reverendi & Clarissimi Doctoris Büsching, conservandae officinae ab aula centum ac decem millium imperialium fumma quotannis impenditur, & praeter hanc tam nobiles & ductores militiae, quam milites ipsi per annum

e) Schultens Oraison funébre, en Memoire du Grand Hermann Bærhave 1739. p. 44.

d) Breslauer Samml. 1717. Hter Verfuch. p. 428.

e) GORDON 1. c. T. II. p. 178. Nestesuranoy, 1. c. T. IV. p 396.

annum circiter quadragies mille imperiales adhuc conferunt f). Areskinus fontes quoque minerales Olonicenses celebriores reddere conatus est. Districtus Olonicensis lacum Ladogam & Onegam interjacet, ipse vero fons salubris, triginta circiter milliarium intervallo a civitate disjungitur, unde nomen & ipse cum toto territorio accepit. Hoc loco optimae sortis fabricae ferreae totius Russiae, variique generis aliae ibidem exstructae reperiuntur. Jam eo tempore quo Imperator Petrus I. imperabat, in terris Russicis mos invaluerat, ut aquarum mineralium usus gratia, itinera in regiones exoticas susciperentur. Imperator bene perspiciebat, quod non solum hoc instituto haud exigua pars pecuniae e regno profunderetur, verum quoque hujus generis itinera Imperatori tanto magis displicebant, quia eorum occasione turbae & consilia principis Alexii ejusque asseclarum, non tam concepta quam digesta aliisque communicata essent. Quo igitur commorationem apud Olonicensem fontem eo amoeniorem redderet, summo studio omnia adornari, & locum aedificiis exornari jubebat; perfuasus nempe, quod acidulae istae non minoris pretii ulla in parte iis esse valerent, quas terrae aliae exoticae producerent, quin potius illas ceteris omnibus anteferri posse, tunc temporis credebatur. Quaedam nobis de hoc fonte scripta superfunt. Inter alios Georgius Remus epistolam de Aquis martialibus Olonicensibus ad D. J. P. Breynium anno MDCCXX. concinnavit, a quo deinceps hoc Schediasma ipsius Epistolae de Melonibus petrefactis Montis Carmel vulgo creditis, per modum appendicis annexum fuit. Nuper adhuc celebris Chymicus Modelius, in Horis suis subsecivis chymicis, anno MDCCLXII. germanice editis, naturam fontis Olonicensis suo scrutinio subjecit; quo examine cum Doctoris Remi sententia

com-

f) Neue Erdbeschreibung. T. I. p. 654.

comparato conjicitur, quod fontis virtutes sine dubio olim majores, quam nostris temporibus fuissent. Ipse Imperator faepius confessus est, se hoc fonte non sine magno emolumento usum suisse, & Areskinus omnem impendebat operam, ut fons iste inclaresceret. Verum ipse anno MDCCXIX. fatis hoc loco cedere jubebatur, dum eodem morbi genere oppressus fuit, ad quem tollendum iter ad fontem susceperat, cujus aquarum potu se sanitati restitutum iri sperabat g). Gordonus, qui praesens Areskinum bene noverat, de illo testatur, quod vir fuavis, fummae finceritatis & dexteritatis fuerit, dignus utique fide & amore principis sui. Ex annalibus illius Nestesuranoy aeque ac ex commemoratione vitae Petri Magni a Gordono concepta, patet, Imperatorem de existimatione & fide sua in archiatrum, post mortem ejus adhuc signa dare voluisse, dum magna cum pompa, ut exequiae illius celebrarentur, justit. Qua de re singularia ista, quae ad hanc sepulturam spectant, ex autore infra citato h) adducam. Postquam Imperator comperisset, Areskinum Olonitzi e vita discessisse, lacrymis illum profequebatur, corpusque demortuum Petropolin deferri jubebat; oscula figebat corpori delato, & sumtuosum ac magnificum funus ei faciebat ac ordinabat. Non folum ipse Imperator aderat, cum sermo funebris habebatur, verum quoque rem ita disponebat, ut reliqui archiatri, & medici aulae, status & castrorum, instar funus efferentium, de utroque latere loculum com tarentur. Ipse Imperator primus inter lugentes, pullatus pedes incedens, cereum manu tenens eundem sequebatur. Reliqui variae vero & summae conditionis homines, funali cereo in manu exfequias funeris profequebantur. Exfequiis finitis unicuique e coetu funeris com cum, Imforsign fubjecit; quo examine cum Doftoris Remi fentencia

g) J. C. Rieger Introductio in notitiam rerum natural. & artefact
T. I. p. 162.

h) Les Amusemens des eaux de Spaa. p. 354. seq.

perator annulum aureum, cui nomen demortui una cum die obitus incisum i), in memoriam dabat. Rousset autor saepe adductus annalium refert, quod Imperator corpus quidem exanimatum Petroburgum deferri mandaverit, addit, quod in novo coenobio fancti Alexandri Newski, feptem milliaribus Russicis a Petropoli dissito, sepultum sit. Cum do&issimus ille Medicus, Hermannus Kaw-Boerhave, magni Boerhavii ex sorore nepos, Potentissimae Russiae Imperatrici Elisabethae a confiliis status, postea vero e sanctioribus confiliis, anno MDCCLIII. in dignitate Archiatrorum Comitis & Expeditionis f. Cancellariae Medicae Directoris, diem supremum obierat. vi mandati fingularis, & in fignum cultus atque gratiae, qua Magna illa Imperatrix fingulos viros doctiffimos profequebatur, huic quoque solemnes exequiae habebantur, quibus ut Ministri regni, Senatores & exercituum Praesecti frequenter interessent, a Clementissima Imperatrice ordinabatur. In Comitatu hoc exfequiali, folus equitum ex summo Sti, Andreae ordine numerus octo, personas complectebatur; qui una cum undecim equitibus ordinis Alexandri Newski & Stae. Annae. taenia rubra distinctis, multisque aliis Imperii & aulae proceribus, comitatum fplendidiffimum reddebant. Istiusmodi non folum honores, sed & alia virtutum praemia, & largae ac honorificae remunerationes viris doctis & optime meritis his in terris faepe a fummis imperantibus exhibita, magnae existimationis, scientiis & harum professoribus tributae, indicia luculentissima praebent. O quam felix metamorphosis mente vix attingenda illa est, quam in hoc imperio cernimus, ubi alio tempore ob summam superstitionem ac tenebrosam caecitatem populi, artes & scientias caligabant imo despicatui habebant Imperantes! Nondum seculum praeterlapsum est, cum Medicus quidam Daniel de Gadden, magiae & veneficii criminis suspicio-

denen Tumules. in Thogram Buregaeum Tom VII. bidI (i

suspicionem incurrebat, ea nimirum ex ratione, quod rerum naturalium curiofus, cancrum Moluccensem, serpentes quosdam tam in spiritu vini quam arefactos, variaque alia e naturae gremio nata, collegerat. Haec in domo ejus reperta ex causis etiam unam dederunt, cur a seditiosis Strelitzensibus torturae fubjectus & deinceps in partes truncatus fuerit. Contingebat hoc tali tempore, quo vel personae summi generis, imo naturales patriae principes, vita periclitabantur k). Miraculi instar est, si consideramus, quosnam progressus in hoc imperio fecerînt artes & scientiae ab ortu hujus seculi, sub auspiciis Sapientissimi Petri I. usque ad nostra tempora. Minime vero tam celerrimo cursu eos sic properare, increscere & tam late diffundi potuissent, nisi summe imperantes, illos, qui easdem praecipuo modo colunt atque exercent, praemiis & honoribus prosecuti essent. Ut enim contemtus eorum animum & ardorem, qui artes & scientias profitentur, sufflaminat, sic honores & aestimatio eosdem incitant. Haec veritas praecipue, quod supra jam dictum, e Commentatione secunda illiusque nexu patebit, ubi de mediis explicatio dabitur, quorum usus adeo felicem eventum delendae barbariei fere universae, seculo decimo quinto & decimo sexto dedit. Gloriosissima Imperatrix Catharina II. quae felicissime ac cum totius Europae admiratione, vastum illud Imperium Russiae nunc gubernat, efficit non folum, ut bonae artes & scientiae sub ejus sapienti & moderato Imperio floreant, sed eas quoque omni modo inter subditos auget & protegit.

Si favente fortuna, & imperantium sapientia in terris septentrionalibus, hac ratione longius proceditur, complementum illius divinationis a Petro I. oriundae non temere exspectandum erit. In populi sui incitamentum saepius Impe-

k) v. Eigentlicher Bericht, wegen des in der Stadt Moscau 1682 entstandenen Tumults. it. Theatrum Europaeum Tom, XII. p. 441. seq.

rator dicebat, quod artes & scientiae, quae in Graecia olim praecipue celebratae essent, & in Italiam transiissent, nunc per septentrionales terras & per Russiae imperium, rursus in Graeciam tenderent. Variis quidem argumentis alii essato Magni Imperatoris contradicunt, & gentibus, quæ septentrionem versus sitae sunt, omnem spem magnos in artibus progressus faciendi denegant, sed uberius quae objiciunt, in sequenti paragrapho diluam.

Nunc modo ne quis me erroris e defectu memoriae commissi, insimulare posset, si hoc in paragrapho, seriem illorum Medicorum exhibente, quos honoris gradus aliquis spectabilis, inclytos reddidit; Illustrissimum Sacri Romani Imperii Comitem Lestocquium, tacere vellem. Cum vero hoc in campo, jamjam latiorem proposito meo viam emensus sim, de celeberrimo hoc viro ex annalibus hujus feculi tam illustri, id modo adducam; quod natus sit Cellae anno MDCLXXXXII. & sanitatis curam Elisabethae principis filiae Petri I. per XXVI. annos gesserit. Hinc tam eruditio ejus in arte chirurgica atque medica, quam prae caeteris ejus fides & opera gravissima, Imperatrici Elisabethae, cum anno MDCCXLI. solium paternum conscenderet, praestita; suerunt merita illa, quibus Sanctioris Confilii Minister, Archiatrorum Comes, Director generalis expeditionis medicae & facultatis ejusdem nominis, per totum quaqua patet, Russiae imperium, factus est; cum annuo honorario septies mille imperialium, cui domicilium gratuitum, rhedarum & equorum aulicorum usus cum pedissequis & officialibus necessariis jungebatur. A nonnullis Joannis, ab aliis Hermanni praenomine infignitur. E documento quod anno MDCCXLVI. manu sua signaverat, & meum in conspectum dato, titulisque supra dictis referto, comperi: quod praenomen ejus Joannes fuerit, subscripserat Iwan F. Lestocq, cui nomini, Comitis Sacri Romani Imperii titulus eodem in instrumento addebatur. Ex quo tempore enim Consiliarii intimioris ad gradum evectus, statim quoque non tantum Russici Imperii Nobilis factus, fed & postea ab Imperatore Carolo VII. anno MDCCXLIV. d. VII. Aprilis dignitate & honoris titulo, Comitis Sacri Imperii Romani, donatus fuit. Diploma vero, ubi tunc temporis Moscoviae degebat, a legato Imperatoris Lib. Barone de Neuhaufs, d. XXIII. Junii, Lestocquio traditum fuit. Ferebatur quoque, Lestocquius, infigni quodam ordine equestri fuisse ornatus, verum non nisi imago defuncti Regis Poloniae Augusti III. fuit, margine gemmis splendidissimis inclusa, quam a Rege dono accepit, & collo appenfam gerere pro more habuit. Gratiam & favorem Imperatricis fuae perdebat anno MDCCXLVIII. omnibusque muneribus honorificis, stipendiis, ac bonis privabatur, & Kamtschatckam deportabatur. Interim tamen ante aliquot annos nimirum anno MDCCLXII. impetrabat, ut una cum conjuge sua ex illustri Mengdeniorum familia, Petropolin redire posset, quo tempore summus Imperator Petrus, nomine tertius, magna cum gratia eundem suscepit, gladio aureo donavit, & terras olim ab ipso possessas, siscoque jam addictas, largissimi proventus, iterum reddidit. Fata hujus viri, cum recentioris aevi facta fint, plura de his in locis infra allegatis l) legi possunt.

Praeter exempla ista, quorum in supra deductis mentio facta est, majorem adhuc numerum Medicorum designare possem, quorum sides ingenii dexteritas & merita, largo praemiorum munere haud caruerunt, & quos principes sua dignos gratia & amicitia singulari, crediderunt. Sed ex adductis exemplis de medicis, quibus munera publica, Medica a Facultate prorsus aliena, demandata suerunt, satis patet, medici-

nam

¹⁾ Commercium litterar, Noricum, 1742. p. 321. Geneal, historische Nachrichten 1749. P. CXXX. p. 889. seq. Fortgesetzte neue geneal.hist.Nachrichten 1762. Theil III. und IV. p. 227. 286. 288.

nam artem haud esse, quae ingenia indolis praestantioris impediat, quo minus etiam in aliis scientiis, quae prolixiorem rerum apparatum requirunt, inclarescant; confirmant potius eadem exempla veritatem in praemissa dissertatione explicatam, artem medicam philosophia & mathesi fundatam, praecipuum inter scientias locum obtinere, quae acuendo ingenio inserviunt.

Medicorum aliquem proposuimus, qui inter personas ecclesiasticas, in regno, cujus incolae maximam partem, ad normam rationis, suas cogitationes dirigunt, praecipuo honore ac fumma dignitate mactatus, adhuc hodie floret. Nec minus alium, qui fua aetate simul officio summi Jurisconsulti fungebatur. Nec alii defuerunt, qui prisco tempore summis dignitatibus inclaruerunt, neque minus recentiori aevo negotiis politicis vario cum successu se dederunt. Ea vero animi intentione plane careo, ac si medicis consulere vellem, ut sese rebus politicis immisceant, quo in altius honoris fastigium adscendant, quia nec Medica Facultas gravissimis muneribus & dignitatibus caret, ut paragrapho ultimo, docebimus. Sed notum est illud effatum: Fuge ceu pestem την πολυπεωγμοσυνην, cujus veritatem inter Theologos Funccius, inter Jurisconsultos Crellius, & inter Medicos Jessenius a Jessen, tristi suo exemplo confirmarunt. Felix ille utique praedicandus est, qui procul ab aula & politicis negotiis, cum rationis moderamine consilium Paracelsi sequi queat: Nemo sit alterius, qui suus esse potest.

§. XXVI.

Promisi supra, me in hac paragrapho argumenta quaedam relaturum, quae adversus artium & scientiarum ex Italia in terras septentrionales progressum, militare viderentur; quae partim ab exemplo e prisco aevo desumta, partim ex praejudicio, partim ex malevolentia & livore quodam, orta sunt.

Dicunt

Dicunt enim, tempore jam Romanae reipublicae artes & scientias, fenfim ex Graecia in Italiam esse trangressas, ac ultimis reipublicae & primis Imperatorum temporibus, quam maxime ibi, praecipue Romae, floruisse; nullibi tamen legi, quod olim latius fese terras septentrionales versus extendissent: nec hoc recentiori aevo accideret, cum tam climatis vel coeli inclementia, quam bellicosus gentium genius, aditum scientiis & artibus intercludat. Insuper quoque desint in his terris antiquitatis exemplaria, egregia & exquisitissima, quorum ad normam artifices a prima fere aetate delineare, eosque imitari possent; quorum vero copia Italia abundet. Nec minus celebratissimas tabellas pictas, & delineationes maximorum artis magistrorum, in Italia praecipue Romae conservari; & facilius magna ingenia oriri, si statim a principio bona exempla prae se videant. Ratione statuarum & tabellarum pictarum, adhuc monent, religionem catholicam plus dare exercitii pictoribus & statuariis, quam evangelicam, praeterea pictorum phantasiam & imaginationem, sanctorum & miraculorum repraesentationibus excitari.

Si adducta momenta ratione & animo lustrantur, quilibet facile perspiciet argumenta ex coeli influxu petita, nullius sere vel non tanti esse ponderis. Coeli enim influxus adeo celebratus, desiciente ingenii cultura, sere imaginarius & inanis est. Si gentium antiquarum mores, genium, animi habitum, ejusque motus, dotes & assectus ex Historicis colligimus, & consideramus; ac cum recentiorum quae in iisdem terris habitant, modo cogitandi & agendi comparamus: longe eas in eadem coeli regione inter se differre, & plane non eandem suisse gentem, facili negotio cognoscimus. Mutata enim imperii forma, secundum regiminis axiomata & imperantium consilia & principia, quoque populorum mores mutantur, & animi formantur & singuntur. Romana slorente republica,

sub consulum regimine, vastissima saepe regna expugnabantur, & maximi reges & principes Romae in triumpho ducebantur, populus vero Romanus nunquam sub servitutis jugum imperantium mitti potuit. Imo ipso honoris & triumphi die, licitum erat, jocis fic dictis militaribus, laudes & vituperia triumphatoribus aperte & in faciem dicere; ne ob divinum fere eis praestitum honorem elatius se gererent, & supra cives Romanos fe valde elatos esfe, cogitarent. Populus Romanus libertatis ex naturali quodam e majorum dictis & factis excitato impetu & genio, tunc temporis vindex, fervitutem abhorrebat, nec leges sibi praescribi passus est, sed eas toti fere universo dabat. Nunc sub eadem coeli temperatione, hodiernos incolas summae servituti se subjecisse inferunt alii: acervatim eos ad pedes principis monachi vel ecclesiastici, cui summa potestas esset, fe prosternere; sandaliaque ejus, cum summa reverentia exosculari. Eundem illum principem muneribus, quae ex cereis agni effigiebus, lineis globulorum cum appensa cruce, osibus cadaverum ignotorum aridis, & hujus generis aliis constent; plus in animos imperio ipsius parentium efficere, cum famem, penuriam, magistratuum vexationes & aviditatem patienter ferant: quam apud antiquos Romanos ne maximis quidem triumphatoribus, ex confulum & imperatorum numero, congiariis, nummorum larga distributione, frumentatione, ludis venationum, viscerationibus, prandiis solennibus, sive epulis ludorum caufa, naumachiis & hujus generis aliis muneribus successiffet; & diversitatem inde populorum eorumque animi & ingenii discerni licere. Putant quidam, modum cogitandi prifcorum Romanorum ex influxu coeli & umbra priftinae libertatis, nostris quoque temporibus Romae perspici; quia plebs Romana sub regimine sacerdotali nimia libertate frueretur, & ex eo facili negotio agmen fortium & intrepidorum militum construi posse, qui ad majorum exemplum mortem contemnerent, nec plebem ibi foeminis carere, animo & audacia praeditis. Sed de heroibus ex militia papali & plebe recentiori Romana, apud historicos, quantum memini, parum vel nihil legitur, & si unquam homines promptae & insignis audaciae ex plebe recentiori aevo, eluxerunt; hoc certe sub septentrionalibus populis contigit. Coeli insluxus, potentia & vis, etiam ex eo infringitur, cum videmus, Graeciam doctissimorum & sapientissimorum virorum patriam, nunc non nisi rudes & optimis scientiis imperitos, sub eodem coelo *) proferre. Nec minus satis notum est, quod studia & artes, nostro tempore non tali ardore, & celebritate ab Italis excolantur, ut in seculis praeterlapsis sastum esse scientiis palmam fere praeripiunt, & artium samam & existimationem, in ipsa urbe Roma conser-

*) Minime coeli influxum in animos hominum plane negare cupio. Sicut enim natura cuivis regioni dona quaedam diversa tribuit, fic & incolas variis ingenii dotibus ornavit & instruxit. Quae autem neglectae obscurantur, & fub optimo coelo, ut fupra probavimus, plane evanescunt. In liberis statibus & rebus publicis, scientias & artes ad majorem perfectionis gradum evehi, multi quidem contendunt, quia una cum commercio & opibus transmigrare foleant. Agitur vero folummodo de Patrum Patriae cognitione & voluntate, ut in fubditorum animos & naturae dona profunde inquirant, eosque prudenti & apta dispositione & incitamentis validis perfectiores reddant. Sanguinis mixtio fub mitiori & calido coelo peracta, artifices format in arte veloces, qui ob mirabilem ingenii celeritatem, & ob vividam imaginationem, argutias, facetiffimos fales, nec non venustatem quandam & blandissimum aspectum, qui oculos tenet, in operibus fuis oftendunt vel ostendere valent. Eadem vero sanguinis velocitas hos faepe eo perducit, vel ut praecipitatos ingenii foetus, non fatis apte tam regulis artis quam legibus compositionis, aut moribus adftringant; vel ut gratiam & fuavitatem fingularem operibus fuis comparent, veneres naturae in excessium describendo, veritatem ipfam & nobilem fimplicitatem plane negligunt, & verifimilia non vera nobis tradunt; vel infolita componunt indulgendo luxurianti ingenio; vel composita minus apte obruunt; vel concalescenti & perversae imaginationi nimis concedunt, nec ea quae fingunt satis certo judicio ponderant. Vitia, quibus follicita cultura ingenii, ufu artium regulis conscripto, & judicio doctrina maturato, feliciter medetur. Artifices ex hifce regionibus ita instructi, multifaria artis specimina & admiranda femper, exposuerunt. Germania non undique clementi sed temperato quodammodo coelo gaudet. Incolae vero deci es funt & laboriosi Exprobrata iis saepe propensio ad imitandum, cum in externum cultum libenter degenerant, multum in arti-

vant.

vant. Religio Romana in eo quidem plus valet, quod legendae sive vitae sanctorum uberrimas praebuerunt pictoribus ideas, ut ex iis ad instar metamorphosium Ovidianarum, repraesentationes suas componere & exornare potuerint. Tota vero Italia templis & coenobiis abundat, eorumque copia & mole premitur. Templa & aedes imaginibus & statuis resertae sunt, & vix novis artiscibus locus datur, ubi artis specimina collocare possunt, ac pietatis zelus in hoc genere bonorum operum decrevit. Interdum artis dona monstrare valent, si veteres & celebres picturas imitari & eas exprimere jubentur, cum apographa in exteras terras vel a praesectis sucri cupidis, vel a monachis indoctis, clam divenduntur. Doctis vero & artium peritis jam dudum tot essigies Apostolorum, Sanctorum utriusque sexus, centies imo millies repetitae, nec non aeternae

s 2 com-

bus juvat. Felix enim naturae imitatio, una eum oculorum menfura, ad primas boni artificis dotes pertinet. Pingendi fingendique inter Germanos conditores, qui naturam absque delectu, simp'iciter & rigide imitando, quam diligentissime omnia consectati sunt; veracitatem eximiam tradunt: ob cultus vero defectum, austeriores in absolutione & veftium pictura eos fuille, aspectus statim prodit. Genius tamen & propensio Germanorum ad excolendas artes, undique se manifestat, & ex hoc colligere licet, quod laudati inter eos artifiees fuere, qui nunquam Romam viderunt, & absque omni antiquitatum studio & cognitione, & absque exemplaribus recentiorum Italiae artificum, fola naturae imitatione & ductu ingenii fui, inclaruerunt. Quod praecipue in scholarum Belgicae & Germanicae praecurforibus maxime exfplendet. Cum antiquorum opera optima, delectu pulchritudinum naturae maximam famam confecuta funt, & inter haec Graecorum, ob art ficum in delineando fummain accurationein & fingularem vestium ea-

rumque rugarum & finuum expressionem, valde laudantur; data inde occasione, Germani ex ingenio ad imitandum proclivi, fe facile ad tantopere commendatum antiquorum monumentorum studium, formare possent & nunc formant, Eorum itaque Germaniae principum cura, fummopere laudanda est, qui probatissimis antiquorum & recentiorum speciminibus undique collectis, quae inter eos publici fed pravi saporis sunt, emendant; & exemplaria laudatiffima ad imitandum exponunt. Nam absque hac principum provida cura, quae itidem fine folida instructione & excitata aemulatione, manca est; optima delitescerent ingenia & supprimerentur. Injuria Germanis segnities quaedam & desidia imponitur, quando modus cum iis agendi animum comprimit. Artium enim progressui semper morae est, si plus rerum quam animi pretiis excubatur, & artifices Protogenis fatum fubeunt, de quo Plinius ait: Sordebat fuis, ut plerumque domestica. Solertia Germanorum tam in imitando, quam in absolutione operum 26

compositiones ex segendis & metamorphosibus jam exhaustis, stomachum moverunt m), in prioribus rarissime ingenium ultra artem est, & minus intelligitur quam pingitur. Concedendum quoque, quod ingenia artissicum bonis exemplaribus ad imitandum propositis excitentur, quando vero in urbe omnia optimis antiquorum monumentis abundant, indisserenter & sine singulari delectu haec collustrantur oculis; quod gravibus & egregiis testibus n) probari potest. Qui autem rarius exquisitissima artis exemplaria vident, magis moventur, & nobili quodam aemulationis & imitationis stimulo adficiuntur. Cultura ingenii rei cardo est, si haec non negligitur, sed summe imperantium industria & adparatu omni modo producitur, minime dubitamus, quin artium progressus in terris septentrionalibus felicissime, licet lento gradu, succedant. Seculo autem ad mini-

m) vid. Celeb. Winckelmann Gedanken über die Nachahmung der griechischen Wercke p. 39.

n) Winckelmann, von der Fähigkeit der Empfindung des Schönen

in der Kunft p. 7.

ab iis conceptorum, vix confequenda est. Figuras enim omnes in quavis materia imitari audent, artique fummam intentionem impendunt. Artifices inter eos femper extiterunt, qui immenfo labore & cura fupra modum anxia, solam naturam presso pede imitati funt; quorum pares inter alias gentes vix reperimus, exempli gratia Dennerus, Seiboldus ejus aemulus, & Gerhardi Douw inter Germanos imitatores, & alii multi. Certa quaedam gentibus septentrionem versus sitis, imputata cunctatio & tarditas, qua in perficiendis operibus fuis funguntur; iis tempus ad melius omnia dijudicandum fubminiftrat. Germani, quibus cum reliquae septentrionem versus fitae gentes conveniunt, in artibus exercitati, plerumque graves & feveri funt: ingenio vero doctrina magis exculto, artis praeclariffima

specimina exhibent & comparant. Artifices elegantes & concinnos ex eorum gente recenfere, & dicta uberius exemplis demonstrare possem, nisi vitas & merita eorum jam celeberrimi viri de Sandrat, Doppelmeyer, G.W. Knorr, nec non celeberrimus Fuesti, praecipue vero artis peritiffimus & illustris de HAGEDORN, variis in feriptis, cum multo judicio & rara artium cognitione, exposuiffent. Laudandum quoque quam maxime est illud institutum, quo doctissimi autores Bibliothecae elegantiorum scientiarum & artium utilium, incrementum, cultum & augmentum artium promovent, & in artificum doctrinam, omnia & quaevis utiliffima conferent. In eadem faepe celebrium artificum vitas, merita & elogia tradunt; interdum quoque corum opera docte depingunt

minimum opus est, ut totae nationes eo perducantur, ut artis claritate & absolutissimis operibus manifestentur. In Gallia Franciscus I. artium & scientiarum culturam introduxit, sed ab hoc feculum fere cum dimidio praeterlapfum est, usque ad ea tempora, in quibus artes ad quendam perfectionis gradum pervenerunt, licet sub mitioris coeli inclinatione, provido adparatu, multo impendio & omni cura, instituerentur. Atque ad hunc gradum minime pervenissent in statu monarchico, ubi regnantium cogitationes & principia saepe cum unius morte principis mutantur, nisi Ludovicus XIV. ultra dimidium seculum regnasset; qui in administros regni, artium & scientiarum amatores & protectores, recepisset. Nam horum est, in fingula capita & necessaria, quae ad artium incrementum pertinent, sese implicare. Ejusmodi minutiae & apinae principibus excidere folent, quarum tamen neglectu, optima faepe instituta infructuose percunt. Concedendum denique est, quod eo tempore, cum artes & scientiae in antiqua Roma vigebant, ad exteras regiones, ob summam gentium barbariem & inscitiam, non progressi sint; imo ipsa Italia scientiarum & artium fedes,

pingunt & dijudicant. Tam hoc nobiliffimo instituto, quam Collectione illa opusculorum diversorum ad promovendas arres & litteras elegantiores; artium doctrina & cognitio, non folum apud nos, fed etiam apud eos, qui regionum confinio nobis conjuncti funt, provulgatur & clarius perspicitur. Summa autem laus tribuenda est, celeberrimo rerum anriquarum Praefidi, Illustri WINCKELMANNO, qui Germanorum in rebus antiquis peritiam & cognitionem, hucusque apud nos valde neglectam, eruditiffimis fuis feriptis revocat-Eruditorum patriae nostrae gloriam Romae tuetur, & ex amplo ei delato officio, quanti ibidem aestimetur, colligi potest. Multi sunt, qui de Praefidis antiquitatum Romanarum

officio, iniquum conceptum fibi formant; eumque cum visitatore atriensi, vel exploratore, qui merces prohibitas attinet, malevole comparant; licet munere hoc spectatissimi Praelati, & confummatae eruditionis viri, femper functi fint. Describitur i'lud officium in Vita Francisci Bianchini Veronae 1735. edita, qui co ipfe mactarus fuir p. 40. fequentibus verbis: il Papadichiarlo Prefidente delle antichita per metterlo in positura di meglio fupplire alla fua incombenza, giacche uffizio e quello, che obliga a faper d'ogni cava, informarsi d'ogni scoperta, e principalmente invigilare contro l'estrazione, e il trasporto fuori de Roma delli anticaglie, flatue, ifcrizioni, o altro di tal natura.

sedes, harum gentium migrationibus & devastationibus adeo convertebatur, ut Musae ibi per plurima secula tanquam sepultae jacerent: usque dum feculo decimo quinto potissimum, a doctis hominibus graecis iterum revocarentur*); artesque senam una cum litteris renatae, praecipue Mediceorum Principum adjumento & ope, ad perfectiorem gradum apud Italos & postea quoque apud Belgas proveherentur. Horum vero gloria & claritas, etiam Germanos & adjacentes populos incendebat, ut horum vestigia premendo, indefesso studio & nobili aemulatione artibus intenderent animum. Mirandum sane est, quod opera tot nobilissima ex Germanorum, Suecorum imo & Danorum manibus, jam patrum & avorum nostrorum memoria provenerint. Vix & ne vix quidem ultra dimidium seculum circumactum est, quod artes quodammodo principum cura apud Germanos protectae & sublevatae sint, cum summus jam artium in Gallia, tunc temporis animus esset. Nec dubitandum, si tanto impendio & studio apud Germanos artes fuffultae essent, eorum artifices ad optimos artis magistros fuisse accessuros. Eo magis nunc velocissimum artis progressum, in terris septentrionem versus sitis, sperare possumus: cum non solum Patres Patriae se musis delectant, sed omnem quoque lapi-

*) Seculo jam undecimo pictores graeci, musivarii, sed rudes & inconditi, Florentiae degebant, inter quos, quantum memini Apollonius quidam fuit, reliquorum nomina in occulto latent. Inter Italos seculo duodecimo Margaritonus Aretinus, innotuit. Seculo decimo tertio, varii inclaruerunt, inter quos Joannes Cimabue eminet. Jam tunc inter Germanos, celebres sui generis suisse pictores, extra omne dubium positum est. In eo autem famae suae male consuluerunt, quod artis gloriam, plerumque fragili materiae commiserunt. Encausticen enim apud eos tunc temporis maxime sloruisse, ex relictis quibusdam

ad hunc usque diem rariffimis picturis, in tabulis fenestrarum vitreis, veterum sacrarum aedium, sacellorum, & domorum quarundam, satis notum est. Dolendum vero, quod antiquitatum Germaniae, praecipue monasteriorum historiae scriptores, plerumque artium ignari, picturas tam in vitris, quam in altaribus & epitaphiis quae tunc temporis eis ornabantur, repertas, neglexerunt. Ex codicibus & missalibus monachorum manuscriptis, cum figuris varie pictis, eriam quaedam de artium apud Germanos medii aevi conditione, & statu, explicari possent.

lapidem movent, varioque conatu & aufu rem adgrediuntur ut in regnis suis artes una cum scientiis diffundant, easque perfectiores reddant. De Russici imperii metamorphosi felicissime progrediente, supra jam memini. In Suecia artes ingenuae & fructuosae, ut & scientiae regno salutares, quovis modo producuntur, ac subditi praemiis ac honorum incitamentis inflammantur. Nec minus in Dania Musae mansuetiores omni studio & cultu perficiuntur. Nobilissima & non satis laudanda, principum qui clavum imperii tenent, instituta, quae ad artium & scientiarum incrementum, Viennae, Dresdae, Monachii, Manheimiae, & apud nos suscepta sunt, sapientum Germaniae animos, qui patriae amore ducuntur, gaudio & voluptate perfundunt. Nec est quod querantur artifices, Germaniae deesse probatissima monumenta, & exquisitissima exemplaria & specimina artis antiquae & recentioris. Infignis rerum antiquarum thesaurus Dresdae in usum artificum & amatorum patet. Monumenta enim antiqua, quae olim Porticum Chigianam Romae ornabant, nec non statuarum quarundam apparatus, ab Alexandro Albani, Principe Sedis Romanae Ecclesiae Purpurato, coemtus; ut & tabularum pictarum pretiofissima collectio, quae olim Ducis Mantuani erat, ibi non folum affervantur, sed artificibus quoque fructum inde capere licet, quem novum Academiae artium institutum valde promovet. Baro de PLAT, & Confiliarius Camerae intimus, de Heinecken, magnam gratiam ab orbe erudito & amatoribus inierunt; cum eorum opera tam statuae illae antiquae, quam tabellae pistae, delineatae & aeri incifae innotuerunt. Ecquis est, quem fugiat, quanto cum successu Rex noster Sapientissimus, cujus laudem nulla unquam obscuratura est oblivio contendat: ut artes & scientiae in terris suis crescant? Finem disserendi non invenirem, si vires meae ad extollendum laudes optimi Regis in hoc studio sufficerent. Ex innumeris tamen aliis unam folummodo rem, exem-

exempli gratia proferam. Quis quaeso unquam ante hos triginta annos cogitaffet, quod in his terris tot rariffimos antiquitatis thefauros, tot recentiorum artificum felectiffima opera, inventurus effet? Tabularum pictarum nova collectio, quae in spatiosissima & splendidissima porticu imaginum, eique adjacente interiori conclavi, Villae regiae prope Potsdamum, confervatur; omnes artis peritos admiratione & voluptate perfundit. Quis enim Musarum amicus, in pretiosissima porticu, opera selectissima Leonardi da Vinci, Raphaelis Urbini, Antonii Allegri de Corregio dicti, Titiani Vecelli, P. P. Rubens, Antonii van Dyck, Julii Romani, Guidonis Reni, Lucae Jordani, Ciroferri, Caroli Marattae, Guercini da Cento, Julii Caesaris Procaccini, Pauli Veronensis, Andreae del Sarto, Pauli Rembrand, Joannis Lyvens, Joannis Rothenhammeri & aliorum, fine admiratione & fummo oblectamento contemplabitur? In adjacente autem interiori conclavi, opera fummo artificio elaborata & perfecta, Adriani & Petri van der Werff, Casparis Netscheri, Hannibalis Caracci, Nicolai Poussin, Jofephi Spangoletti, Eustachii le Sueur, Nicolai Lancret, Gerardi Douw, Govarti Flynck, & aliorum; tabulae quoque minoris formae, arte confummata celeberrimi Petri Pauli Rubbens confectae, omnem admirationem movent, oculosque firmiter tenent. Harum omnium catalogum, Vir clarissimus & harum rerum peritissimus, Matthaeus Oesterreich peculiari libro, & earum ordinem, quo in lumine collocati funt, duabus tabulis sculptis, edidit. Picturae quaedam artisiciosissimae musivi operis, in eodem conclavi conservatae, his adjungi debent: quarum prima Pfychen Raphaelis imitatur, altera Mariam virginem cum filio, ad exemplar a Carolo Maratta pictum. Utraque artificio Alexandri Cochii, Romae confecta est. Nec desunt Potsdamii, in palatio regio, & in variis cameris Villae regiae, supra memoratae, quae a deducendis curis

curis nomen habet, varia celeberrimorum pictorum monumenta, inter haec etiam diversa, quae penicillo Clarissimi WATTEAU efficta funt, multum laudis merentur. Varia quoque triclinia & oeci regii Berolinensis palatii, nec non Charlottenburgensis, picturis, utique egregiis locupletantur; quae solida descriptione dignae sunt. Antiquitatis vero & nummorum cimelia, quae tempore Gloriosissimi Regis Friderici I. comparata funt, a Begero in tribus Voluminibus Thefauri Brandenburgici, in libro de Lucernis sepulchralibus, in multisque aliis eruditissimis scriptis, docte recensita & explicata, Berolini videri possunt. Quanto autem cum studio antiquitates, quoad ejus fieri potest, incorruptae & pretiosissimae undiquaque colligantur, elucet ex eo: quod nuperrime quoque pretiosissimus ille, & in toto orbe litterato, celebratus thesaurus gemmarum incifarum, Philippi L. B. de Sтosch, cujus catalogum celeberrimus Winckelmannus composuit, & doctissimis cum animadversionibus MDCCLX. edidit, ab optimo Rege emtus sit, & Potsdamii conservetur. Ex statuis antiquis, quae palatium regium Charlottenburgi exornant, unicam fere sui generis collectionem commemorare satis erit, cui praeter Niobes familiam, quae ex quindecim statuis constat, in hoc genere nihil comparandum esse creditur. Lycomedis hic intelligo familiam, quae ex decem statuis constat, & Lycomedis uxorem, septem ejus filias, una cum Achille & Ulysse refert. Totam illam historiam Achillis ab Ulysse detecti, politissima arte, cotporis, habitus, gestuum & mentis expressione, repraesentant. Ceciderunt quidem hae statuae in Clarissimi Abbatis WINCKEL-MANNI vituperationem o) sed de hac alibi. Ex Pario marmore, decenti & naturali fere magnitudine, fictae sunt graeci operis

o) Abhandlung von der Fähigkeit der Empfindung des Schönen in der Kunst p. 19. Geschichte der Kunst des Alterthums p. 384.

dignae fama. Tam in corporum quam vestimentorum expressione, praecipue autem in Achille, eleganter omnia composita funt. Gracile & juvenile corpus habitu muliebri, sive tunica manicata tegitur. Rugae & plicaturae summa perfectione elaboratae, & tam scite dispositae sunt, ut occultatus sexus transluceat. Pedes dum ponit & movet, retrusa stola & revolante palla, actionem Achillis cum hasta & clypeo exsilientis, egregie exprimit. Si nostris temporibus eruta esset haec statua, opinantur multi, quod rerum antiquarum peritissimi vix aliam interpretationem daturi fuiffent. Cum eodem loco, ubi Achilles effodiebatur, non folum septem vel octo aliae figurae diversae aetatis, quod ex corporum & membrorum varia proportione luculenter apparet, virginali habitu & vestitu distinctae, nec non una, aetate jam provectiori & matronali habitu induta, in his quoque alia viri adulti statua, simul sepultae adjacerent: Quid mirum, si haec primo possessori, antiquitatum rimatori eximio, & artium minime imperito, suspicionem injecerunt de Lycomedis familia hic detecta. Comprobata haec forsan est, repertis simul ibidem variis fragmentis rerum, quae nunc hisce statuis cum nova manu restituerentur, attributae funt. Mille fine dubio superfunt antiquarum rerum monumenta, quae longe minori verisimilitudine, imposita eis nomina & fignificationes merentur, & reprehensione ca-Achillis ab Ulysse agniti historiam jam apud Graecos artis objectum dedisse, ex Plinii libro trigesimo quinto comperimus. Athenion enim Maronites, Glaucionis discipulus Achillem virginis habitu occultatum, Ulysse deprehendente, Athenis in pictura celebravit. Sic Niobes familiam quae itidem in statuis expressa est, antiqui artifices tam picturis, quam in marmore, opere anaglypto, imo statuas ipsas, plus simplici vice caelarunt. Lycomedis familia non omnis graeci operis est, duae enim statuae ex manibus prisci Romani artificis prodiere,

diere, quod eodem modo in Niobes familia accidit, cujus integritatem genuinam, ex hoc argumento infringi posse, Clarissimus Winckelmannus p) multis rationibus negat. Infitiandum non est, quod temporis injuria & barbarorum vastationibus hae statuae varie & valde mutilatae sint. Fatum, quod nec innumeris aliis antiquitatum praeclarissimis monumentis, nec Niobes samiliae pepercit; quae pari modo multum detrimenti accepit, & recentiorum artissicum manu huc & illuc restituta est, imo de genuino capite ipsius Niobes, adhuc inter artis peritos, magna lis est q). Si omnes illae statuae *) quibus caput, nasus, brachia, manus, digiti, pedes, & alia membra vel adglutinata, vel statuarum trunci qui recenti manu redintegrati

p) Geschichte der Kunst und des Alterthums p. 336.

q) Anmerckungen über die Geschichte der Kunst Præf. pag. XIII.

*) Nec confractae Statuae ufu fuo carent, Variae enim antiquorum monumentorum reliquiae superfunt, quas tam arte periti, quam artifices ipsi magni aestimant, & ad imitationem & exercitium proponunt, & fummopere commendant. In multis statuis licet brachia, caput, pedes aliave membra restituta fint, tamen artis praestantia valde celebratur, ut supra quibusdam operum celeberrimi Winkelmanni locis citatis, monstravimus. Ex contemplatione trunci, statuae, singulari artificio operaque perfectae, artis antiquae peritissimum tandem mente commotum scimus; qui antea iterata & faepius repetita vice, fine fingulari affectu eundem viderat. Loquor de trunco illo ex marmore albo valde celebrato, qui rerum antiquarum peritis negotium faceffivit. Romae in Vaticano in area feparata, quae ad horrum Belvedere pertinet, * juffu Julii II, ponebatur, nunc fub

tecto, cancellis ferreis cinctus, Papae Innocentii XI, cura, conservatur. Opus est Apollonii Athenienfis. Caput, brachia, pedes imo & pectus ** defunt, Nihilominus ex relicto trunco, du Bos *** & alii, nescio ex qua ratione, dijudicarunt eum fuisse militis, qui cum aliis (in quibus fic dictam Pasquini mutilatam statuam quoque fuisse) Alexandrum fauciatum extuliffet, & totum Symplegma ex uno lapide constitisse. Alii ex parte pellis leoninae dorso adhaerente, ut Blainville in Itineribus suis notat (de qua reliqui vero filent) de Herculis proni statua conjecturam ceperunt. Alii, inter quos celebris ille Bernini, Herculem Joles amore captum & file ducentem in eo viderunt, Michael Angelus Bonarottus, celeberrimus nec unquam fatis laudandus artifex, hunc truncum ob excellentiam operis semper magni fecit, & de fumma arte & ingenio acuto, quo factus fit,

An Account of Some of the Statues cet. by Mr. Richardson. London 1722. 8vo p. 281.

^{**} Bibliotheck der schönen Wissenschaften Vol. V. p. 33.
*** Du Bos, Reslexions critiques sur la Poesse & sur la Peinture, sixième Edit. T.I. p. 519.

clarissimis suis ornamentis orbata, lugeret. Solummodo ex celeberrimi Winckelmanni operibus r) longa series, optimarum capite, brachiis, pedibus cet. mutilatarum, recentiori vero manu resectarum, statuarum extrahi posset. Imo ipse satetur s), ne unam quidem ex pulcherrimis superesse, quae manibus assabre & venuste essistis gauderet; cum omnes manibus & plurimae pedibus genuinis careant. Nam se ex artis usu & acquissita sibi cognitione, regulam universalem formasse ait, quod statua-

r) Geschichte der Kunst &c. Præf. pag. XIX. item pag. 43. 44 56. 66. 162. 182. cet. von der Fähigkeit der Empfindung des Schönen p. 18. 19. cet.

s) Geschichte der Kunst &c. p. 182. Anmerckungen über die Ge-

schichte der Kunst &c. Vorrede p. IV.

multum praedicavit. Omnes nunc ob fingularem operis praestantiam, & heroicam expresfionem partium cum eo conveniunt, quod reliquiae fint Herculis sedentis Statuae. Idem ille Bonarottus proplasma Herculis sedentis, & ferio agitantis fecum animo, ad hujus typum in cera formavit * quod hodie adhuc Florentiae confervatur, Aliae adhuc Statuae in hac area, ut notum est, conservantur; quarum aspectus & contemplatio, tam optimorum artificum quam poetarum aliorumque pereleganti promroque ingenio praeditorum, imaginationem valde incitarunt, ur Laocoonis, Apollinis, Cleopatrae, Antinoi & aliorum, quae multis & variis carminibus laudarae funt. Inter omnes vero celeberrimus & ob antiquitatis Studia multa laude extollendus Abbas Winckelmannus ** illud dorfum, Italis il Torso dictum, maximo cum adfectu & poetico animi inflatu, & imaginatione

incensa, descripsit; cujus apotheosis hujus trunci, legi meretur. Cum laudatissimo autem Viro in eadem fum fententia *** quod ad fenfum & perceptionem pulchriacquirendum, non Pegafo opus fit volitante, fed Pallade ducente. Nam fervidum & velocissimum ingenium ad venusta percipiendum, non femper est aptissimum. Pro imaginationis enim luxuria & viciffitudine, pulcherrima interdum frigide intuebitur, & mediocriter pulchra, quae fibi pulcherrima fingit, & cogitatione depingit, maxime extollet. Imaginationi enim indulgendo a veritatis tramite multi seducuntur, ficta, interdum ne verifimilia quidem, fed inter fe pugnantia tradunt. Unde patet cur integri & ingenui ex his remittente impetu & fervore illo, fententias fuas faepe moveant, corrigant, emendent, imo ab iisdem plane interdum difcedant.

* Richardson l. c. p. 75.

** Biblioth. der schönen Wissenschaften Vol. & pag. cit. & Geschichte der Kunst und des

Alterthums. p. 161.

*** Von der Fähigkeit der Empfindung des Schonen in der Kunst. p. 13, 14.

statuarum partes a corpore distantes, praecipue brachia & manus iisque indita & attributa, novi sint operis, quod etiam in Venere illa Medicea, in Apolline, qui in Belvedere confervatur, aliisque praeclarissimis accidit, quarum manus novi artificis opus funt. In restituenda Lycomedis familia celeberrimus artifex Lambertus Sigisbertus ADAM*) feliciter omnem impendit operam, ut veterum vestigiis insisteret; eorumque artem absolutam, pro viribus exprimeret. Mater & quinque filiae ex familia illa Lycomedis cum Achille & Ulysse, Charlottenburgi splendidum Regis triclinium adornant, reliquae duae filiae una cum variis imaginibus marmoreis, in oeco faltatorio proxime adjacente, confervantur. Olim vero hae statuae decus & ornamentum Villae sumtuosae C. Marii Consulis & Triumviri Romani attulerunt, & follicita cura Cardinalis de Polignac MDCCXXIX. prope Frescatum detectae, ac in Galliam cum multis aliis ibi repertis monumentis, translatae funt; postea una cum reliquis ab eo collectis veterum artificum operibus, emtione in possessionem optimi Regis venerunt, & proparte ous cousiem opens g et a fromett, de virgili , in ton

") L. S. Adam fenior, raram & egregiam monumentorum antiquorum collectionem reliquit, quam ipfe delineavit, & una cum quinque aliis Signis ab eodem in marmore sculptis, a variis & celeb. chalcographis e g Tardieu, Surugue, le Bas, Fessard. François, le Mire, Chevillet, Defehrt aliisque in LXII. tabulis aeri incidendam curavit, eamque Parifiis MDCCLV. in folio, ut vocant minori, edidit. In hac non folum num. XXXVI. una & quidem octava ex filiis Lycomedis, graeci operis ex marmore Pario, fed quoque Hygiea quae Ifis ibidem num. XXXVIII. vocatur, ex marmore Pario graeci operis, nec minus Aefculapius operis romani num. XXVI, conspiciuntur. Plurima pars vel in monte Palatino, ex ruinis palatii Neronis, vel inter Romam &

Frescarum, in Villa Marii detecta est, ut in prologo libri explicatur. Hisque ex collectione Cardinalis de Polignac ab haeredibus, tanquam praemio, quod dicunt, adfectus eft; quia in restitutione statuarum musei Cardinalis, multum temporis & laboris post reditum in patriam confumferat. Reliquam partem Romae per decem annos moratus, undique acquifivit, & Parifios transportatam totam collectionem venalem proposuit. Artis suae fpec mina eximia & praeclarissima, in Gallia variis in locis praecipue in hortis regiis, & apud nos Potsdamii in villa vel potius vinea regia, una cum operibus celebris & egregii Joannis Baptistae Pigalii, Adami junioris, & aliorum noftri aevi fummorum artificum, conspiciuntur.

parte domus regias Charlottenburgi & Potsdamii ornant. Eminent praecipue: Isis, altitudinis quinque pedum & sex digitorum, ex marmore Aegyptiaco nigro, operis antiquissimi, cujus pectus in media & superiori parte perterebratum est, commode in excavationem digitus immittitur. Julii Caefaris praeclarissima essigies pectore tenus in marmore elaborata, Julia Augusti filia ex marmore Pario, Apollo ex eodem marmore, Infans astragalis ludens exquisitissimi operis. Tria lsidis capita ibidem vidimus, duo ex his ornatu circa aures alato teguntur. Tertium vero textis & cincinnatis capillis conspicuum est, cujus reliquum corpus cum novi operis capite ei imposito, Romae in Capitolio conservatur. Nam statua illa multo ante jam reperta, verum deinde caput postea in Villa Hadriani apud Tiburim t) cum multis aliis-statuarum confractis & disjectis reliquiis & fragmentis, in piscina detegebatur, inde in museum Cardinalis de Polignac translatum est. Statuas Minervae, Homeri, Platonis, Senecae, pectore tenus efformatas, caput Alexandri Magni, praeclari operis anaglyptici; nec minus ejusdem operis capita Homeri, & Virgilii, in forma numismatica, omnia fere ex marmore Pario, nominasse nunc sufficiat. Haec cum sexcentis aliis praeclarissimis priscae artis reliquiis, vasis marmoreis, porphyriticis, aeneis, scitissime elaboratis: menfarum tabulis, e marmore porphyritico, numidico, ophite, jaspide, granite, alioque pretiosissimo, nec minus variis mensarum tabulis operis musivi & tessellati, lapidibus pretiosis in marmore vermiculatis, e ruinis villae Hadriani erutis, & multa reliqua, quae hic praetermittere cogor. Totus ille thefaurus, ampla recensione & delineatione rei & artis antiquae periti, dignus foret, tunc quoque a Clarissimo Winckelmanno prolata, exactius discuti possent. Lycomedis fatuam nec hic videri, nec in Museo Poligniacensi unquam exfti-

¹⁾ Winckelm. Geschichte der Kunst &c. Tom. I. p. 56.

exftitisse adsirmare possum, quod ex catalogo musei ab heredibus typis impresso quoque patet. Lectorem benevolum,
ut ea, quae de hac familia proposui, una cum essato decisivo
ejus, qui summum in hac re agit arbitrum *), conferat, rogo;
& ipse judicet. Modum excederem, nec tam facile de toto
hoc antiquitatis thesauro dicere desisterem, si propensioni meae
ad antiquitatum studia hic indulgere vellem. Sed Aesculapium
& Hygiaeam ex hac collectione praetermittere nequeo, quas
quidem statuas, semper maxima cum voluptate contemplatus
sum. Aesculapis statua e marmore albo quod Itali, marmo salino, alii Pentelicum vocant, sculpta, in sex pedum & quatuor
digitorum altitudinem eminet. Adposita ad dignitatem statura

eft.

1) Ipfe fatetur Vir celeberrimus, quem re vera magni facio, in Praefationis Adnotationum in Historiam artis antiquae, pagina prima: se partim ex vitio memoriae, partim ex commoditatis studio, ut longae interdum in revisendo parceret viae; nobis varia in scriptis fuis indicasse, quae in rebus minutioris curae, a veritate desciscerent. His adjungere quoque poruisset Vir clarissimus, se humana quaedam passium esse in hoc, quod interdum vel ex pruritu contemnendi, vel ex levitate quadam, in dijudicandis operibus artis, fretus folummodo aliorum iniquis narrationibus, decreta absoluta constituisset. Non absque veritatis & alioium famae offenfione. Accidit hoc in rebus quibusdam artis confummatiffimae, quas nunquam oculis fuis vidit. Dura haec funt & ingrata, quae non fine animi mei molestia, amor artium & veritatis studium extorquent. Longum enim & criticum exhibuit catalogum, in Commentatione de Capacitate dijudicandi & persentiendi pulchrum, in arte, p. 18 feq de iis operibus praestantissimis antiquae artis stamariae, nec non de pretiofis Raphaelis picturis, quae extra Romam & Italiam celebrantur. Acriter

hisce perstrictis, quorum omnium minimam vel nullam partem hucusque vidir, plurimam tamen pro nihilo ducit; denique hisce suppofitis, concludit: quod folummodo Romae pulchri fenfus perfecte planeque expoliri poffit. De monumentis, quae apud nos conduntur, & fupra in paragrapho laudavi, nobiliffima quaedam opprimit filentio. In cenfum vero defert Lycomedis familiam, de qua supra quaedam monui, porro statuam sedentem infantis aftragalis ludentis, de cujus vero laude & praestantia nihil detrahit, & picturam denique Raphaelis, cujus fequentibus verbis mentionem facit: "Raphael quidam fic dictus, ,, quem Rex Borufforum abhine aliquot annos, "ter mille Scutatis, monerae Romanae emi-"jufferar; hic loci a nemine artis gnaro, pro " opere ejus habitus est, quare etiam ut scripto "testimonio cum verum esse Raphaelem testa-"rentur, obtineri non potuit."

Tot verba, tot falsa. Tres apud nos collustrantur Raphaelis pictae tabellae, illa musivi operis non computata. Loquitur sine dubio de Sancta Familia, quae Romae ante hos decem annos, & quod excurrit, emta est, & in catalogo collectionis regiae, supra me-

morato.

est. Unde Callistratus quidam unus ex veteribus Philosophis, qui, ut ab Oleario creditur, Demosthenis, vel ut aliis placet, Plutarchi tempore vixit, & descriptionem quatuordecim statuarum, quas suo tempore vidit, reliquit, idem de hac statua enarraret, quod de alia Aesculapii, quam ante oculos nabuit, locutus est u): "Mihi igitur quidem, inquit, simulacrum non "esse videtur, quod cernitur, sed veritatis opus. Ecce enim "ut non indolis imitatrix ars sit, sed imagine Deum repraesen—, tans in ipsum quasi materiam vertat. Materia nimirum quae "sit, divinum spirat sensum: manusque opus quod sit, id ea

u) vid. PHILOSTRATI Opera ex edit. G. Olearii 1701. In fine Callistrati descriptiones statuarum adjectae sunt.

morato, describitur. Cum omnia ea quae genuinum illud esse exemplar probant; dum haec fcribo, in manibus & ante oculos habeo: artium & veritatis amore ductus; rem totam ex testimoniis authenticis & certissimis explicabo. Vir quidam hujus loci, qui tunc temporis amplissimum & late extensum faciebat commercium; suo periculo picturam illam Raphaelis, quae fanctam repraesentat familiam, a familia Luciani de Cassolis, teste apochae d. d. Romae MDCCLVI, die XVIII. Maji, manu figilloque hujus familiae munita, foluto pretio trium millium & quadringentorum Scutatorum monetae Romanae five MDCC Ducatorum monetae Belgicae, fibi comparavit. Non opus erat, ut testimonia artis peritorum, Romae degentium, emtor fibi expeteret. Jam enim anno MDCCXLVI. d. XVIII. & XXI. Septembris celeberatissimus ille pictor & arris fuae peritiffimus, Eques Petrus Leo GHEZZI, nec non Academiae pictorum gallicae, quae Romae floret, Director, Johannes Franciscus de TROY, firmissimis & fanctissimis testimoniis, manibus eorum feriptis & fubscriptis, quod Raphaelis fit exemplar genuinum & probatissimum, communiverant. Horum virotum nomina, laudes & merita, in scriptis biographicis artificum, exempli gratia apud Dargenvillium, Guarientum, Fueslinum, & alibi leguntur; eorum vero integritas & peritia hucusque intacta & a nemine laefa, mansit. Apographa illa non folum figillis virorum celeberrimorum Ghezzi & de Troy funt munita, sed quoque coram Caufarum Curiae Capitolinae Notario Publico, Dominico Fabiano de Graffis, ejusque fubstituto, Alexandro Soldino, comparuerunt, die XX. Maji MDCCXLIX. quatuor viri spectatissimi, ibidem fuse nominati; qui manus corum recognoverunt, seque de Ghezzi & de Troy charactere & subscriptione plenam notitiam habere, afferuerunt. Unde Notarius substitutus, ipsium autographum, publica autoritate firmavit. Nec deeft quoque horum omnium aliud exemplar descriptum, quod tabellionis publici, Cafparis Nicolai Diamillac, testimonio, Romae die XXI. Octobris MDCCLV, justin in codem sic nominatae, Illustriffimae Dominae, Victoriae Luciani de Caffolis, exhibito, autographi autoritatem nactum eft. Ex epistola quadam hujus familiae, quam apographam in manibus habeo. "tamen quae artis operibus minime praestare liceat praestat, "reconditorum animi sensuum gignens indicia." Romani, ut conjicitur, artisicis opus est. Ac licet tot annos quoque in villa Marii sepulta jacuerit, tamen parum damni secit. Callistrati igitur verba itidem hic conferre possumus: "Caeterum cum "ea quae oriuntur, interire soleant, forma signi ut quod sanita, tem ipsam contineat, vigorem intemeratum possidens, viget." Habitu pervulgato viri senis palliati, dextra manu coxae, & sinistro latere baculo nodoso innitentis, cui serpens circumvoluta est, Aesculapius comparet. Cincinni circa caput ordine quodam eleganter rejecti sunt, & ultra nucham vix dessectuntur. Barba densa est & fruticosa, non vero, ut in quibusdam sed

habeo, adjungere possem, summam quater mille scutatorum monetae Romanae, a magno quodam principe, jam antea oblatam fuisse. Nec difficile foret, in apricum ponere, quibus tricis & cavillationibus administer e negotio fe moveret, cum tunc temporis aliis obstrictus expensis, versuram facere non poterat. Sed haec filentio praeteribo, occasionem interim hae tricae dederunt, ut subscriptiones Ghezzi & de Troy, publica autoritate corroborarentur. Satis est, quod artis peritissimorum testificationibus, litteris confignatis & publica fide corroboratis, infimulationes iniquae depelluntur. In majorem rei fidem, artium amatoribus, ipfa verba Ghezzii & de Troy tradam: Jo fottoscritto avendo considerato, & offervato un quadro, che rappresenta la santiffima Vergine con il bambino, che siede fopra le ginocchie della medefima in atto, di far' carezze à S. Giovannino, che sta in ginocchioni con le mani piegate, e dietro alla Santissima Vergine vi stà S. Elisabetta, & in diftanza S. Gioseppe di altezza palmi cinque, & e di larghezza palmi quattro e mezzo, dipinto in tavola con cornice di noce intagliata, filettata d'oro, posseduto in casa dell' Illustrisfima Signora la Vittoria Lucian Cassola, e secondo il mio parere, lo stimo del celebre Raphael' da Urbino, quando mutò la fua maniera, avendo veduto le operedi Michel Angelo Bonaroti, quando operava nel Vaticano, e subbito lasciò affatto la sua maniera secca che haveva, e fecondo il mio giudizio lo stimo originale del detto autore, & e intatto, fenza esser' mai ritoccato nelle scrostature, mà è tutzo intatto. Circa poi per averlo da apprezzàre lo lasciò alla considerazione di quello, che lo vorrà possedere, perche gl'huomini di questo valore, non gli si puol' dar' prezzo perche non vi e stato, ne vi e pari nel mondo; considerando e con molta riflessione, che il Signore Iddio lo fece venire al mondo, per illuminare la bellissima professione della pittura. Se fi vuole più efatta notizia di detto quadro, leggafi il Vafari nelle Vite de pittori, al Tomo I. libro III. al foglio LXXVI. nel fine della vita di Raffaele da Urbino. Rimettendomi in tutto, e per tutto a persone più intelligenti di me, sperando, che tutti havranno maggior discernimento di me. Mà ritorno paucis aliis Aesculari simulacris & signis, prolixa. Pestus una cum dextro humero & brachio nudum est, pallium vero retortum a sinistro humero rugosum pendet, & sub eo sinum faciens, reliquum corpus tegit. Pedibus, Graecorum more, habenarum corrigiarumque benesicio, soleae apte adstrictae sunt. Facies honesta, argutiis plena, & liberalis est; de qua non minus Callistrati verba valent: Vultus autem si intuearis, sensum obnoxium sibi facit. Non enim adscititio decore ornatus est, sed medicum & gratiosum sletit oculum, summaque & inestabilis majestas, verecundia temperata sublucet. Nec inepte haec dixit Callistratus. Jovi enim gratia & majestate usque adeo in antiquis monumentis similis est Aesculapius, ut persaepe non nisi ex symbolis ambo internosci possint x). Leve quoddam discrimen inter patrem & nepotem, in antiquis monumentis detegere

x) Montfaucon l'Antiquité expliquée & representée en figures. T. I. P. II. Liv. II. C. 1. & 2. p. 284.

à replicare il mio sentimento, che il detto quadro è di Raffaele e molto bello, grazioso, anche ben' conservato, alla riserva di qualche picciola scrostatura, la quale si è lasciata per non alterarlo da qualche persona, che non porra avere il merito, nè il dono, che ebbe Raffaele dal Signore Iddio, & e questo mio sentimento. L'attesto con il mio sigillo, e colla mia sottoscrizione. Questo di XVIII. Setsembre MDCCXLVI.

CAV. PIETRO LEONE GREZZI.

Jo sotoscritto Consigliere, Secretario del Ré Christianissimo, Cavaliere del Regio Oradine di S. Michaele, Direttore della Reale Academia di pittura, scultura, & architeta ura in Roma, avendo esaminato & osservato unitamente col Signore Cavalliere Ghezzi, il sopraccenato quadro, l'ho giudicato esser' vero, & intatto originale di Rassaele da Urbino, e molto degno di quel celebre autore. E questo mio sentimento, l'attesto con il mio sigillo, e la mia sottoscrizione. Dato in Roma nel palazzo della sudetta Academia. Questo di XXI. Settembre MDCCXLVI.

DE TROY.

Locus ille ab illustri Ghezzio, ex Vasari vitis pictorum citatus, qui picturam Raphaelis exacte describit & sequentis est tenoris: Lavorò un quadro al Signore Leonello da Carpi Signore di Meldola, il quale ancor' vive d'età più che nonanta anni, il quale fu miracolo-sissimo di colorito, e di bellezza singolare, atteso che egli è condotto di forza e d'una vaghèzza tanto legiadra, che jo non penso, si possa far' meglio. Vedendosi nel viso della nostra Donna una divinità, e nell' attitudine una modestia, che non è possibile migliorarla. Finse che ella à man' giunte adori il figliuolo,

conatus est saepe laudatus Winckelmannus, in libro ante citato. Capilli in fronte Aesculapii, ait, eodem quo & capilli Jovis modo, in altum elevari, & inslexi oblique a latere recidere solent. Aesculapius vero differt a Jove oculis minutioribus, lineamentis senilibus, reliquisque capillis. Barba praecipue in labro superiore, magis arcuatim convolvitur. In labio autem superiori Jovis se statim convolvendo, angulos oris tegit & barbae in mento exsistenti, immiscetur. Magnam illam nepotis & avi similitudinem niti forsan posse ea observatione putat, quod saepenumero silii minus patri quam avo sint similes. Aesculapium vero saepe quoque imberbem singi, Pausanias variis in locis & alii prisci aevi autores, indicarunt.

Aesculatio ex adverso in splendido atrio arcis regiae Charlottenburgensis, posita est statua Hygieae ejusdem operis, & eodem in loco una cum Aesculatii statua detesta. Altitudo

ı 2 ejus

che le fiede in fu le gambe, facendo carazze a S. Giovanni picciolo fanciullo, che lo adora infieme con S. Elifaberta a S. Giufeppe. Questo quadro era appresso il Rev. Cardinale di Carpi, figliuolo del detto Signore Leonello delle nostre arti amator grandissimo.

Picturam illam Raphaeli jure esse tribuendam, non leve argumentum quoque ex eo sumi potest, quod in eodem seculo quo Raphael storuit, ejus nomine insignita, aeri incisa sit. Possideo picturam ex aere secundum hanc tabellam pictam, exacte delineatam, cum sequenti subscriptione: Et gloriantur in Teomnes qui diligunt nomen tuum. Quoniam tu benedices justo. Psalm. V. "Si glorieranno in te tutti coloro che amano il tuo nome perciocche tu benedirai il giusto Ps. V." Ad latus dextrum legitur: Raphael Urbinaten. Inventor. Petrus Paulus Palumbus Novarien. Curabat Romae anno Dm. 1571. Inferius: Gas-

par Albertus Successor Palumbi. Palumbum quoque opera quaedam Polydori da Caravaggio aeri incidisse, notum est. Tabulae hujus aeneae altitudo pollices XIX. latitudo vero pollices XIV. cum dimidio aequat. San Itam familiam a Raphaele plus simplici vice, sed varie & diverse pictam esse scimus. Ea quae Versaliis conditur a variis delineata & aeri incifa eft, inter quos Edeling, Frey, & Chereau junior, noti funt. Nec minus celebres artis chalcographicae professores, Marcus Antonius, Silvefter de Ravenna, Saluzzi, Pitau, Pesne, Brebiette, Roscicoti & Vorstemann. fanctam familiam ad ductum diverfarum picturarum Raphaelis evulgarunt, fed dicere nequeo, an plures ex illis ad hoc archetypum confectae fint. An majoris ponderis argumenta pro ernenda veritate in hac re proferri possint, valde dubito, & confido, me omnia attuliffe, quae ad convincendum, ab aeque judice requiri possunt.

ejus sex pedes cum dimidio excedit. Induta illa est tunica manicata, vel ad talos usque stola demissa, pallaque circumdata. Manicae stolae ad cubitum usque protenduntur, & in brachio connodatae sunt. Palla valde rugosa est, praecipue ubi medium corporis ambit, superius enim stolam non tegit, sed pallae solummodo pars, in sinistrum humerum rejesta est; altera vero pars, sub sinistro brachio subdusta, & in plicas scite contrasta, ad mediam fere tibiam promissa est. Pedes nudi sunt, & soleis carent. Serpens dextrum brachium involvens, caput suum dextro humero imponit, inferiorem serpentis partem, laeva manu tenet. Capilli in vertice constricti sunt, & in summo frontis, duo capillorum volumina instar cincinnorum elevata, eminent. Facies decora, venustas oris, membrorum symmetria & gratia, exprimunt Deam benesicam & generi hominum amicam.

Alius adhuc Charlottenburgi ex hac collectione servatur Aesculapius, operis Romani ex albo marmore, altitudinis viginti quinque digitorum. Qua vestitum convenit cum Aesculapio supra descripto, excepto baculo nodoso cum serpente, quem liberiori modo dextra manu tenet, cujus typum aequa ratione in gemma praeclari & antiqui operis possideo. Brachium sinistri lateris pallio circumvolutum est, quod quippe pallium manu sinistra complicatum tenet, & corpus umbilico tenus nudum relinquit.

Minor adhuc Aescularii statua, quae non decem digitos excedit, ex alabastrite candido ibidem seposita, sed valde mutilata est. Caput, manus, & baculus truncata sunt. Serpentis in gyrum circumvoluti ultima pars prope ad pedes, & baculi pars superior sub dextro humero conspiciuntur, pectus non adeo nudum quam in praecedentibus, & pallium sub sinistro humero complicatum est.

HIPPO-

HIPPOCRATIS thorax five statua marmorea alba pectore tenus efformata, stylobatae excelsae imposita cum aliis hujus generis statuis, triclinium Regium ornat. Altitudo ejus a vertice usque ad imam pectoris partem fedecim digitos superat. Nec minus Potsdamii alia conspiciuntur venerandae antiquitatis monumenta, e ruinis ut dicitur Herculanensibus ad Serenissis mam Principem Baruthinam cum Romae degeret, delata; quae hic praeterire nequeo. Horum primum est statua Minervae, quae non immerito Medica dicitur; alterum, Aesculapius ex albo marmore cum volumine in dextra manu, eundem humerum baculo nodofo, ferpente implexo, imponit; sinistra manu pallium tenet, cujus pars humero ejusdem lateris imposita est. Pectus ad umbilicum usque nudum cernitur, ut & pedes. Statuae altitudo duos pedes aequat. Prae caeteris vero mihi placuit HIPPOCRATIS caput pectore tenus efformatum, ex marmore albo, omni aestimatione medici dignum opus est. Caput enim Divi Senis multa arte elaboratum, una cum pectoris parte, qua nititur, in viginti digitorum altitudinem furgit. Omne decorum & gratum in vultu prae se fert, nec minus modestiam & veracitatem quandam Divi Coi, artifex in charactere faciei fel citer expressit. De moribus enim & virtutibus Hippocratis, non nisi quaevis praeclarissima afferri possunt. Valde convenit Hippocratis statua cum delineatione a P. P. Rubens ex antiquo marmore defumta, quae a P. Pontio MDCXXXVIII. aeri incifa est. Eadem delineatio scite facta, movit chalcographum anglicum I. Fabrum, ut eandem melano-chalcographica arte expresserit.

Quo antiquitatis amatoribus gratum officium exhibeam, curavi ut Aesculapius & Hygiea, quae Charlottenburgi in atrio Palatii cernuntur, nec minus Hippocratis caput cum thoracis parte, quod Potsdamii conservatur, scita manu celeberrimi viri I. W. Meilli, acu in aere delinearentur, opusque

Commentationis, HIPPOCRATIS aenei iconem dedi, cujus signum pectore tenus esformatum nobili aerugine obductum, museum meum exornat: Quod ex collectione Cardinalis Passionei, cura amicitia Fautoris honoratissimi plane singulari, in Musei mei decus transiit. Caput solitam magnitudinem excedit, ab ima pectoris adhaerentis parte, usque ad summam frontis, altitudinem octodecim pollicum mensurae rhenanae superat, non computata basi. Parerga sigurae aeneae honores quosdam medicis prisci arecentis aevi tributos, indicant; quorum explicatione rerum periti non indigebunt.

Ex descriptionibus Statuarum Aesculapii, Higieae & HIPPOCRATIS supra exhibitis constat, historiae antiquorum artificum nihil inde augmenti accedere, cum nomina eorum nullibi infcripta legimus. Licet varii artifices Aesculapii & Higieae simulacra, summa cum laude perfecerint, temerarium tamen imo absurdum foret, iis qui inclaruerunt, unam alteramve ex his adscribere velle. AESCULAPIUS & HIGIEA tanquam Dii φιλανθεωποι, & falutares, ab antiquis semper summo cultu dignati sunt. Prisci aevi scriptores, corum templa, aedes, delubra, fimulacra & aras, longe lateque recensuerunt, inter quos praecipue Paufanias, ea quae in itineribus fuis in Graeciam institutis, adhuc suo aevo offendit, magna cum solertia indicavit. Celeberrimi antiqui aevi artifices, quasi aemulati funt, ut horum imagines & fimulacra scite & affabre conficerent. Sic PLINIO teste y) Aesculapius, non solum ab Aristanethe Nearchi filia & discipula, sed etiam una cum filiabus Hygiea, Aegle, Panacea, & Jasone, a Socrate pictore celebri. qui referente Plinio, omnibus jure placebat, in tabellis pictis celebratus fuit. Messeniae in Aesculapii fano, quod ob dignis-

y) Histor. natur. edit. Harduini. T. II. p. 709.

sima signa & praeclarissimas imagines inclaruit, non solum Dei ipsius & liberorum simulacra cernebantur, sed ejusdem quoque & filiorum Machaonis & Podalirii, quorum clarum fuit in Trojano bello nomen, imagines, ab Omphalione z), Niciae, Nicomedis filii discipulo, pictae condebantur. Artium jam tunc temporis apud medicos cultum & existimationem ex eo perspicere licet, quod plurima Aesculapii templa e.g. Athenis, Messeniae, Epidauri & alibi a) ob praeclarissimas statuas, praecipue vero ob praestantissimas pinacothecas, gloriam consecuta funt. Aescularii fimulacra vario & diverso modo artifices fingebant. Modo pueri, modo juvenis vel viri imberbis, modo venerabilis & benigni fenis specie, colebatur. Barba eum tunc vel prolixa, vel denfa & fruticofa ornabat. Epidaurii barbam ipsi auream apposuerant, reliqua facie ex ebore Thitoræenses b) marmoreo simulacro barbam promisfam ad duos pluresque pedes adjunxerant. Ratione amictus, modo feminudus, modo velatus, modo pileatus, vel galera tectus, modo capite inoperto, conspiciebatur. Alii stantem, alii sedentem, alii cubantem Deum formarunt. Sic Gortynae c) ubi Aesculapius delubrum ex Pentelico marmore habebat, sub signo impuberis Dei colebatur, cujus & Hygieae fimulacri artifex, celebris ille Scopas erat. Apud Megapolitanos aliud Aesculapii pueri templum conspiciebatur, cujus recto statu signum, nihilo erat cubitali majus. Oncii quoque vel prope ad Ladonem fluvium, Aesculapii pueri aedes notae erant, ubi Trygonis, nutricis ipsius sepulcrum cernebatur.

²⁾ PAUSANTAE Graeciae descriptio. Ex edit. Sylburgii p. 273.

a) vid. PAUSANIAS p. 37. 276. 134.

b) Schultzius in Historia medicinae p. 132. locum PAUSANIAE l. c. p. 673. ita explicat,

⁶⁾ PAUSANIAS P. 501.

batur *). Aesculapius vero puer cultum inde sibi conciliavit, quod a matre expositus, & ab Aristhanete pastore d), vel ut alii narrant, ab Autolao Arcadis notho filio cum inventus effet, dicunt: coelestem ab illo effulsisse ignem, quo deterritum prodigio, cum divinum quiddam id esse suspicaretur, statim retrocessisse. Mox tamen per terras ac maria omnia vulgatum est, sanari ab illo quovis morbo laborantes, mortuos etiam excitari. Unde statim in Deorum numero haberi coepit. Ex antiquo monumento Nicomedis Medici Smyrnaei, Romae conservato & ab Octavio Falconerio descripto, discimus: Nicomedem talem statuam Aesculapii, manu erudita Seioboethi, industrie sculpi curasse "qualem obstetricatae sint recens natum Ilithyae." Unde Cuperus in libro de Harpocrate addit: quae certe Deum ut infantulum docent effictum & cultum fuisse. Idem illud monumentum a Sponio in Miscellaneis Eruditae Antiquitatis e) fuse describitur. Apud Phliasios lignum

d) vid. PAUSANIAS p. 133. 496.

e) p. 132. Cuperus in Harpocrate p. 79. FALCONERIUS in notis ad Inscriptiones athleticas. In Thesauri Graec. Vol. VIII. p. 2346.

Laurentius Pignorius, Aefculapium puerum in figillo antiquo conservabat, quem ligno affabre expressum dedit in Symbolis epistolicis p. XLVIII. edit. Patav. 1629. Capite incedit pallio velato. Pignorius addit; Quod & Romae mihi observatum est in statuis & veteribus nummis. Clar. Winckelmannes in descriptionis Dactyliothecae celeb. Baronis de Stosch, praefatione pag. XX. sequentibus hanc Pignorii animadversionem notat : Pignorius avance aussi avoir vû a Rome des Statues d'Esculape avec un voile, sur le derriere de la tête, mais les Statues de cette divinité, qu'on y voit à present, n'ont pas ce voile, & la figure sans barbe qu'il donne pour Esculape, sera sans doute quelque prêtre, & la

statue décrite par Callistrate, ne semble pas avoir été sans barbe, ce que le P. Perau veut inferer des paroles de cet auteur. De statuarum Aesculapii conditione, quae Romae adhuc conduntur, Clarissimus Vir, optime nos docere potest. Ex supra vero a Pausania relatis patet, Aesculapium non solum puerum, fed quoque velatum ab antiquis interdum cultum fuisse. Adspicientibus vero figuram a Pignorio datam, pueri statim facies oculos feriet, quae facerdoti minime convenit. Figurae quae a Gisberto Cupero in Lib. de Harpocrate, & a Schultzio in Historia medicinae. fecundum hanc Pignorii expressae funt, vitiose, praecipue ratione faciei, delineatae funt: cum nescio qua incuria, loco faciei puerilis,

egregiae

signum ejus imberbe erat. Sicyonii Aesculapius imberbis, exauro & ebore a Calamide factus, in templo ei sacrato conspiciebatur, altera sceptrum, altera vero sativae pinus sructum tenebat. Potissimum autem in nummis, marmoribus, & apud autores graecos & latinos, senex comatus & barbatus, stans, capite, pectore & dextro brachio, quo nodoso baculo innititur, plerumque nudo, occurrit. Quod innumeris exemplis monstrari potest, quae praetermitto, cum alibi de statuis in medicorum honorem positis, multa & varia mihi de his dicenda erunt. Illud Aesculapii f) magnisico in throno sedentis simulacrum, ex auro & ebore persectum, quod haud procul ab urbe Epidauri in templo ejus positum erat; reliqua omnia, excepto Jove Olympio, qui Athenis colebatur, antecellebat, & inter septem mundi miracula, a quibusdam g) relatum est.

f) PAUSANIAS p. 134.

g) GRONOVII Thesaurus Antiq. Graec. T. VIII. in notis Allatii ad Philonem Byzantium de septem Orbis spectaculis ex Autoris Anonymi MSS. p. 2646. it. Clementis Alexandr. Admonit. ad Gentes. p. 34.

egregiae & liberalis, quotidianam virilem exhibeant, Aesculapius qui Beryti colebatur, vifu erat pulcherrimus & juvenis qui vifus admirationem excitaret, referente id Damascio in vita Isidori apud Photium in Myrobibliis. p. 1074. Aesculapium gracili & juvenili corpore expressum, plane nudum, stantem, baculo ferpente saepe & varie circumplicato, innixum; in vitro obfidiano possideo. Occurrit eadem in Chiliade III. Dactyliothecae univerfalis, humanissimi Viri Phil. Dan. Lipperti p. 29. n, 258. De Aesculapio imberbi conferri meretur Museum Florentinum, Tom. II. tab. KXV. n. 3. Aefculapium plane nudum vide apud Montfancon T. I. tab. 187. n. 3. p. 286. Velato vero capite conspicitur in Museo Flo-

rentino Tom. II. cab. XV, n. 3. & apud Erizzo Diffcorf. fopra le Medaglie, p. 544. Aesculapius galero vel pileo tectus in Jaspide rubra scite incisis, in scriniis meis conditur, & a celebri Lipperto, loco fupra citato, n. 259, recensetur. Alium quoque possideo pileatum stantem una cum Hygiea, in Sarda sculptum. Inter nummos Aesculapii duos argenteos bene expressos asservo, qui eundens pileatum oftendunt, Sunt nummi Imp. Clodii Septimii Albini, bene conditi, qui ratiores mihi videntur, cum nummi hujus Imperatoris, qui Aesculapium sistunt, & apud Parinum aliosque in numifinatibus imperatorum, & apud Begerum in Thefauri Brandenb. T. II. p. 697. conspiciuntur, eum capite nude exhibent.

Testabatur inscriptio opus esse Thrasymedis Arginoti filii, Paril hominis. Sedebat in solio scipionem tenens, altera manu draconis caput premens, cane ad pedes decumbente. In ipfo folio Argivorum heroum opera caelata erant: exempli gratia, Bellerophontes, Chimaeram conficiens, Perseus Medusae caput abscissum tenens. Ex Athenagorae Apologia pro Christianis comperimus, Aescularii statuam a Phidia confestam suo tempore, Epidauri cultam esfe. Plura enim Pausania teste. Aesculapii templa ibi condita erant, de hac vero celebratissimi Phidiae statua, reliqui omnes silent. Sedentis Aesculapii effigies saepe in nummis et statuis occurrit. Cubantis vero simulacrum rarissime. Conservatur tamen Aesculapius in lecto jacens, inter alias statuas graecas & romanas, Venetiis in Pro-Oeco Bibliothecae publicae Divi Marci. Aeri incifus est apud Zanettum b). Rarissime velatus singebatur. Prope ad Sycionium vero in Titane, ubi Alexanor ex Machaone nepos, fanum avo erexerat, signi ipsius sola se facies, manus & imi pedes oftendebant, partes ceterae lanea tunica alba & pallio velatae erant, ibidem quoque Hygieae signum undique velatum cernebatur. Nepotum pietas erga Aesculapium, tam ex hoc exemplo, quam ex Sphyri fratris Alexanoris fano, apud Argivos nobilissimo, colligi potest. Dei sedentis ibi i) videbatur signum e candido lapide, cui assidebat bona valetudo, assidebant quoque qui signa ipsa fecerant, Xenophilus & Straton; unde & artificum existimatio & honos apud Graecos elucet. Occasione descriptionis statuarum Aescularii, varios in hac recensione nominavi artifices, magnae apud priscos, praeci-

h) Delle antiche Statue Greche e Romane che nell' Antifala della libreria di San Marco, e in altri luoghi pubblici di Venetia si trovano. Part. II. tab. XVII.

i) PAUSANIAS p. 127.

pue apud Graecos, famae, quorum merita in artis operibus jam ante hos decem annos in peculiari scripto *) recensui. Excipiunt supra memoratos Praxiteles, Alcamenes, Damophon, Bryaxis, Timocles & Timarchus, qui ex Paufania tanquam statuarii innotuerunt, & varia Aesculapii signa in templis Graecorum multa laude confecerunt. Ex eadem ratione Colotis apud Strabonem, Philomachus apud Suidam, celebres facti sunt. Romae, PLINIO teste, Nicerati & Cephissodori statuae Aesculapii conservabantur. Mentionem fecit horum omnium Franciscus Junius in Catalogo artificum prisci aevi, quem libris de Pictura veterum adjunxit. Idem Pyromachi statuarii quidem meminit, sed omisit, eum Aesculapii quoque statuam conflasse, ut Diodorus Synopensis in Excerptis Grotii profert. Deest quoque Assalecti artificis nomen, quod in Statua Aesculapii Romae in Palatio Verospiorum servata legitur, cujus celeb. P. I. Baro de Stosch in Praesatione libri de Gemmis antiquis meminit. His quoque addendus est Seioboethus statuarius, cujus supra memini, qui frustra in Junii indice quaeritur. Hygieae statuam a Scopa, Nicerato, Bryaxi, Pyrrho & aliis sculptam & sictam, in templis Graeciae viderunt Pausanias & Plinius Romae, de quibus Junius conferri Satis haec fint de Statuis. meretur.

x 2 Igno-

*) Edidi Berolini anno MDCCLVII. fine nominis mei mentione, Tentamen de artificiosa auri & argenti caelatura prisci aevi, in lingua vernacula, sub titulo: Versuch einer historischen Nachricht von der künstlichen Gold- und Silber-Arbeit in denen aeltesten Zeiten, in cujus Sectione III. opera artificum graecorum recensui. Animus mihi erat, tentamini secundo praeclarissima ex vasis antiquis relicta artis specimina, nec non ex nummis, gemmis, operibus anaglypticis & aliis, delineationes quasdam addere, ad rei & artis

explicationem. Amore autem artium durante longo illo bello suppresso, praxi medicae me totum fere dedi, aliaeque animi distractiones, me ustra progredi hucusque impedierunt. Et supervacaneus nunc esser ille labor, cum celeberrimus & doctissimus Winckelmannus, evulgata artis antiquae historia, aliisque variis solide & rara artium cognitione scriptis ediris, & adhuc edendis, partem illam felicissime implet, qui Romae degens optimis subsidiis plene & largissime instructus est.

Ignoscas quaeso, Benevole Lector, variis digressionibus ad quas artium cultus, veritatis amor, nec non quorundam hominum finistra opinio de genio, ingenioque gentis germanicae me seduxerunt. Ut dissertationi colophonem imponam, alia pro tempore negotia jubent. Quaecunque vero in fine §. XXX. promisi, in peculiari scripto: de Archiatrorum Comite, explicare constitui.

Supplementi loco unum adhuc addere placet. In paragrapho IV. dixi, aegrotorum curam plurimorum Equestrium Ordinum fuisse primum institutum & officium, sed ordinum equites quoque chirurgorum munus implevisse, ex scriptis Guidonis de Chauliac qui Seculo decimo quarto vixit, postea edoctus sum. Varias vulnerum tractandi methodos, quae fuo aevo in usu erant, Autor recenset & peculiarem methodum Equitum Teutonicorum, five Ordinis Hospitalium S. Mariae, sequentibus describit verbis: Les chevaliers Teutoniques s'étoient travestis en Chirurgiens, car la quatrième Secte est de tous les Gens d'armes, ou Chevaliers Teutoniques, & autres suivans la guerre; lesquels avec conjuration & breuvages, choux, huile, laine, pansent toutes playes, se fondant fur cela, que Dieu a mis sa vertu aux paroles, aux prieres & aux herbes. meretar. Satis base fint de Statufs.



Alle

rempinas after as am Mittheway obarred inings relicia ariis ipicimina, nec non ex minumia,

lineariones quasdan addere, ad rei & arris







